

Հարգելի՛ ընթերցող,

Արցախի Երիտասարդ Գիտնականների և Մասնագետների Միավորման (ԱԵԳՄՄ) նախագիծ հանդիսացող **Արցախի Էլեկտրոնային Գրադարանի** կայքում տեղադրվում են Արցախի վերաբերյալ գիտավերլուծական, ճանաչողական և գեղարվեստական նյութեր՝ հայերեն, ռուսերեն և անգլերեն լեզուներով: Նյութերը կարող եք ներբեռնել ԱՆՎՃԱՐ:

Էլեկտրոնային գրադարանի նյութերն այլ կայքերում տեղադրելու համար պետք է ստանալ ԱԵԳՄՄ-ի թույլտվությունը և նշել անհրաժեշտ տվյալները:

Շնորհակալություն ենք հայտնում բոլոր հեղինակներին և հրատարակիչներին՝ աշխատանքների էլեկտրոնային տարբերակները կայքում տեղադրելու թույլտվության համար:



Уважаемый читатель!

На сайте **Электронной библиотеки Арцаха**, являющейся проектом **Объединения Молодых Учёных и Специалистов Арцаха** (ОМУСА), размещаются научно-аналитические, познавательные и художественные материалы об Арцахе на армянском, русском и английском языках. Материалы можете скачать БЕСПЛАТНО.

Для того, чтобы размещать любой материал Электронной библиотеки на другом сайте, вы должны сначала получить разрешение ОМУСА и указать необходимые данные.

Мы благодарим всех авторов и издателей за разрешение размещать электронные версии своих работ на этом сайте.

Dear reader,

The Union of Young Scientists and Specialists of Artsakh (UYSSA) presents its project - **Artsakh E-Library** website, where you can find and download for FREE scientific and research, cognitive and literary materials on Artsakh in Armenian, Russian and English languages.

If re-using any material from our site you have first to get the UYSSA approval and specify the required data.

We thank all the authors and publishers for giving permission to place the electronic versions of their works on this website.

Մեր տվյալները – Наши контакты - Our contacts

Site: <http://artsakhib.am/>

E-mail: info@artsakhib.am

Facebook: <https://www.facebook.com/www.artsakhib.am/>

ВКонтакте: <https://vk.com/artsakhelibrary>

Twitter: <https://twitter.com/ArtsakhELibrary>

ԱՐՏԱՇԵՍ ՀԱԿՈՐՁԱՆՅԱՆ



ԱՐՅԱԽՅԱՆ
ԱԶԱՏԱՄԱՐՏԻ
ԱԿՈՒՆՔՆԵՐԻ ՄՈՏ

*«ԱՐՑԱԽ» ՀԱՅՐԵՆԱԿՑԱԿԱՆ ՄԻՈՒԹՅԱՆ
ՀՐԱՏԱՐԱԿՈՒԹՅՈՒՆ*

ԱՐՏԱՇԵՍ ՀԱԿՈՒԳԱՆՅԱՆ

ԱՐՑԱԽՅԱՆ ԱԶԱՏԱՄԱՐՏԻ ԱԿՈՒՆՔՆԵՐԻ ՄՈՏ

ԵՐԵՎԱՆ
2001

Խմբագիր՝ Գ. Մ. Հարությունյան

Արտաշես Հակոբջանյան

Արցախյան ազատամարտի ակունքների մոտ, հողվածներ,
Երևան, 2001, 124 էջ:

Հողվածների ժողովածուն սրժարժում է արցախյան կնճռու հիմնախնդրի բաղաբնական-պատմական շերտերում ծավալվող կենսական հարցադրումներ, արտահայտում հեղինակի ուրույն տեսակետը արցախյան ազատամարտի հանգուցալուծումների ճանապարհին:

ԿԱՐԾԻՔՆԵՐ

Սույն գրքույկի հողվածները ոչ միայն նորություններ են, այլև հայագիտության ու արցախագիտության կողմից գրեթե չուսումնասիրված տարածքներում «սպիտակ բծեր» վերացնելու նպատակ են հետապնդում: Հեղինակը պորբլեմային խնդիրները լուսաբանել է արդիական, ռազմաքաղաքական տեսանկյունով: Այս առումով այն հրատապ է և ունի գաղափարաքարոզչական ու գիտահրապարակախոսական նշանակալից արժեք: Գիրքը հատկապես շատ կարևոր նյութ կտա Արցախի հիմնահարցը քաղաքական ու դիվանագիտական ճանապարհով լուծելու հարցով զբաղվող գործիչներին: Այն նաև մի ապտակ է թուրք-ազերի կեղծարարների երեսին, որոնք ուժ ու եռանդ չեն խնայում՝ ապակողմնորոշելու Արցախ-Ադրբեջան հակամարտությամբ հետաքրքրվողներին:

Սույն գրքույկի տպագրությունը հայերեն, ռուսներեն և անգլերեն լեզուներով առավել անհրաժեշտ է:

ՇԱՀԵՆ ՍԿՐՏՉՅԱՆ

14.03.1995 թ.

Հետաքրքրությամբ կարդացի Արտաշես Հակոբջանյանի «Արցախյան ազատամարտի ակունքների մոտ» ձեռագիր աշխատությունը: Սա պատմագիտական հողվածների մի ուշագրավ շարք է, որով հեղինակն աղբյուրագիտական նյութի հիման վրա բացահայտում է աշխարհը ցնցած արցախյան շարժման համառոտ պատմությունը և այդ պատմության հնամյա ակունքները: Պատմագիտական այս ժողովածուն օգտակար կլինի արցախահայության ազատագրական շարժման պատմության բազմաշերտ ծալքերը լուսաբանելու համար:

Սա տպագրության արժանի գործ է, որով ևս մի քար կդրվի Արցախի հիմնահարցի լուծման շենքին:

ՀԱՅԿ ԽԱՉԱՏՐՅԱՆ

Հայկական համրագիտարանի
պատասխանատու քարտուղար
4.04.1997 թ.

ԵՐԿՈՒ ԽՈՍՔ



Ղարաբաղյան հիմնահարցն անցել է 300-ամյա արյունոտ ճանապարհի և դեռևս իր բավարար լուծումը չի ստացել: Համդես գալով որպես պարսկական տիրակալությունից Հայոց Արևելից Կողմանց ազատագրման հարց, որպես Անդրկովկասի բաղկացուցիչ մաս, ժամանակի ընթացքում շահագրգիռ հզորները հարցի շրջանակները նեղացրել, համգեցրել են Ղարաբաղին: Ավելին: Երկատել են նաև Ղարաբաղ հասկացությունը, այն բաժանել Լեռնայինի ու Դաշտայինի, և դաշտային Ղարաբաղը մարսած համարելով՝ օղակը սեղմել են Լեռնային Ղարաբաղի վզին՝ այդ վերջին հենակետը ևս բռնազավթելու հեռանկարով:

Մեզ պարտադրված պատերազմը հաստատեց այս արևի տակ Ղարաբաղի գոյատևելու իրավունքը: Սակայն դա իրականացավ Ղարաբաղի մի հատվածում՝ միայն: Նույնիսկ նախկին Ինքնավար մարզի տարածքի մի խոշոր մաս՝ մարզի վարելահողերը, Լեռնային Ղարաբաղի Հանրապետության բաղկացուցիչ մաս դարձած Շահումյանի շրջանը, ինչպես նաև Մարտակերտի շրջանի մի մասը բռնազավթված են հակառակորդի կողմից: Էլ չենք խոսում իր պատմական ու աշխարհագրական սահմաններով Ղարաբաղի մասին:

Հնարավոր է նույնքան պարտադրված զինադադարը վերաճի խաղաղության, բայց դա տևական ու վերջնական լինել չի կարող, որովհետև հիմնահարցը դեռևս սպասում է իր վերջնական, քաղաքական լուծմանը: Միզուցե այսքան էր վիճակված ներկա սերնդին, մանավանդ որ ազգովի նախապատրաստված չէինք այսքանին էլ, չնայած ամբողջ 70 տարի գտնվում էինք պայքարի մեջ: Թերևս կգան ավելի բարենպաստ ժամանակներ մեր ազգային դատի արդարացի լուծման համար: Բայց քանի որ Ղարաբաղյան հիմնահարցը այսօր մեր խնդիրների կիզակետն է, պետք է արթուն պահել հիշողությունը պատմական հեղաբեկումների մասին:

Հոգվածների այս փոքրիկ շարքը ստեղծվել է շիկացած իրադարձությունների մթնոլորտում, որպես դրանց անմիջական արձագանք:

ՆԵՐԱԾՈՒԹՅԱՆ ՓՈԽԱՐԵՆ

Հայկական բարձրավանդակի հետ միաժամանակ Արևելյան Անդրկովկասը ևս եղել է հայ ժողովրդի բնական հայրենիքն այն հեռավոր ժամանակներից, երբ նա առանձնացել է հնդեվրոպական նախամայր ժողովրդից որպես ինքնուրույն կենդանի միավոր: Հնայած այդ երկրատարածքը գիտական ճրագրով չի ենթարկվել պեղումների, և հնագիտությունը դեռևս իր խոսքը չի ասել, իր խոսքը չի ասել նաև պատմահանձնատական լեզվաբանությունը, այնուամենայնիվ, այլևայլ բնագավառներին վերաբերող ուսումնասիրություններից, շատ դեպքերում կողմնակիորեն ու պատահական, ջրի երես են դուրս գալիս փաստեր և իրողություններ, որոնք խոսում են այդ տեսակետի օգտին:

Այսպես: Ղարաբաղի բարբառում կան որոշակի քանակությամբ բառեր, որոնք գործածական են միայն այդ բարբառում, չեն մտել հայերենի ընդհանուր բառապաշարի մեջ: Այդ բառերը իրենց հնչյունական կազմով ու արտահայտած իմաստով նույնությամբ արձանագրված են նաև հնդկական սուրբ գրքում՝ «Ռիգվեդայում»: Օրինակ, ըստ «Ռիգվեդայի», Յաման մահվան թագավորության տիրակալն է, մարդկանց մահ ըկրող աստվածը: Նույն հնչյունական կազմով և նույն իմաստով բառը պահպանվել է նաև Ղարաբաղի բարբառում և այսօր էլ ամենօրյա գործածական բառ է: Այդպես են նաև հոթար (հոռտոր), սվահա (սվաբա), աղշա և այլ բառեր: Միայն Ղարաբաղի բարբառում գործածվող բառերի մի խումբ էլ առկա է ժամանակակից անգլերեն լեզվում: (Տես «Սովետական Ղարաբաղ», 1988 թ., հ. հ. 184, 190, 194):

Սրանք իրողություններ են, որոնք մտածելու տեղիք են տալիս, մանավանդ եթե վերջնականապես ապացուցված իրողություն է դառնում, որ հնդեվրոպական նախամայր լեզուն կրող ժողովրդի նախահայրերից եղել է Արևելյան Փոքր Ասիայից մինչև Արևմտյան Իրանն ընդգրկող երկրատարածքը:

Հնագետների հայտնաբերած հնագույն քաղաքակրթություններից մեկը Շումերական քաղաքակրթությունն է Հարավային Միջագետքում, ուր շումերներն ապրել են մ.թ.ա. 5-րդ հազարամյակի վերջերից մինչև 2-րդ հազարամյակի սկիզբը: Շումերական գրական հուշարձաններից է

Մասնավորապես հայտնի անձնակազմը, որը ներկայացնում է շումերական իրականությունը մ.թ.ա. 28-27-րդ դարերում: Այդ էպոսում բավական որոշակի տեղեկություններ կան մասնավորապես հարևան ու մրցակից Արատտա երկիր-պետության մասին, որի արևելյան, հարավային ու արևմտյան սահմանները համընկնում են պատմական Հայաստանի սահմանների հետ: Շումերական էպոսում հիշատակություն կա մասնավորապես Արատտայի աստվածային պանթեոնի մասին: Մայր աստվածուհին կոչվում էր Տուրտուր, որը շումերներից աքքադացիներին փոխանցված «Գիլգամեշ» էպոսում դառնում է արդեն Ուբար Տուտու: Ուբար մակդիր կորուստով Տուտու բառը հասել է մեր օրերը՝ կրկնակի իմաստով: Արևմտահայերենում Տուտու նշանակում է մեծ մայր, տատիկ՝ ինչ-որ չափով պահպանելով նախկին իմաստը: Իսկ Ղարաբաղի բարբառում Տուտու են ասում դանդաղաշարժ, անկարող, որևէ գործում շնորհք ցուցաբերելու անընդունակ կնոջը: Ըստ երևույթին, այդ հեռավոր ժամանակներում, հայկական ցեղերի միավորմանը զուգընթաց, նրանց աստվածային պանթեոնների միջև ևս մրցակցություն ու «կռիվ» է եղել, և արևելյան հատվածում հաղթող է դուրս եկել Նանե մայր աստվածուհին՝ դառնալով մեծ մայր, տատիկ, իսկ պարտված Տուտուն ստացել է բացասական իմաստ:

Ընդամենը մեկ բառ, որը, սակայն, հնարավորություն է տալիս թափանցելու դարերի խորքը և կռահելու, որ Արևելյան Անդրկովկասը ևս Արատտա երկիր-պետություն կազմի մեջ է եղել, և այդ երկիր-պետությունն էլ հայ ժողովրդի հնագույն պետական կազմավորումն է: Իսկ ինչքան այդպիսի փաստեր կհայտնաբերվեն նպատակամղված հնագիտական ու լեզվաբանական ուսումնասիրությունների ղեկավարում՝ հնարավորություն ստեղծելով վերականգնելու հնագույն ժամանակների պատմական իրականությունը:

Վանի Արարատյան թագավորության սեպագիր արձանագրություններից հայտնի է, որ Արգիշտի երկրորդը, շարունակելով իր նախորդների քաղաքականությունը՝ մի միասնական պետության կազմում հայկական ցեղերի միավորման ուղղությամբ, 8-րդ դարի վերջերին երկրի սահմանները հասցրեց Կասպից ծովի արևմտյան ափերը: Ահա այդ ժամանակ էլ նա հիմնադրեց Բագուն, ինչպես իր անվանակից նախորդը, նվաճելով Արարատյան դաշտը, այնտեղ հիմնադրեց Էրեբունին ու Արգիշտի-խինիլի-Արմավիրը: Չէ՞ որ Բագու բառը կազմված է զուտ հայկական բառակազմական միջոցներով: Բագ (բոգ) արմատը հնդեվրոպական նախամայր լեզվից հայոց լեզվին փոխանցված բառ է, որը առկա է հայերեն մի շարք բառակազմություններում՝ Բագ-ին, Բագ-արան, Բագ-ա-

վան: Բագ արմատը հայոց լեզվի գործուն բառապաշարի մեջ է եղել մինչև մ.թ.ա. երկրորդ դարի սկիզբը, երբ երվանդ Վերջինը իր կառուցած պաշտամունքային կենտրոնն անվանակոչեց Բագարան: Բագու բառը կազմված է նույն բագ արմատից և հայերեն ու անանցից, որը բառին տալիս է ունենալու իմաստը, ինչպես ազդ-ու, կծ-ու, հատ-ու և այլն:

Բագուն հայերենի բառակազմական միջոցներով ստեղծված միակ տեղանունը չէ Ապշերոնյան թերակղզում. տառացիորեն նրա հարևանն է դարերի խորքից եկող Մարդականը՝ կազմված մարդ արմատից և ական անանցից՝ բառակազմական իր զուգահեռներն ունենալով Բյուր-ական, Սիս-ական, Բայլ-ական, Վասպուր-ական և նման շատ ու շատ բաներում:

Այս կարգի ցրված փաստերի, մասնավոր մինչև մեր օրերը հասած տեղանունների շարքը ամբողջ Արևելյան Անդրկովկասով մեկ կարելի է բազմապատկել, փաստեր, որոնք դուրս են մնացել գիտական հետաքրքրությունների տեսադաշտից: Սակայն մի բան որոշակի է. Արևելյան Անդրկովկասը մինչև 17-րդ դարի վերջերը իր հիմնական մասով գիտակցվում էր որպես Հայաստան, հայ ժողովուրդն էր այդ տարածքի հիմնական ու գերակշռող էթնիկական տարրը, չնայած դարեր շարունակ այնտեղ մեկը մյուսին հերթափոխել են օտար նվաճողները՝ ամեն մի նվաճող իրեն ծնունտու ձևով վարչատերիտորիալ բաժանումների ենթարկելով այն: Իսկ թուրք այն ղեկավարում, երբ հնարավոր է եղել օտարի լուծը թողափել, տեղը կանգնել է հայկական ազգային իշխանություն, վերջինը Բաքվի կոմունան 1918 թ.: Իր իրական բովանդակությամբ և ոչ թե կոմունայի ղեկավարության գաղափարաքաղաքական ուղղվածությամբ, մի հակասություն, որը դարձավ կոմունայի պարտության պատճառներից մեկը, թերևս ամենահիմնականը:

ԵՐԵՔԱՐՅՈՒՐԱՄՅԱ ՀԱՐՈՒՆԱԿՎՈՂ ՅԵՂԱՍՊԱՆՈՒԹՅՈՒՆԸ ԱՐԵՎԵԼՅԱՆ ԱՆԴՐԿՈՎԿԱՍՈՒՄ ԵՎ ՆՐԱ ՀԵՏԵՎԱՆՔՆԵՐԸ

Ղարաբաղ-ադրբեջանական ներկա հակամարտության նախապատրաստողները և այն երկու ժողովուրդների համար արյունահեղ պատերազմի վերածողները այն գլխից Գորբաչովի բերանով բանաձևել են, թե հաղթողներ ու պարտվողներ չպետք է լինեն: Դա ինքնին ենթադրում է մի լուծում, որը բացառում է պատմության հազարամյակների փորձը, երբ հաղթող կողմը պարտադրում էր իր պայմանները, իսկ պարտվողը հարկադրաբար ընդունում էր այն: Բայց քանի որ առկա է

հիմնահարցը և այն էլ՝ վերածված արյունահեղ պատերազմի, անխուսափելիորեն պետք է ունենա և իր լուծումը, ինչքան էլ այն հավասարապես չբավարարի հակամարտող կողմերից որևէ մեկին: Դա կարող է լինել և պետք է լինի մի լուծում, որը բխում է կոնֆլիկտի բուն էությունից, կոնֆլիկտ, որը բովանդակավորվել է շուրջ 300-ամյա մի ժամանակահատվածում և այսօր հասել իր գերլարված հանգուցալուծմանը: Դա կարող է և պետք է լինի մի լուծում, որը կիրառելի է միայն դարաբաղյան հիմնահարցի համար, ինչքան էլ այդ հիմնահարցը նմանության եզրեր ունի նախկին ԽՍՀՄ-ի այլ տարածքներում առկա հակամարտությունների հետ:

Այստեղ ամբողջ հասակով կանգնում է այն իրողությունը, որ պատմության մեջ չի եղել և հնարավոր էլ չէ, որ լինի որևէ գաղափար, կենդանի հարցերի լուծման որևէ դեղատոմս, որ կիրառելի լինի ամենուր: Ապացույցը կրոնական տարբեր ուսմունքներն ու միևնույն կրոնի շրջանակներում առկա և մեկը մյուսին ժխտող հոսանքներն են, սոցիալական բազմաթիվ ու բազմաբնույթ ուսմունքները, ապացույցը կրախի մատնված մարքսիզմ-լենինիզմն է, նրան փոխարինելու եկած «նոր աշխարհակարգ» կառուցելու մասին ամերիկյան ժամանակակից կարգախոսները, որոնք ամեն քայլափոխի հակասել ու հակասում են իրենք իրենց՝ պայմանավորված այն հանգամանքով, թե տվյալ գաղափարի կրող հզոր ժողովրդի ծավալապաշտական շահը տվյալ պահին ինչ է ուզում պարտադրել աշխարհին:

Հզոր է՝ կարող է: Ահա միակ իրավունքը, որ ամեն անգամ ներկվում է մի որևէ նոր գույնով: Իրականում հրապարակ նետված «նոր աշխարհակարգի» մասին ամպագոգոս կարգախոսները աստառը շուտ տված լենինիզմն է, որը կոչված է քողարկելու համաաշխարհային տիրապետության ձգտող ամերիկյան նկրտումները: Վերջին հաշվով ո՞րն է բոլշևիզմի և ԱՄՆ-ի առաջ քաշած «նոր աշխարհակարգի» տարբերությունը: Բոլշևիկները սվիններով էին իրականացնում իրենց գաղափարները՝ լաթի կտորի վրա ժողովուրդներին դեմ անելով ապագա երջանկության խոստումներ, իսկ «նոր աշխարհակարգի» ասպետները ոչնչացնող զրահատեխնիկայի հետևից քարշ են տալիս սննդամթերքի ու դեղորայքի բեռներ՝ տեղնուտեղը թմրեցնելու համար դիմադրող ուժերին:

Կրախի մատնվեց մարքսիզմ-լենինիզմը, վաղը նույն ճակատագիրը սպասում է ԱՄՆ-ից «ճառագող արևին», որքան էլ ԱՄՆ-ն իր հզորությամբ միջազգային ժանդարմի դեր կատարի երկրագնդի ցանկացած անկյունում: Պատմության հազարամյակների փորձը ցույց է տվել, որ

ինարավոր չէ աշխարհին հազցնել «մի համընդհանուր կախարդիչ համընդերծ»: Հետևապես այն մոտեցումները, որ այսօր կիրառելի են Ամերիկայի կամ Եվրոպայի համար, քննություն չեն բռնում Ասիայում կամ Աֆրիկայում: Եվ այն անտեսումն ու արհամարհանքը, որ այսօր ցուցաբերում են պատմության նկատմամբ, փոխարենը բացարձականացնում սուկա պետական սահմանների անձեռնմխելիությունը, որ, կիրառելի լինելով Արևմտյան Եվրոպայի և Ամերիկայի համար, չպետք է տարածվեն բոլոր այն ժողովուրդների վրա, որոնք թոթափում են գաղութատիրության լուծը՝ ստեղծելով կամ վերականգնելով իրենց հայրենիք-պետությունը: Այս դեպքում պետք է հաշվի առնել ամեն ինչ՝ և՛ պատմությունը, և՛ ժամանակակից ռեալ իրավիճակը, և՛ հարևան ու հակամարտող կողմերի փոխադարձ հարաբերությունների ու միմյանց նկատմամբ մշակված վարվելակերպի դարավոր նստվածքները: Պետք է հաշվի առնել ճնշված ու գաղութացված ժողովուրդների ազգային-ազատագրական պայքարի մասին ստեղծված միջազգային իրավական նորմերը, որոնք շատ ավելի առաջնային են, քան «բաժանիդ, որ տիրես» կայսերապետական ելակետով կամայականորեն զծված ինչ-որ սահմաններ:

Երբ այս ելակետից մոտենում ենք «Ադրբեջանական Հանրապետությանը», տեսնում ենք, որ գործ ունենք անուկից սկսած կեղծ, հակապատմական ու հակաօրինական մի պետական կառուցվածքի հետ, ուր իսպառ անտեսվել է ու ոտնահարվել մի շարք ժողովուրդների ազգային շահեր, ժողովուրդներ, որոնք իրենց հազարամյակների հայրենիքում դարձել են ոչ վաղ անցյալում երկրատարածք թափանցած և դեռևս քոչվորական կյանքը չնոռացած եկվորների ագրեսիվ քաղաքականության զոհեր: Նորաթուխ Ադրբեջանի շովինիստական կառավարությունը անարգել իրենցը հռչակեց մահմեդական այն ամբողջ քաղաքակրթությունը, որ այդ տարածքում ստեղծել էին պարսիկներն ու տեղաբնիկ ժողովուրդները, այդ ժողովուրդներին կրոնական հիմքի վրա արդեն ձուլված էին համարում և հետևողականորեն, մարդահամարից մարդահամար, քայլ առ քայլ փոքրացնում էին նրանց թվաքանակը՝ ընդհուպ մինչև ուրանալով որոշ ժողովուրդների գոյության փաստն անգամ: Նրանց կոկորդում մնացած ոսկորը հայերն էին, որոնց հարցը ևս պետք է լուծելն և «լուծում» էին՝ փորձելով սեփականել անգամ հայոց խաչքարերը: Չնայած այդ համառ ու հետևողական ջանքերին՝ այսօր Ադրբեջանական Հանրապետություն կոչվածը դեռևս մնում է մի երկրատարածք, որը դարերի հողվույթով ձևավորվել է որպես ընդհանուր տուն ինչպես տեղաբնիկ, այնպես էլ եկվոր ժողովուրդների համար: Եվ այնտեղ ծա-

գող ազգային-ազատագրական շարժումներին ինչ-որ լուծում տալու համար պետք է ելակետ ունենալ ընդհանուր տան գաղափարը, որը հավասարապես պատկանում է տան բոլոր անդամներին, և այդ ընդհանուր տնից իրենց անկողոպտելի բաժինն ունեն ինչպես ադրբեջանցիները, այնպես էլ լեզգիներն ու թալիշները, թաթերն ու հայերը, մյուսները: Ահա թե ինչու դարաբաղյան արյունոտ կնճիռը պետք է լուծվի ընդհանուր տան բաժանման հիմքի վրա՝ անպայմանորեն հաշվի առնելով նաև այն հանգամանքը, որ 300 տարի դանդաղ գործողությամբ ցեղասպանություն է կիրառվել հայերի նկատմամբ և դրա համար, միջազգային առկա օրենքների համաձայն, հայերը պետք է հատուցում ստանան՝ սկսած Բաքվի նավթի իրենց մասնաբաժնից:

Այ կողմ թողնելով աշխարհի բախտը տնօրինող հզոր պետությունների շահախնդրությունները այս երկրատարածքի նկատմամբ, շահախնդրություններ, որոնց պարտադրանքով խճճում, անլուծելիության չափ բարդացնում են հիմնահարցը՝ ընդհուպ մինչև գոհին գավթիչ, գավթիչին գոհ ներկայացնելու տեսքով, անդրադառնանք այն հարցին, թե ինչպես ստեղծվեց այդ ընդհանուր տունը և ինչ է իրենից ներկայացնում այն: Առանց այս և նման կարգի հարցերի հստակեցման անհնար կլինի հիմնախնդրի ճիշտ ու արդարացի լուծումը:

Անշրջանցելի իրողություն է, որ, սկսած մարդկային քաղաքակրթության արշալույսից, Արևելյան Անդրկովկասը ձևավորվել է որպես հայրենիք հայերի, լեզգիների, ուղիների և այլ փոքրաքանակ ժողովուրդների համար, իսկ 2,5 հարյուրամյակ առաջ սկսել են այդտեղ տեղափոխել քոչվոր ցեղերի մի զանգված, որն այսօր կոչվում է ադրբեջանցի: Ստալինի հանձնարարությամբ և հրեաների ձեռքով այդ եկամուտ ժողովրդի համար թխվեց հազարամյակների խորքը թափանցող մի պատմություն, որում ամեն ինչ կա, բացի այդ ժողովրդի պատմությունից: Իրականում Արևելյան Անդրկովկասում ադրբեջանցի կոչվող ժողովրդի պատմությունը սկսվում է Նադիր շահի օրերից: Բոլոր վերագրումները այդ թխված պատմության մեջ հօդս են ցնդում, երբ մոտենում ենք պատմական բուն իրողություններին: Այնպես որ, անհիշելի ժամանակներից մինչև 1988 թվականը ողջ Արևելյան Անդրկովկասը էթնիկական ինչպիսի տեղաշարժերի էլ ենթարկվել է, այնուամենայնիվ, որպես անկողոպտելի ժառանգություն մնացել է հայրենիք նաև հայերի համար:

Ի սկզբանե հայերի տեսակարար կշիռն այնքան մեծ է եղել այդ երկրատարածքում, որ հնագույն ժամանակներից մինչև արաբական տիրապետությունը Անդրկովկասում, Կովկասյան լեռնաշղթայի արևելյան

հատվածի ամբողջությունների պաշտպանությունը հյուսիսային ցեղերից իրականացրել են հայերը, և դրա համար հայերին վարձատրում էին ժամանակի գերտերություններ Պարսկաստանն ու Բյուզանդիան: Հայերը մինչև 1988 թվականը այդ ընդհանուր հայրենիքի մեջ դեռևս մնում էին երկրորդ էթնիկական միավորը իրենց թվաքանակով:

Պրությունն սկսեց փոխվել 11-րդ դարից, երբ պարսկաթուրանական հազարամյա մրցակցության մեջ Պարսկաստանը պարտվեց, և թուրքական ցեղերի առաջ բացվեց Արևմուտքի ճանապարհը: Պարեր տևած այդ վայրիվեղումների հետևանքով Արևելյան Անդրկովկասի տափաստանային շրջանները վերածվեցին անմարդաբնակ անապատների, իսկ տեղաբնիկները, հարկադրաբար քաշվելով լեռնային շրջանները, ապահովեցին իրենց հարատևումը: Եվ քանի որ իրար հերթափոխող բոլոր նվաճողներն էլ քոչվոր անասնապահներ էին, իրենց հետևից չթողեցին ո՛չ էթնիկական և ո՛չ էլ մշակութային նկատելի նստվածք. հերթական նվաճողը դուրս էր մղում նախորդին և տեղն ինքը զբաղեցնում սեփական հոտերով: Սեֆյան Պարսկաստանի և Թուրքիայի երկուհարյուրամյա հակամարտությունը Անդրկովկասին տիրելու համար, նրանց բորբոքած անընդմեջ պատերազմները ևս ավերածություններ գործածելուց բացի ուրիշ վերափոխումներ չմտցրեցին այնտեղ, մասնավաճ էթնիկական տեղաշարժերի իմաստով: Այնպես որ, մինչև Պետրոս Առաջինի Կասպիական արշավանքը ադրբեջանցի կոչվող ժողովուրդն անմշան և ոչ մշտակյաց տարր էր երկրատարածքում:

18-րդ դարի 20-ական թվականներին պարսկական տիրապետության դեմ բարձրացրած հայ-վրացական ազատագրական շարժումը և դրան շաղկապված ռուսական հարավային ներթափանցումը հարկադրեց Պարսկաստանին՝ այդ տարածքների էթնիկական նվաճումը դարձնելու պետական քաղաքականության առաջնահերթ խնդիր: Առաջին օրինակը տվեց Նադիր շահը՝ երկրատարածք տեղափոխելով քոչվոր ցեղերի: Պարսկական իշխանությունները Պարսկաստանի խորքերից, Իրաքից և այլ տեղերից տեղափոխեցին ու մերձարաքսյան անմարդաբնակ տափաստաններից մինչև Թբիլիսիի մատույցները տեղավորեցին մի շարք թուրքալեզու քոչվոր ցեղերի, որպեսզի խափանեն հայ-վրացական ազատագրական շարժումները: Այդ ցեղերի՝ Պարսկաստանից կատարվող ներհոսքը, ինչպես նաև նրանց նստակեցության անցնելն ավարտվեց միայն մեր դարի 50-ական թվականներին: (Ադրբեջանցիների վերջին ներհոսքը եղել է 1954 թ., երբ պարսկական կառավարությունը ճնշեց բուն Ադրբեջանում ծագած ապստամբությունը: Իսկ 1959 թ. մար-

դահամարում դեռևս նշվում էր, թե Ադրբեջանի բնակչության որ մասն է նստակյաց, որը՝ քոչվոր):

Իսկ թե պարսկական վարչակարգին համարյա մեկ հարյուրամյակում ինչ ծավալով է հաջողվել Անդրկովկասի էթնիկական նվաճումը, երևում է Ապշերոնյան թերակղզուց և Բաքվից: 18-րդ դարի սկզբներին այդ համարյա անմարդաբնակ տարածքը Ռուսաստանի երկրորդ նվաճման ժամանակ ուներ ընդամենը 1500 ծուխ ազգաբնակչություն, որից 500-ը՝ Բաքվում¹:

Այսօր դեռ հարց է՝ ովքեր են ավելի առաջ տիրացել Բաքվին՝ ռուսները, թե՞ ադրբեջանցիները, և ինչքանով է Բաքուն ադրբեջանական հայրենիք:

Ինչքան էլ բոշտանգված ու ավերակված, այնուամենայնիվ, 18-րդ դարի առաջին կեսին Արևելյան Անդրկովկասը, փոքր քանակությամբ բուրբալեզու քոչվոր ցեղերի առկայությամբ, դեռևս մնում էր հայերի և մյուս տեղաբնիկ ժողովուրդների հայրենիք, որի բնակիչները ամրացած էին շատ թե քիչ ապահով լեռնային ու կիսալեռնային շրջաններում:

Իսկ ի՞նչ էր ներկայացնում այդ հայրենիքը հայկական էթնիկական տարրի առումով: Հարցի պատասխանը տալիս են ժամանակին ստեղծված պատմական վավերագրերը, որոնց հաղորդած տվյալների նկատմամբ կասկածներ լինել չեն կարող, որովհետև այդ դարաշրջանում իրողությունները դեռևս կոչվում էին իրենց անուններով, մանավանդ որ այն ժամանակ նավթի հոտը դեռևս չէր զրգռում աշխարհն իրենց բուռը հավաքել ցանկացող հզոր երկրների այտորժակը, որպեսզի ամեն ինչ շուռ տան գլխիվայր:

Այդպիսի վավերագրերից առաջինը հայ ազատագրական շարժման ռահվիրա Իսրայել Օրու 1699 թ. սեպտեմբերի 22-ի թվակիր զեկուցագիրն է Եվրոպայի տիրակալներին՝ նրանց օգնությամբ Հայաստանը պարսկական տիրապետությունից ազատագրելու ծրագրով: Այդ զեկուցագրից պարզ երևում է, թե աշխարհագրական ինչ տարածք էր ընկալվում որպես Հայաստան և ինչ հարաբերակցության մեջ էին այդ տարածքի հայ և մահմեդական (ընդհանրապես մահմեդական և ոչ ադրբեջանական) էթնիկական միավորները: Այդ փաստաթղթում Օրին տեղեկացնում է, թե Կասպից ծովից «դուրս կգանք մի նավահանգիստ, ուր ամբողջ շրջանում չկան ո՛չ քաղաք և ո՛չ էլ գյուղեր: Այդ տեղը տասը մղոնով է հեռու Բաքվից, ուր կան երկու գեղեցիկ շատրվամներ... Այդտեղ է

ահա Հայաստանի սահմանագլուխը»: Այնուհետև առաջ անցնելով՝ շարունակում է. «Հարուստ և առևտրական քաղաք է Շամախին: ...Մենք այնտեղ ունենք յոթը հայ ծխական համայնքներ և քաղաքի բոլոր վաճառականները և առևտրականները հայ են: Հենց որ նրանք տեսնեն ծածանելիս ձեր կայսրընտրիչ բարձրության դրոշակները..., անմիջապես դուրս կգան այդ քաղաքից տասը հազար հայ մարդիկ, ամենքն էլ հեծյալ, կազմ ու պատրաստ... **Ահա առաջին մուտքը Հայաստան, որ սկսվում է Շամախուց:...** **Պարսկաստանի թագավորությունը - դա Հայաստանի թագավորությունն է ներս մտնելիս»**²:

Ուշագրավ է, որ պարսկական առաքելությունից վերադարձի ճանապարհին Օրին Ղուբայի խանության Նիզաբադի տարածքում երեք կամուրջ է կառուցել և վանքի հիմքեր դրել՝ առաջիկա ռուսական առաջխաղացման ժամանակ նրանց երթուղին դյուրացնելու հեռանկարով: Նիզաբադը փաստորեն Օրու ներկայացրած Հայաստանի հյուսիսարևելյան ծայրակետն է: Այդտեղ նույն նպատակով վանք կառուցելու հարցը երկրորդ անգամ ցարին է ներկայացրել Օրու զինակից Սինաս վարդապետը 1714 թվականին³:

Այնուհետև Օրին ներկայացնում է Արևելյան Հայաստանի նահանգները մինչև Երևան՝ յուրաքանչյուրի դիմաց նշելով, թե ինչքան զինվոր կարող է տրամադրել ազատագրական պայքարին: Մտացվում է 192 հազար մարդուց կազմված մի բանակ այն դեպքում, երբ նույն տարածքից պարսկական տիրողները կարող էին դուրս բերել ընդամենը 48 հազարանոց մահմեդական զորք: Վիճակագրական ուղղակի տվյալների բացակայության դեպքում թվերի այս հարաբերակցությունն է միակ չափա-

2 Լեո, Երկերի ժողովածու. հ. III, 1973 թ., էջ 51, 53 և հետագա:

3 Տե՛ս Աշոտ Հովհաննիսյան, Դրվագներ հայ ազատագրական մտքի պատմության, հատ. 2. 1959 թ., էջ 613-614:

Սրոյնք ռուսական առաջխաղացումը արագացնելու այս հետևողական քանքերը չե՞ն Աստրախանում Օրու առեղծվածային մահվան պատճառը: Ռուսաստանը դեռ պատրաստ չէր հարավային ծավալման համար, իսկ անհապաղ գործողության դիմելու Օրու համառ պահանջի մերժումը, մանավանդ շվեդական պատերազմից հետո Օրու ծրագիրը իրականացնելու Պետրոս Մեծի տված խոստումից հետո, կլիներ քաղաքական անհեռատեսության, հայերին հուսախաբ անելու ակտ: Ամենահեշտը գաղափարը փրկելու համար գաղափարակիրին լռեցնելով՝ հազարամյակներով արդարացված միջոցն էր: Այլապես միանությունն է կարծել, թե ռուսական որևէ չինովնիկ, թեկուզև թալանի մոլուցքով բռնված, կիանդզեր ցարի դեսպանին, այն էլ Պետրոս ցարի դեսպանին թունավորելով վերացնել:

1 Օրոգրենին ռուսակոյե վաղեմին զա Կավկազոմ, շաստ 4, 1836, ստ. 39-40:

նիշը դրանց կրող տարրերի թվաքանակը որոշելու համար, այսինքն՝ 192 և 48 հարաբերակցությամբ էին հայերն ու մահմեդականները:

Ժամանակակից աղբյուրների տարածքի հաշվով Շամախի քաղաքը, որ «մեծ է ինչպես Կյոլնը» (Քյոլնը), կարող է տալ տասը հազար զինվոր, չհաշված այն 60 հայկական գյուղերը, որ գտնվում էին Շամախու խանության մեջ: Շաքիի (Նուխու) խանությունը, որտեղ «չատ քիչ են թուրքերը», կարող է տալ «սկզբում տասը հազար զինվոր», Գանձակը՝ 15000, Քաշաթաղը (ժամանակակից Լաչին-Քարվաճառը)՝ 10000, Չագամը (ժամանակակից Ղազախ-Թոուզի շրջանները)՝ 5000, Վարանդան՝ 6000, Մեծ Ղափանը (ժամանակին այդպես էր կոչվում Ղարաբաղի հիմնական մասը)՝ 60000 զինվոր: Ընդամենը 116000 զինվոր այն դեպքում, երբ նույն տարածքի պարսկական խանություններից միայն Շամախու և Գանձակի խանություններն էին պարտավոր կառավարությանը զորք տրամադրելու, ըստ որում Շամախին՝ 10000, իսկ Գանձակը՝ 5000 զինվոր: Ընդամենը 15000 զինվոր: Թվերի այս հարաբերակցությունը՝ 116 և 15, ցույց է տալիս, որ 18-րդ դարի սկիզբն Արևելյան Անդրկովկասը ժամանակակից Աղբյուրների համապատասխան տարածքով, որն այն ժամանակ ընկալվում էր Հայաստանի մաս, ուներ բնակչության մի կազմ, որի 87%-ը հայեր էին. 13-ը՝ մահմեդականներ:

Որ Օրին չամփազանցված թվեր չէր բերում հայերի թվաքանակի հարցում, երևում է հետագա բազմաթիվ վավերագրերից: Այսպես, Եսայի Հասան-Ջալալյան կաթողիկոսի 1722 թ. օգոստոսի 18-ի մի մամուլից իմանում ենք, որ միայն ապստամբած Ղարաբաղն ուներ 40000-անոց զինված մարտիկներ և այդքան էլ ընդունակ էր զինելու, եթե Պետրոսի պարսկական արշավանքը իրականանա⁴: Իսկ 1724 թ. Պետերբուրգ ուղարկված Ղարաբաղյան պատվիրակությունը ցարին տեղեկացնում էր, որ միայն Ղարաբաղն ունի 100000 ծուխ ազգաբնակչություն⁵:

Եթե իր հաշվարկներում Օրին թույլ է տվել սխալ, ապա սխալվել է մահմեդականների հարցում: Ժամանակի պետական-պաշտոնական փաստաթղթի՝ «Թաղքիրաթ-ալ-մուլուքի» տվյալներով 17-րդ դարի վերջում և 18-րդ դարի սկզբում Անդրկովկասի հայաբնակ գավառներ ունեցող տարածքը բաժանված էր երեք բեկերբեկությունների, որոնք

պատերազմի դեպքում պարտավոր էին տալ հետևյալ քանակով զինվորներ: Չուխուր-Սաղ (Երևան)՝ 4297, Ղարաբաղ՝ 6084, Շիրվան՝ 5856: Ստացվում է 15,227 զինվոր Օրու հաշվարկով 48 հազարի փոխարեն⁶:

Օրու կազմած վիճակագրությամբ ահա այսպիսին էր իրերի դրությունը Պետրոս Առաջինի Կասպիական արշավանքից առաջ. ժամանակի ընթացումով Պարսկահայաստանում Շամախուց մինչև Երևան 192000 պոտենցիալ հայ զինվոր, 48000 մահմեդական պոտենցիալ զորքի դիմաց, ժամանակակից Աղբյուրների համապատասխան տարածքի տոտնով՝ 116000 պոտենցիալ հայ զինվոր, 15000 պոտենցիալ մահմեդական զորքի դիմաց:

Պետրոս Առաջինի Կասպիական արշավանքը աղետալի հետևանքներ ունեցավ Անդրկովկասի և առանձնապես հայության համար: Թուրքիայի հետ պատերազմելուց խուսափելով՝ Պետրոսը պարսկական տիրապետությանը ենթակա Անդրկովկասը, բացի Կասպիականի իր նվաճած ափերից, ճանաչեց թուրքական սեփականություն: Թուրքիան օկուպացրեց Անդրկովկասը: Առաջին հերթին շարքից դուրս եկավ Արևելյան Կրաստանը, որի Վախթանգ թագավորը դարձավ աստանդական ի վերջո ապաստանելով Աստրախանում: Պարսկական տիրապետությունը թոթափած Ղարաբաղն ու Չանգեզուրը մնացին միայնակ թուրքական ագրեսիայի դիմաց:

Խնդիրը միայն ռազմական բախումներին կամ սովորական նվաճումներին չի վերաբերում: Հայերի ազատագրական պայքարն ու Ռուսաստանի հարավային ծավալումը ոտքի հանեցին մահմեդական աշխարհը, և սկիզբ դրվեց մինչ այդ անծանոթ մի քաղաքականության հարցերի լուծում հայերին ֆիզիկապես ոչնչացնելու ճանապարհով: Ինքուր թշնամի, փոխադարձաբար իրար ոչնչացնող սյունի և շիա մահմեդականները՝ խմբավորված իրար թշնամի երկու հզոր պետությունների՝ Թուրքիայի և Պարսկաստանի մեջ, որ մինչ այդ իրարից խլում էին հայերին որպես իրենց կերակրող և երկիրը շենացնող աշխատավոր մի զանգվածի, հայերին ոչնչացնելով հարցը լուծելու գործում ընդհանուր համաձայնության եկան և այն դարձրին պետական քաղաքականություն:

Ահա մի քանի վկայություններ այդ ժամանակների վավերագրերից:

4 Լեո, նշված աշխատությունը, էջ 131:

5 Լեո, նշված աշխատությունը, էջ 162:

6 Տես՝ Հայ ժողովրդի պատմություն, հ. 4, Ե., 1972, էջ 253:

Արևելյան Անդրկովկաս ռուսների ներթափանցման առնչությամբ երգրունի փաշան սպառնագիր է ուղարկում հայոց կաթողիկոսին. «Ղու էլ շատ մեղավոր ես, որ միացել ես ռուսներին, որոնց օգնելու համար ոտքի ես կանգնեցրել քո հայերին: Ասում են, թե 60000 կատարելապես զինված հայերը քո խոսքով վեր են կացել: Ղու էլ շատ մեղություն կբաշես, որովհետև ուզում ես ռուսներին ծեր այդ երկրով բերես մեր երկիրը»: Սա թուրքական կողմը: Իսկ երևանի Մուհամմեդ-Ղուլի խանը Կախնեթի ուրացող Կոստանդին թագավորը, ծերբակալում է կաթողիկոսին նույն մեղադրանքով և շուտով ազատում՝ գրպանելով մեծագումար կաշառք⁷:

Անդրկովկաս ներխուժած թուրքական զորքերի մի միավորում պարտություն է կրում Ղարաբաղում: Գերի ընկած թուրք փաշան խոստովանում է. «Մեր թագավորն հրաման է արարյալ, որ պիտի մեք այս երկրներին հայն և ղզլբաշն փուչացնենք, չուն որ ըռուս թագավորի զորքն ծովի այս կողմս են անցել, մեք նոցա վերա պիտի գնամք. հայն այս մեքս չպիտի և այս երկրներս խարապ պիտի լինի, որ մեր ճանապարհն բացուի: Նաև ասաց փաշան, թե **դուք չիք այս միջումս՝ մեք հիմա Ղարաբաղում և Պաքու վերա էինք գնացել**, որ դատիմի մերն է»⁸:

Ուղիղ երկու հարյուր տարի հետո, 1918 թ., թուրքական մի այլ զինվորական նույն Ղարաբաղում նույն խոսքերն է ասել Բաքվի կոմունայի դեմ արշավող թուրքական զորքերի մասին:

Անդրկովկասը նվաճած թուրքական զորքերն իրենց վասալ կովկասյան ժողովուրդների հետ մեկտեղ աղետալի ավերածության են ենթարկում Կովկասյան լեռների հարավային փեշերից մինչև Քուռ գետը: Ղեկավարի ականատես Մարտիրոս վարդապետը այդ ամենի մասին գրում է Աստրախանում ապաստանած Վախթանգ թագավորին՝ նրա միջոցով ակնկալելով ռուսական օգնություն: «Առաջ Շամախին... չափմիշ արարին: ...Ղարասովի գեղերանք թուրքացրին: Շաքուա երկրի գեղերանք ևս թուրքացրին: ...Միայն Մսկուրու երկիր էր մնացել, զնա ևս քանդեցին, ավերեցին... Այս տաճկաց ֆիքրը այլ իմն է... գրում են, թե միավորվեցեք, եկեք դուրս գողմից, մեք մեք գողմից, այս կեափուրներ վեր առնենք, փուչացնենք, տի՛նը իսլամ դառնայ... Իւրյանք մեկն զմեկին ասում են, թե այս գեղիս կեափուրներ փուչացնենք, որ սարը կեափուր (ռուսները Ա.Յ.) գալիս այս կեափուրներ կու քանդեն մեր երկիր և գեղերանք»⁹:

7 Լեո, նշված աշխատությունը, էջ 137, 211:

8 Լեո, նշված աշխատությունը, էջ 166:

9 Լեո, նշված աշխատությունը, էջ 214:

Իսկ Պարսկաստանում իշխում էր այն մտայնությունը, թե «եթե չլինեին մեր մեք հայերը, եթե ականատես չլինեին նրանք մեր գործողություններին ու չիմանային մեր լեզուն, մենք վաղուց ջարդած կլինեինք ռուսաց զորքերին»: Ահա թե ինչ է գրում Պետրոս դի Սարգիս Գիլանենցը պարսիկների տրամադրությունների մասին. «Ասում ան թե Դայքն քամամ ջարդրել պիտի, որ էս երկիրն վարթարաֆ արարին. էսպես որ Ըռուստն բերին կոխեցին ղզլբաշի երկիրն, Աղվանն տարան Ըսպահան»:

Եվ այսպես, 18-րդ դարի 20-ական թթ. սկիզբ է դրվում հայերի ցեղասպանությանը Արևելյան Անդրկովկասում, որը դանդաղ գործողությամբ շարունակվում է մինչև հիմա՝ հայության հայրենիքը հետևողականորեն դարձնելով «Ադրբեջան»:

Պատմական երկարատև այս ողբերգության մեջ մեղքի ու պատասխանատվության իր պատկառելի բաժինն ունի նաև ռուսական պետական քաղաքականությունը՝ սկսած Պետրոս Առաջինից մինչև Գորբաչով:

Տրամագծորեն այլ հարց է, որ հայ ժողովրդի օրհասական պահերին ռուսական դեմոկրատիայի լավագույն ներկայացուցիչները՝ սկսած դեկաբրիստներից մինչև Բոլշևոկ, մինչև մեր օրերի առաջավոր մտավորականները, միշտ էլ կանգնած են եղել մեր կողքին, միշտ էլ իրենց արդար ծայրն են բարձրացրել մեր նկատմամբ կատարվող վայրագությունների դեմ: Այլ հարց է նաև հայերի ռուսական կողմնորոշումը, այդ կողմնորոշման պատմականորեն հաստատված անդառնալիությունը այն աստիճանի, որ դեռևս 19-րդ դարի 50-ական թվականներին Ստեփանոս Նազարյանը բանաձևեց, թե հայերը քաղաքականապես ռուս ժողովուրդ են: Այլ հարց է, որ ռուսական կայսրության մեջ հազիվ թե ճարվի մի այլ ժողովուրդ, որ հայերի չափ անձնվիրաբար մասնակցած լինի առաջավոր Ռուսաստանի համար մղվող պայքարին՝ համոզված, որ ինչքան առաջավոր, զարգացած ու դեմոկրատական լինի Ռուսաստանը, այնքան դրանից կշահի նաև հայ ժողովուրդը: Այսօր էլ հայ ժողովուրդը ստեղծված քաղաքական բարդ իրավիճակում կանգնած է նույն դիրքերում և Ռուսաստանից է սպասում իր ազատության ու անվտանգության երաշխիքը:

Մի կողմ դնենք այն իրողությունը, որ հայերի ռուսական կողմնորոշումը, հայ և ռուս քաղաքական ու զինական մերձակցությունը օբյեկտիվորեն հարվածի տակ էր դնում պարսկական ու թուրքական տիրապետություններին ենթակա հայությանը՝ որպես թշնամական մի տարր այդ պետությունների համար: Դրան զուսմարվում է նաև կայսերապետական Ռուսաստանի որդեգրած երկդիմի քաղաքականությունը:

Պետրոս Առաջինը ապստամբության մղեց հայերին ու վրացիներին, Անդրկովկասը սեփական մասնակցությամբ ազատագրելու խոստումով հասավ Դերբենդ ու վերադարձավ՝ դուռ բացելով թուրքական ագրեսիայի առաջ՝ իր ծանրագույն հետևանքներով: Պետրոսին զինակցելու հայ-վրացական միացյալ ուժերին զուգահեռ բուն Պարսկաստանից Սարգիս Դը Գիլանենցը սեփական ծախսերով կազմակերպեց հայ երիտասարդների մի զորաջոկատ՝ «Հայկական էսկադրոնը», և միացավ ռուսական զործող բանակին: Արդյունքում Անդրկովկասը Ռուսաստանի կողմից ճանաչվեց թուրքական սեփականություն:

Ուղից 100 տարի ցարական արքունիքը բոլոր միջոցներով խրախուսում ու հուսադրում էր ազատագրական պայքարի դրոշ պարզած Ղարաբաղին, քաղաքական ազատության ու անկախության խոստումներով բարձրացնում նրա հերոսական տրամադրությունը: Բայց երբ 1805 թ. գրավեց Ղարաբաղը, «մոռացավ», որ դրանից վեց տարի առաջ ևս կայսերական հատուկ հրովարտակով մի վերջին անգամ Ղարաբաղը ճանաչել էր մելիքական սեփականություն, և այն հանձնեց մի եկվոր նվաճողի, որի դեմ Ղարաբաղցին անընդմեջ պայքարել էր, ու այդ պահին էլ հայ մելիքական զորաջոկատները ռուսական զորքերի հետ կռվում էին Ռուսաստանի շահերի համար: Իսկ ի՞նչ էր ստանում 100 տարի ռուսական շահերի համար արյուն թափած Ղարաբաղցին: Պատասխանը տալիս է ոչ անհայտ Ցիցիանովը Քյուրուքչայի դաշնագրի առիթով 1805 թ. մայիսի 14-ին Ալեքսանդր կայսեր գրած գեկուցագրում: «Այստեղ ես չեմ կարող... լռության տալ մի անցք, որ տեղի ունեցավ: ...Խանը... ուղարկեց ինձ հիշյալ Մելիք Ջունջուղի որդուն 11 տարեկան և 13 տարեկան թոռանը, որոնք 10 տարի բաժանված էին նրանից: Նրանց ես... հանձնեցի հորը և տեսա, թե ինչպես նա չէր կարողանում շնորհակալության արտասուքից մի բառ անգամ արտասանել, ինչպես և... այս տեսարանի վկաներից ոչ ոք չկարողացավ պահել իր արտասուքները»¹⁰:

Իրոք ողբերգական իրականություն: Կայսրության շահերի համար, կայսրության հրահրմամբ հարյուրամյա թափած արյան դիմաց երկու երեխայի ազատություն տասնամյա գերությունից, իսկ ազատության համար մարտնչող ժողովրդի վզին թուրք նվաճողի լուծ՝ իր բոլոր հետևանքներով:

Անդրկովկասը վերջնականորեն նվաճած Նիկոլայ Առաջինը Պարս-

10 Լեո, Երկերի ժողովածու, հ. IV, 1984 թ., էջ 256:

կաստանից ներգաղթեցրած հայերին Պարտավից մինչև Երևան տեղավորելով՝ ընդունեց այդ տարածքների հայկականությունը: Սակայն այնպիսի վարչատարածքային բաժանումներ կատարեց Անդրկովկասում, որ ըստ էության Արևելյան Հայաստանը բաժանվեց մի քանի անհավասար մասերի և պաշտոնապես ուրացվեց միասնական Արևելահայաստանի իրողությունը: Ավելին: Արևելյան Անդրկովկասում մահմեդական տարրը մեծացնելու և ուժեղացնելու նպատակով ցարիզմը ոչ միայն Պարսկաստան փախած մահմեդական զանգվածներին վերադարձրեց նախկին տեղերը, այլև ամեն կերպ սիրաշահում էր նրանց, պայմաններ ստեղծում նոր ներթափանցումների համար: Դրա վկայություններից մեկն էլ Նիկոլայ Առաջինի 1846 թ. դեկտեմբերի 6-ի հայտնի հրովարտակն է, որով երկրատարածք մտցնելով ճորտատիրության ռուսական համակարգը՝ հիմքում դնում էր նաև այսպիսի պահանջ. «Մեր այս իրավարտակով հողատերերի վրա տոհմականորեն հաստատված հողերն իրենց բոլոր պատկանելիքներով ու հողատեսքերով հողատիրոջ լիակատար սեփականությունն են կազմում: ...Նրանք այդ հողերը կարող են ժառանգություն տալ, նվիրել, վաճառել և այլ կերպ օտարել՝ պայմանով սակայն, որ այդ հիմքով կայք ձեռք բերող անձերը Անդրկովկասի մուսուլմանական բարձր դասին պատկանեն: ...Անդրկովկասի մուսուլմանական բարձր դասը՝ ապահովված ապրուստի միջոցներով... միշտ պատրաստ պիտի լինի մեր քաջարի ռազմիկների շարքերն անցնելու և նախանձախնդրությամբ ու եռանդազին կատարելու այդ դասի վրա դրվելիք պարտականությունները»¹¹:

Ինչպես տեսնում ենք, երեք հզոր տերությունների հակադիր շահերի խաչաձևումը հիմք դարձավ պատմական իրադարձությունների հետագա զարգացման համար: Մեզ մնում է հետևել իրադարձությունների ընթացքին՝ տեսանելի դարձնելու հայկական մարզերի աղբյուրանակա-նացման պատկերը Արևելյան Անդրկովկասում՝ ըստ ժամանակի վարչատարածքային բաժանումների:

1724 թ. թուրքական արշավանքից ամենից շատ տուժեցին Նուխու (Շաքիի) խանությունն ու հարակից շրջանները: Թուրքերը Նուխու խանության և Ղարասուփի շրջանի հայության հիմնական զանգվածներին բռնի մահմեդականացրին՝ հիմք դնելով էթնիկական հարաբերակցու-թյան փոփոխության: Իսկ նրանց կովկասյան վասալները ոչնչացրին

11 Խ. Ավդալբեգյան, Հողային հարցը Արևելյան Հայաստանում, Ե., 1959, էջ 66-67:

Մսկուրի շրջանի 12 հայկական գյուղեր՝ բնակչության մնացորդներին ենթարկելով բռնագաղթի:

Եթե Իսրայել Օրու հաշվումով Նուխու խանությունը հայերի ազատագրական պայքարին կարող էր տալ 10000 զինվոր և ուներ շատ քիչ մահմեդական ազգաբնակչություն, ապա 1916 թ. ցարական վիճակագրական տվյալներով այն ներկայացնում էր հետևյալ պատկերը՝ բաժանված երկու վարչական միավորների՝ Նուխու և Արեշի գավառների: 1916 թ. այդ գավառներում կային 44921 հայեր, 27530 շիա մահմեդականներ և 188523 սյունի մահմեդականներ:

Մակար եպիսկոպոս Բարխուդարյանցի հաշվումներով՝ 20-րդ դարի շենին բռնի մահմեդականացված հայերը կազմում էին 15480 ծուխ: Այս սյունի մահմեդականները բռնի թուրքացված հայերի հետնորդներն են, որոնք 19-րդ դ. կեսերին փորձեցին վերադառնալ իրենց ազգային ակունքներին, բայց արդեն ուշ էր: Եվ եթե փորձենք ճշտել Օրու ժամանակի հայերի ու մահմեդականների էթնիկական հարաբերակցությունը, պետք է վերցնենք հայերի ու սյունի մահմեդականների թվաքանակը և համեմատության մեջ դնենք շիաների հետ, այսինքն՝ 232, 444 և 27530 հարաբերակցություն՝ տեղափոխված 200 տարի հետ: Ստացվում է, որ 18-րդ դարի սկզբին Նուխու խանության բնակչության 88 %-ը հայեր էին, 12%-ը՝ մահմեդականներ: Իսկ 200 տարի անց հայ-մահմեդական հարաբերակցությունը նույն տարածքում 79 և 21 % էր՝ հոգուտ մահմեդականության: Այսպիսով, Նուխու խանության մեջ հայերի ցեղասպանության առաջին էտապում հիմնովին փոխվեց էթնիկական հարաբերակցությունը, և հայերը դարձան ազգային փոքրամասնություն: Նույն տարածքում հայերի ցեղասպանության երկրորդ էտապն սկսվեց ցարիզմի հրահրած հայ-թուրքական ընդհարումներով (1905-1906 թթ.) և վերջացավ խորհրդային կարգերի հաստատումով: Այդ ընդհարումների ժամանակ մեծապես տուժեց Արեշի գավառի հայությունը՝ ոչ միայն զրկվելով ունեցվածքից, այլև տալով բավականին մեծաքանակ զոհեր: Իսկ 1918 թ. դեպի Բաքու թուրքական արշավանքի ժամանակ տեղի ունեցավ հայերի երկրորդ մեծ աղետը: Թուրքերը ոչ միայն անխնա ոչնչացնում էին հայերին, այլև խորհրդային կարգերի հաստատումից հետո էլ թուրքական յաթաղանից փախուստով փրկված հայերին արգելվեց վերադառնալ հայրենական օջախներ, և երկրատարածքում մնացին հայերի միայն այն բեկորները, որոնք պատսպարվել էին մոտակա անտառներում ու ձորերում: 1926 թ. մարդահամարով մի տասնամյակ առաջ եղած

շուրջ 45000 հայերից արձանագրվում է միայն 4004 մարդ: Այդ վիճակը ևս չբավարարեց Ադրբեջանի բուլշևիկյան կառավարությանը: Եվ նա կիրողկայանի կառուցման համար ընտրեց հատկապես Մինգեչաուրը, ջրամբարի տակ դրեց հեղափոխությունից առաջ Արեշի գավառի 18 հայկական գյուղերից կանգուն մնացած 5 գյուղերը, որոնք Ղարաբաղի հետ կազմում էին մի միասնական էթնիկական տարածք՝ վերջնականապես լուծելով նախկին Արեշի գավառի ադրբեջանականացման հարցը: Ադրբեջանի ինտերնացիոնալ-շովինիստական քաղաքականության պայմաններում գոյատևող հայության վերջին բեկորներն էլ նախկին Նուխու գավառում վերջնականապես հայազրկվեցին գորբաչովյան վարչակարգի հրահրած հայ-ադրբեջանական հակամարտության հետևանքով:

Այսպիսով, հայոց երբեմնի Կամբեջան նահանգը, պարսկական տիրապետության ժամանակներից Նուխու (Շաքիի) խանության վերածված, 18-րդ դարի սկզբին դեռևս 88 %-ով հայկական էր, որը շուրջ 300-ամյա անհավասար մաքառումների արյունոտ ճանապարհին 1988 թ. վերջնականապես հայազրկեցին՝ դարձնելու համար ադրբեջանական հայրենիք: Շամախին, Քաշաթաղը, Չագամը և Արևելյան Անդրկովկասի մյուս հայկական տարածքները ևս տարբեր ժամանակներում ու տարբեր ձևերով ենթարկվեցին նույն ճակատագրին: Բավական է մշել, որ թուրքական ավերածություններից ընդամենը 10 տարի հետո Նադիր շահն է ռազմակալում Անդրկովկասը, «խսպառ կործանում Շամախի բաղաքը և 700000 զերի տանում Պարսկաստան Աղվանից երկրի հայերից ու վրացիներից»¹²:

Ինչպես ցույց է տալիս իրադարձությունների զարգացման շղթան, սա պատմությունն չէ սովորական իմաստով, այլ տևականորեն շարունակվող մի իրողություն, մի երկարատև պատմական ողբերգություն, որի վերջը դեռևս չի երևում:

Հանրահայտ է, որ շնորհիվ առաջին հերթին իրենց աշխարհագրական դիրքի, ընդհանուր վայրիվերումների մեջ իրենց դիմադրողականությամբ առանձնացան Ղարաբաղն ու Գանձակը դառնալով Արևելյան Անդրկովկասի հայության միջնաբերդը: Ճիշտ է, այդ մարզերի տափաստանային շրջանները դարձան անմարդաբնակ անապատներ, որոնց վերաբնակեցումը դեռևս չի ավարտվել, բայց լեռնային շրջաններում էլ ձևավորվեց խտաբնակ մի զանգված, որն ընդհուպ մինչև 1988 թ. ամուր

12 Տե՛ս Մակար եպ. Բարխուդարյան, Աղվանից երկիր և դրացիք. Արցախ, Ե., 1999, էջ 56 և 87:

կանգնած էր հայրենի հողին: Բավական է նշել, որ հետպետրոսյան հարյուրամյակում Պարսկաստանի կողմից կիրառվող էթնիկական նվաճման քաղաքականությունը չկարողացավ այդ հարցը լուծել հոգուտ մահմեդականության: Նույնիսկ խանական կենտրոնում՝ Գանձակում, հասան միայն այն բանին, որ հավասարվեց հայերի ու մահմեդականների թիվը: Երբ 1805 թ. ռուսները նվաճեցին Գանձակը, այնտեղ կար 2232 հայ և 2350 մահմեդական պարսիկներ, քրդեր, թուրքեր և այլն:

Դրություները խտնագույնս ծանրացավ բուլղարիկների տիրապետության օրոք Ադրբեջանի մարտնչող շովինիստական քաղաքականության հետևանքով: Լենին-Աթաթուրք գործարքով Ադրբեջանին նվիրված հայկական այս մարզերը դարձան տնտեսական, քաղաքական, բարոյահոգեբանական սանձարծակ հալածանքների թիրախ, որպեսզի հայությանը այստեղից ևս դուրս մղեն: Յոթանասունամյա անլուր հալածանքների շնորհիվ այդ մարզերի հայ բնակչության մի մեծ մասը հարկադրաբար ապաստան գտավ Սիոթյան այնպիսի տեղերում, ուր հնարավոր էր ունենալ կայուն աշխատանք և ապահով կյանք:

Պատկերացնելու համար, թե պատմության համար մի կարճ ժամանակահատվածում ինչ չափերի է հասել հայերի ցեղասպանությունը չդադարող հալածանքների պատճառով, հիշատակենք մի փաստ միայն: **1724 թ. Ղարաբաղը ուներ 100000 ծուխ հայ բնակչություն, իսկ 1926 թ. մարդահամարի ժամանակ նույն տարածքում մնացել էր ընդամենը 111000 հայ: Այսինքն՝ աճելու փոխարեն երկու հարյուր տարվա ընթացքում յուրաքանչյուր ծխից մնացել էր միայն մեկ մարդ, իսկ մյուսներն իրենց բնական աճով հարկադրված են եղել ապաստան գտնել Ղարաբաղից դուրս: Այս դժբախտ անհրաժեշտության առաջին օրինակը տվեց Ղարաբաղի ազատագրական պայքարի առաջնորդներից մեկը Ավան Յուզբաշին 1729 թ. անցնելով ռուսական տիրապետության սահմանները:**

Հայտնի է նաև, որ մինչև 1988 թ. իրադարձությունները միայն Ղարաբաղն ուներ տարբեր ժամանակներ արտագաղթած և ռուսական կայսրության բոլոր իրիզոններում ապաստանած մեկուկես միլիոն հայեր: Դրան գումարով 1988 թվականով սկսված շուրջ մեկ միլիոնանոց հայերի բռնագաղթը Ադրբեջանից: (Ֆոտոհրդային բոլոր մարդահամարների ժամանակ Հայկական Հանրապետությունից դուրս ապրող հայերի թվաքանակը հետևողականորեն կեղծվել է քաղաքական նկատառումներով: Ահա թե ինչու կրկնակի պետք է հաշվել հայերի այն թվաքանակը, որ ցույց է տրվում Ադրբեջանում մարդահամարից մարդահամար):

Վերջապես հերթը հասնում է հեռավոր դարերի մշուշում իր պատմությունը թաղած Բաքվին, որը պարսկական տիրապետության տակ ընկնելով վերածվել էր սահմանագլխային ամրոցի հետագայում ռուսների ու հայերի տևական ջանքերով համաշխարհային հնչելության քա-

ղաք դառնալու համար: Հայտնի է, որ հզորացած Սեֆյան Պարսկաստանի կողմից նվաճվելու հետևանքով տեղի հայերի հիմնական զանգվածները ստիպված փրկություն են գտել Աստրախանում և այլ տեղեր: Այնուամենայնիվ, ռուսական ներթափանցումից առաջ Բաքվի ազգայնակչության կեսը դեռևս հայերն էին: Ահա թե ինչ է գրում թուրք պատմիչ Ջևդեթը. «Ասլյան և Բաքու քաղաքներում ապրում են 10 հազար տուն շիաներ և 10 հազար տուն հայեր»¹³: Երբ Ցիցիանովը փորձեց նվաճել Բաքուն, իր գլուխը թողեց բերդի պարիսպների տակ: Եվ տեղի հայերն էին, որ նրա անարգված դիակը աղբանոցից հանեցին և պահեցին իրենց Աստվածածին եկեղեցում: Իսկ երբ 1807 թ. ռուսները վերագրավեցին Բաքուն, այնտեղ կար ընդամենը 500 ծուխ ազգաբնակչություն, որից 70-ը հայեր: Այնպես որ, անհիշելի ժամանակներից մինչև ռուսական տիրապետության հաստատումը Անդրկովկասում Բաքուն հավասարապես եղել է հայ ազգաբնակչության հայրենիք, թեկուզ և եկվոր նվաճողները վերջին դարերում հայերին հասցրել էին ազգային փոքրամասնության վիճակին:

Ռուսական տիրապետության ընձեռած կյանքի և գույքի ապահովության բարենպաստ պայմանները, ինչպես նաև Բաքվի տնտեսական նշանակության աննախընթաց բարձրացումը հայերին նորից վերադարձնում են Բաքու և ռուսների հետ միասին քաղաքը դարձնում են այն, ինչ այսօր կա: Թե ինչ դեր են խաղացել ադրբեջանցիները Բաքվի տնտեսական ու կուլտուրական զարգացման գործում, խոսելն անգամ ավելորդ է: Նրանք չեն կարող մատնացույց անել իրար վրա դրված երկու քար, կամ զոհեն մի արհեստանոց, էլ չենք խոսում արդյունաբերական ձեռնարկումների մասին, որ իրենց ձեռքի գործը լինի: **Բաքուն հայերի և ռուսների քաղաքն է ինչ-ինչ ուժերի ձեռքով նվիրված ադրբեջանցիներին:**

Հայերի ցեղասպանության հետևանքով Բաքուն ադրբեջանականացավ երեք փուլով. 1905 թ. ցարիզմի իրահրած հայ-թուրքական ընդհարումով, 1918 թ. Բաքվի թուրքական օկուպացիայով, որի զոհը դարձավ 30000 հայ, 1988 թ. սկսված վերջնական հայաթափումով բառիս բառաբանային իմաստով մարդակերությանը ուղեկցվող մեթոդներով ու գործաչլվյան վարչակարգի գործուն հրահրմամբ: Եվ եթե այսօր փոխադարձ զիջման հարց կա երկու ժողովուրդների միջև, այն պետք է սկսել Բաքվից և ոչ թե Արցախական աշխարհի բեկորներից:

Գործաչլվյան վարչակարգի իրահրած հայ-ադրբեջանական հակամարտությունը եկավ հարցը վերջնականապես լուծելու: Այն սկսվեց ոչ թե Ղարաբաղյան շարժումով, Աղդամով կամ Սուլեյմանով, այլ Չարդախլուով, մարզի սահմաններից դուրս թողնված այն հռչակավոր գյու-

13 Տե՛ս Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին. հ. Ա, 1961, էջ 248:

ղով, որը պատերազմի ժամանակ տվել էր երեք մարշալ և մի քանի տասնյակ զեներալներ: 1987 թ. Չարդախլուին հարկադրեցին հարևան ադրբեջանական գյուղին զիջել 500 հեկտար հող: Աերժմանը հետևեց գյուղի դիմադրող կանանց ծեծը միլիցիայի ջոկատների կողմից՝ մի վերջին անգամ հաստատելով թուրքական սկզբունքը՝ հողը արյունով է նվաճվում:

Պատահական չէ, որ հայկական շրջանների հայաթափումն էլ սկսեցին մարզի կազմից դուրս թողնված հայկական շրջաններից, որոնց մեջ առաջիններից մեկն էր Չարդախլուն, լուծեցին պետական գործերի ակտիվ մասնակցությամբ՝ հարկ եղած դեպքում գործողության մեջ դնելով զենքի բոլոր տեսակները: Ղարաբաղին փրկեց գորբաչուկյան վարչակարգի փլուզումը, որովհետև պետական գործերն ու ծանր տեխնիկան ռուսական զենքի պատմության մեջ անմասնադեպ քստմնելի մեթոդներով, ընդհուպ մինչև անմեղ քաղաքացիներին որսալով ու թուրքերին վաճառելով, սկսել էին նաև Ղարաբաղի հայաթափումը: Չգիտեմք քանի դար պետք է անցնի, որ ռուսական զենքին Գորբաչուկի ծեռքով քսված այդ ամոթալի սև բիծը մոռացվի:

Այսբանից հետո միայն ղարաբաղցին զենք բարձրացրեց՝ ապացուցելու, թե «այնտեղ է լույ սխրանքն սկսվում, ուր վերջանում է ամեն մի հմար»։ Ղարաբաղցին զենք բարձրացրեց իր գոյության իրավունքը հաստատելու համար և հերոսաբար հաստատեց այն ու հաստատում է:

1988 թ. սկսված հերթական ցեղասպանության հետևանքով հայոց հինգհազարամյա հայրենիք, այսօր Ադրբեջան կոչվող երկրատարածքը, բացառությամբ Ղարաբաղի մի հատվածի, վերջնականապես զրկվեց հայությունից, զրկվեց հայրի նկատմամբ ամենավայրենի, ամենաբարբարոսական մեթոդների գործադրմամբ: Այսօր ո՞ւմ բաժին է դարձել հայոց երեքհազարամյա Բաքուն, ո՞ւմ բաժին է դարձել իռչակավոր Շամախին՝ իր շրջակա 60 հայկական գյուղերով, Նուխին՝ իր ոչ վաղ անցյալի 88% հայ բնակչությամբ, Գանձակը՝ իր 75% հայ բնակչությամբ: Չափանքը՝ իր միատարր հայությամբ: Եվ այս ամենը կատարվել է մախ պարսկաթուրքական, ապա ցարաբոլշևիկյան կայսերապետական քաղաքականության շնորհիվ, որոնք հետևողականորեն ադրբեջանականացրին Արևելյան Անդրկովկասը հայերի ու վրացիների ազատագրական ձգտումները ճնշելու համար քոչվորական վայրենի ուժը ծառայեցնելով իրենց շահերին:

Այս պատմական ողբերգության վերջին արարը կատարվեց մեր աչքի առաջ, կատարվեց գորբաչուկյան վարչակարգի պլանավորված դերակատարմամբ: Աշխարհի հզորներն ու նրանց նվազի տակ պարող միջազգային կազմակերպություններն էլ սովորական հանդիսատեսի կեց-

վածք էին ընդունել այնքան ժամանակ, ինչքան անարգել շարունակվում էր հայերի ոչնչացումը Բաքվից մինչև Ղազախ, ժղանովից մինչև Նուխի: Իսկ երբ ղարաբաղցին ինքնապաշտպանության զենք բարձրացրեց և սկսեց որոշակի հաջողությունների հասնել, բոլորը կանգնեցին պոչների վրա՝ դատափետելով իր ֆիզիկական գոյության պաշտպանության համար ոտքի ելած ղարաբաղցու ամեն մի հաջողություն: Երկրատարածքում սեփական շահերը հետապնդող հզոր տերությունները՝ ՄԱԿ-ի միջոցով ամեն անգամ մի նոր որոշում են հրապարակ անում՝ պարտադրելով, որ ղարաբաղցին իր ազատագրած հայրենական տարածքները վերադարձնի ադրբեջանցիներին, պարտադրում են՝ անգիտանալով, որ ազատագրված այդ տարածքների դիմաց կան Բաքու, Սումգայիթ և մյուս տարածքներ, որոնք հավասարապես պատկանում են նաև հայերին: Անգիտանում են, որ իրականացնեն «Ղարի պայմանագիրը»:

Խրախուսված Բաքվի նավթին հետամուտ մեծ տերությունների բռնած դիրքով ու ՄԱԿ-ի որոշումներով՝ ադրբեջանական կառավարությունը դեռևս փայփայում է հարցն իր նվաճողական նկրտումների օգտին լուծելու հեռանկարը՝ եթե ոչ անպայման զենքի, որից երբեք չի հրաժարվում, ապա դիվանագիտական լարախաղացության ճանապարհով: Մնում է Ղարաբաղը այդ կառավարությանը ստիպի, որ չլքորեն հաշվի առնեն երկու ժողովուրդներին պարտադրված «հաղթողներ ու պարտվողներ չպետք է լինեն» պահանջը և համակերպվեն ընդհանուր տան բաժանման գաղափարին: Վերջապես ադրբեջանցիները պետք է հասկանան, որ սկսած Բաքվից մինչև Ղազախ, Արաքսից մինչև Կովկասյան լեռնաշղթա այդ տունը առանձնապես ընդհանուր էր դարձել հայերի և ադրբեջանցիների համար, ըստ որում հայերի նկատմամբ տևականորեն կրկնվող ցեղասպանություններով և ադրբեջանցիներին սիրաշահելով, որպես իրենց կայսերապետական շահերին ծառայող բարբարոս ուժի, որի հետևանքում միշտ էլ կշեռքի նժարը թվաքանակի առումով թեքվել է ադրբեջանցիների կողմը: Եվ քանի որ դա տևականորեն շարունակվող գործողություն է եղել, այն չպետք է դառնա սոսկ պատմության սեփականություն, այն դեռևս շարունակվող մի պատմական ողբերգություն է, որի նկատմամբ պետք է հանդես բերել ժամանակակից մոտեցումներ:

Իսկ երբ մեջտեղ է գալիս ընդհանուր տան բաժանման հարցը, կշեռքի նժարների վրա պետք է դրվի ամեն ինչ: Երբ ադրբեջանցիները Ղարաբաղի պահանջատիրության հարց են դնում, որի համար որևէ հիմք չունեն, մենք ամենայն իրավունքով պետք է առաջ մղենք պահանջ, թե Բաքուն ու Շամախին, Նուխին ու Արեշը մեր հազարամյակների հայրե-

Միքն է՝ բռնագավթված աղբբեջանցիների համար (աղբբեջանցիների համար, որովհետև նրանց Անդրկովկաս են մտցրել. անընդհատ հովանավորել ու սիրաշահել՝ քոչվորական վայրենի ուժով հայերի ու վրացիների ազատագրական շարժումները ճգմված պահելու քաղաքական հեռանկարով):

Սակայն, հաշվի առնելով դարավոր հակամարտության արդյունքով ստեղծված ներկա իրավիճակը, պետք է դնել փոխադարձ զիջումների պահանջն այն հաշվով, որ տերիտորիալ հատուցում ստանանք մեր բռնագավթված հայրենիքից: Դրա համար նորից ու կրկին պետք է պատմական ճշմարտությունն իր ամբողջ մերկությանը ջրի երես հանել. որպեսզի աղբբեջանցիների համար էլ հասկանալի լինի, որ նախկին ԼՂԻՄ-ի դիմաց մենք զիջում ենք, ասենք, Բաքուն, իսկ, ասենք, Շամախու կամ Նուխու դիմաց էլ իրենք են զիջում այս ու այն: Արդյունքում այդ ընդհանուր տնից պետք է առանձնացվի մի տարածք, ուր հնարավոր լինի տարբեր ժամանակներում բռնագաղթեցված ավելի քան երկու միլիոն հայության վերադարձը հայրենիք: Իսկ դա ենթադրում է ոչ թե ազատագրված տարածքների վերադարձ, այլ առնվազն Ղարաբաղ՝ իր 1813 թ. տարածքի չափով: Այսպես, միայն այսպես է իրականացվում ընդհանուր տան բաժանումը: Դրանից հետո միայն երկու ժողովուրդները կաբող են դառնալ բարիդրացիներ և համատեղ ջանքերով դիմագրավել մեծ տերությունների լարած թակարդներին:

ԼԱՉԻՆ-ԳԵՏԱԲԵԿԻ

ԱՂԲԲԵՋԱՆԱԿԱՆՍՍԱՆ ՊԱՏՈՒԹՅՈՒՆԻՑ*

Յեղասպանությունը և օտարների կողմից հայրենի տարածքների բռնագավթումը մարդկության դեմ կատարվող այն ծայրագույն հանցագործություններից է, որոնց հատուցման պահանջի համար վաղեմության հասկացությունը չկա, եթե դրանից հետո նույնիսկ հազարամյակներ են անցել: Վկան՝ հրեաների հայրենիքի վերականգնումը: Այսօր հրամայական անհրաժեշտություն է, որ պետական մակարդակով և փաստացի համակողմանիությամբ ներկայացնենք նաև Հայոց ցեղասպանությունը Արևելյան Անդրկովկասում, ուր միայն քսաներորդ դարում իրականացվեց երեք փուլերով՝ 1905-1906, 1918-1921, 1988-ից

* Առաջին անգամ տպագրվել է «Ազատամարտ» շաբաթաթերթում, № 20, V, 1993:

սկսած: Ուրիշ էլ ո՞վ, եթե ոչ մեր սերունդն է պարտավոր վեր հանելու պատմական ճշմարտությունը, ցույց տալու, թե ինչպես է հայոց Նակորգանը դարձել Չանգելան, Քաշաթաղը՝ Լաչին, Քարվաճառը՝ Քյալբաչար, Քարիպտը՝ Ղաշքյասան, Գանձակը՝ Ալիգավետապոլ-Կիրովաբադ-Գյանջա, Քանդակը՝ Մինգեչաուր, Պարտավը՝ Բարդա, Արաժանքը՝ Կարյազինո-Ֆիզուլի և այլն: Ուրիշ էլ ինչպե՞ս, եթե ոչ պետականորեն պետք է կոտրել հակահայկական պատմագիտության, հակահայկական քարոզչության սառույցը՝ տեղը դնելով պատմական-իրական ճշմարտությունը:

Հանրահայտ է, որ ռուսների Անդրկովկաս մտնելուց առաջ ցարական հետախուզությունը մանրամասնորեն ուսումնասիրել է պարսկական տիրապետության կազմում գտնվող երկրներն ու ժողովուրդներին, պարզել նրանց քաղաքական ակնկալիքների հնարավոր ուղղությունները: Հայերին բնութագրելու հետ միաժամանակ ընդգծվել է, որ նրանք մուսուլմանական օվկիանոսում փոքրիկ կղզիներ են, որոնք ուրիշ ելք չունեն, բացի ռուսներին ապավինելուց, և իրենց այդ վիճակով Ռուսաստանի բնական դաշնակիցներն են: Որպես քաղաքական հանձնարարական ձևակերպվել է՝ Ռուսաստանը հարավային ծավալման համար պետք է հենվի հայերի վրա, սիրաշահի մուսուլմանական աշխարհին, ինչն անշեղորեն կենսագործել է Ռուսաստանը 300 տարի շարունակ:

Վերջին 300 տարում չի եղել ռուս-պարսկական, ռուս-թուրքական որևէ պատերազմ, որի ժամանակ չչահագործվեին հայերի ազատագրական ձգտումները, հայերին չդարձնեին պատերազմող կողմ, բայց ձեռք բերված արդյունքներից չզրկեին նրան:

Հայերի հաշվին մահմեդականներին սիրաշահելու քաղաքականությունը ամեն անգամ պետական մակարդակով վերաճել է հայերի ցեղասպանության, երբ կայսրությունը կանգնել է հանընդհանուր ճգնաժամի առաջ: Դրա հետևանքով իրենց բնակավայրերից դուրս են մղվել հայերը և այլազգիներ (ռուսներ, գերմանացիներ)՝ հող նախապատրաստելով աղբբեջանցիների միատարրության համար: Եվ քանի որ հայերի ցեղասպանության հերթական ալիքն սկիզբ առավ կայսրության առաջին համընդհանուր ճգնաժամի տարիներից՝ 1905-1906 թվականներից, և ոչնչացման մեթոդների մասնակի լրացումներով շարունակվում է մինչև այսօր, ընթերցողին ենք ներկայացնում այդ օրերի՝ պետականորեն հրահրված վայրագությունների ընդամենը երկու միջադեպ, որոնք պատասխան են տալիս այն հարցին, թե ինչպես Արցախի, Սյունիքի ո-

րոշ տարածքներ ու Քարդանը հայաթափվեցին և այսօր կոչվում են Աղբեքանի «անկատելի մաս»:

Բերում ենք ժամանակի բազմարևույթ վավերագրերից միայն մեկը, որտեղ ներկայացված իրականությունը այնքան նման է մեր օրերին, որ մեկնաբանությունն ավելորդ է դառնում¹⁴:

«Կոտորածը Մինքենդիում, 19-22 օգոստոսի, 1905 թ.: Մինքենդի հայերի դրությունը միանգամայն վտանգավոր դարձավ օգոստոսի սկզբներում, երբ Մուղանլու, Խալաճ, Օվչառ կոչվող թարաքյամա քրդերը եկան, իրենց վրանները խփեցին Մինքենդի դաշտում... Օգոստոսի 19-ի երեկոյան գյուղի այն կողմում, ուր սովորաբար գիշերում էին հայերի ոչ-խարները, իրացաններ պայթեցին, և երեք սուրու ոչխար թուրքերը փախցրին: Հայերը դուրս եկան հավարի, բայց կարողացան ետ բերել միայն երկու սուրու... Օգոստոսի 20-ի երեկոյան գյուղը պաշարվեց թարաքամաներով՝ իրացանների որոտների հետ միաժամանակ:

Առաջին անգամ գյուղը պաշտպանելու համար հայերի հետ միասին փողոց դուրս եկան թե՛ կոզակները և թե՛ ստրաժնիկները, բոլորը միասին 32 հոգի, սակայն այդ մի ստոր խաղ էր պրիստավի կողմից (Մաղդգբեկ): Մի փոքր այս ու այն կողմը վազվզելով՝ ներս քաշվեցին թե՛ պրիստավը, թե՛ կոզակները և թե՛ ստրաժնիկները: Դավադրությունը կատարյալ էր: Թեև հայերը մի կարճ ժամանակ դիմադրեցին, բայց ապարդյուն: ...Օգոստոսի 21-ի առավոտյան Մինքենդի փողոցներում ընկած էին արդեն 22 դիակ:

Սակայն այդ ռոպեին էլ հանգիստ չառավ՝ ոճրագործ պրիստավը: Նա, պատճառ բռնելով Խոզնավարում սկսված ընդհարումը, օֆիցերին կոզակների հետ միասին հաջորդ օրն ուղարկեց Խոզնավար: Երբ հայերն այդ իմացան, մի մասը գյուղից փախան, իսկ մնացյալ մասը պատսպարվեց այսպես կոչված «Չայեժնիյ» տանը: Ահա այդ տան վրա էլ հարձակվեց խուժանը... այս անգամ գրագիր Շամիրի առաջնորդությամբ:

«Չայեժնիյ» տան բակում տեղի ունեցավ մի չտեսնված, չլսված բարբարոս գործողություն: ...Գազանացած խուժանը այդտեղ կատարեց այն բոլոր քստմնելի գործողությունները, որպիսին ընդունակ է երևան հանելու...

Այսպիսով, Մինքենդի 696 բնակիչներից 456-ը միայն կարողացան, որ վիրավոր և որն էլ սարսափից մաշված, կմախք դարձած ազատվել, մնացյալ 240-ը չկային:

Մինքենդի նյութական կորստին չափ չկար: Նրանք կորցրել էին անենը, ամենը... բոլորը ձգեց մինքենդից և գնաց՝ այլևս չվերադառնալու համար, այլևս չտեսնելու այն տեղը, որը եղել էր նրա հարազատների սպանդանոցը: Նա գնաց տնավեր, քաղցած, բազմաթիվ զոհերով և վշտաբեկ սրտով, բայց նրան տանջում էր ավելի շատ այն հանգամանքը, որ ոճրագործները չեն պատժվում, որ նրանք, ընդհակառակը, խրախուսանքներ էին գտնում պաշտոնյաների կողմից»:

«Բաղաքենդ-Գետաբեկի կամ բարբարոսությունների շրջան, 19-25 նոյեմբերի, 1905.: Գանձակի առաջին օրվա կոտորածի հետ միաժամանակ, այն է նոյեմբերի 18-ին, թուրքական մի խուժան հարձակվեց Չարդախլուի վրա՝ ավերելու և այդ խոչընդոտը մեջտեղից վերացնելու նպատակով: Վաղուցվա մտադրությունն այս անգամ էլ չիրագործվեց: Չարդախլուն դիմադրեց որպես վահան և մնաց կանգուն ու հպարտ: Հարձակումը կրկնվեց նաև 19-ին, բայց դարձյալ անհաջող, որից հետո խուժանը դարձավ դեպի Բաղաքենդ, պղնձահանքերը և Ղազախ (գյուղ Գետաբեկի մոտ - Ա. Գ.):

Նոյեմբերի 19-ին, առավոտյան ժամը 7-ին, թուրքերը եկան բռնեցին գյուղի (Բաղաքենդ) շրջակա բլուրները, իսկ գյուղից 5 վերստ հեռու գտնվող Ջառչի-բինան կողոպտեցին և եղած-չեղածը տարան: Նոյեմբերի 21-ին խուժանը նորից երևաց, բայց այս անգամ ավելի մեծ չափով... Սկսվեց անհավասար օրհասական կռիվ, որպիսին լինում է հուսահատական ռոպեներին: Բաղայի փոքրաթիվ կռվողները, մինչև 22-ի երեկոյան քաջաբար դիմադրելով, դիրքերը ծեռքից թողին միայն հերոսաբար ընկնելուց հետո:

Սակայն Բաղայի ժողովուրդը հերոսության մոր ապացույցներ տվեց, թուրքերի ներս խուժումից հետո մի համար կռիվ էլ տեղի ունեցավ գյուղի փողոցներում՝ փայտերով, կացիններով և այլ գործիքներով, մինչև վերջին ճիգը, վերջին շունչը, ինչպես գոտեմարտը, որից հետո խուժանը կատարեց իրեն հատուկ բարբարոսությունը մեծի ու փոքրի, կանանց ու երեխաների նկատմամբ: Բաղայում ընկել էին մարդ, կին, երեխա՝ 118 հոգի...

Այն ժամանակ, երբ կատարվում էին Բաղաքենդի սարսափները, ավելի վատթարագույն սարսափներ տեղի ունեցան պղնձահանքերում,

14 Տե՛ս Ա-ՂՕ, Հայ-թուրքական ընդհարումները 1905-1906 թթ., Երևան, 1907 թ., էջ 256:

Ղազախում՝ պրիստավի և շրջակա գյուղերի քյոխվաների մասնակցությամբ:

... Բաղայի, Գետաբեկի և Ղազախի հետ ամեն բան վերջացնելուց հետո թուրք խուժանը դարձավ դեպի Չարդախլու: Նոյեմբերի 25-ից սկսած մինչև 30-ը պարբերաբար հետ մղվելով և նորանոր թարմացած ուժերով նոր հարձակումներ գործելով՝ նա չհոգնեց: ...Նոյեմբերի 30-ին տեղի ունեցավ վճռական հարձակումը, և այս անգամ խուժանը հետ փախավ մեծ կորուստներով...»¹⁵:

Եվ այսպես, թուրքական ցեղերի վայրենի բնագոյները գրգռելով հայերի ունեցվածքին ու նրանց դարավոր հայրենիքին տեր դառնալու հրապուրիչ հեռանկարով՝ ցարիզմը նոր հիմքերի վրա դրեց Արևելյան Անդրկովկասի թուրքացման գործընթացը, որը հետագայում որդեգրեցին բոլշևիկները: Որդեգրեցին ոչ միայն 11-րդ Կարմիր բանակի հրանոթները գործի դնելով, այլև Նախիջևանը, Ղարաբաղը, Գանձակը Ադրբեջանին նվիրելուց հետո անգամ, 1928 թվին Նախիջևանի չափ մի տարածք ևս, սկսած Ջանգելանից մինչև Կարմիր շրջան, խլեցին Հայաստանից ու տվեցին Ադրբեջանին՝ Հայաստանի ու Արցախի միջև ստեղծելով Լաչինի, Քյալբաջարի ու Գետաբեկի արհեստական միջանցքը: Չնայած ցարական-բոլշևիկյան այս քաղաքականությանը՝ հայկական պատկառելի զանգվածները Հյուսիսային Արցախում ու Գարդմանում կարողացան ամուր կառչած մնալ իրենց հայրենի հողին, դիմակայել Ադրբեջանի 70-ամյա անօրինակ գաղութային քաղաքականության ճնշումներին, մինչև որ գորբաչովյան վարչակարգը խորհրդային զորքերով հիմնովին հայաթափեց այդ տարածքները՝ ներկայիս Շամխորի, Գետաբեկի, Ղաչքեսանի, Խանլարի, Շահումյանի շրջանները և Գանձակը:

Այսօր Ադրբեջանը աշխարհով մեկ աղմուկ է բարձրացրել՝ այդ տարածքները իր «սրբազան հայրենիք» ներկայացնելով, և ձգտում է Ջանգելուրն էլ բռնագավթել...

Մինչդեռ անխուսափելի է պատմական արդարության վերականգնումը, եկել է հատուցման ժամը: Հայ ժողովուրդը ի գործ՝ Կլիմի իր բռնագավթված հայրենիքի մի հատվածը՝ Արցախական աշխարհն իր բնական ու պատմական սահմաններով ազատագրելու: Ղա պայմանավորված է ամենից առաջ նրա դեկավար շրջանների քաղաքական դիրքորոշումով ու սթափ շրջահայեցությամբ:

ԺԱՆՈՎԻ ԱՆՎԱՆ ՇՐՋԱՆԻ ԱՂՐԲԵՋԱՆԱԿԱՆԱՑՈՒՄԸ*

Արևելյան վայրենի ցեղերի հազարամյա ասպատակությունները Միջին Ասիայից մինչև արաբական թերակղզի, Եվրոպա և Հյուսիսային Աֆրիկա, որոնք հսկայական աշխարհատարածքներ կոտորածների ու ավերածությունների հովիտ դարձրին, այնպես էլ չկարողացան փոխել Արցախի էթնիկական կազմն ու տարածքային ամբողջականությունը: Եիշտ է, նրանք հայաթափեցին Արցախի և Ուտիքի դաշտավայրային շրջանները, ոչնչացրին հազարամյակների ընթացքում ստեղծված բարձր քաղաքակրթությունը, բայց յուրացնել այդ տարածքները այդպես էլ չկարողացան ընդհուպ մինչև վերջին պատերազմը:

Առանձնապես անմարդաբնակ անապատի էր վերածվել Արաքսի ձախափնյա մասը, որտեղից մնացել են պատմական հուշի որոշ բեկորներ միայն: Այսպես՝ հայոց երբեմնի Բայլականից հուշի ձևով մնացել է միայն ավերակը՝ Օրան դալա (Քանդված բերդ) անվանումով, անհիշելի ժամանակներից Արաքսից հանված ոռոգման ջրանցքից մնացել է Գյափուր արիս (Անհավատի առու) անվանումը, ջրանցքի ձախափնյա անջրդի տարածքներից մեզ է հասել Հարամի (Արամի) տեղանունը և այլն:

Երեք աշխարհամասեր ոտնատակ տված թուրքալեզու վայրենի ցեղերի կատարած ավերածությունները մերձարաքսյան հարթավայրում կարող է համեմատվել միայն Ալեքսանդր Մակեդոնացու ժամանակներից հայտնի միջինասիական քաղաքակրթության ոչնչացման հետ: Եվ եթե Միջին Ասիան հետագայում կարողացան շատ թե քիչ յուրացնել և դարձնել հայրենիք, այստեղ նրանք այնպես հիմնովին էին ավերել, որ անգամ իրենց ոչխարների համար պիտանի չէին որպես արոտավայրեր: Նույնիսկ ցարիզմը ի գորու չեղավ մարդաբնակ դարձնելու այդ տարածքները: Ցարիզմը Արցախի նախալեռնային գոտին աղեղնածև դարձրեց ռուսական գաղթօջախներ՝ Շամխորի կողմերից մինչև Կարյազին-Ֆիզուլի, իսկ Արցախի մերձարաքսյան գոտին փոխանցեց բոլշևիկներին՝ որպես անցյալի տխուր ժառանգություն:

Որ մինչև բոլշևիկների իշխանության գլուխ անցնելը Արցախն ու Ուտիքը ընկալվում էին որպես հայության հայրենիքի մաս, երևում է ոչ միայն Անդրկովկասի ռուսական նվաճումից առաջ ստեղծված բազմաթիվ փաստաթղթերից, այլև թուրքմենջայի հայտնի պայմանագրից, որի հետևանքով կազմակերպված հայոց ներգաղթի արևելյան սահմանակետը հայոց երբեմնի մայրաքաղաք Պարտավն էր, ուր բնիկ հայերը, թեկուզ զգալի փոքրամասնությամբ, գոյատևեցին մինչև 1988 թվականը,

¹⁵ Ա-ԴՕ, Հայ-թուրքական ընդհարումները 1905-1906 թթ., Երևան, 1907 թ.:

* Առաջին անգամ տպագրվել է «Երկիր» օրաթերթում, 1992 թ., 19 մարտի:

մինչև Գորբաչովի վարչակարգի սանձազերծած հայ-ադրբեջանական առճակատումը:

Բոլշևիկները Լենինի գլխավորությամբ շինեցին մի նոր հանրապետություն Ադրբեջանական ՍՍՀ անվանումով, ուսմատակ տալով Արևելյան Անդրկովկասի հազարամյակներով տեղաբնիկ հինգ հիմնական ժողովուրդների հայերի, լեզգիների, թալիշների, ուդիների ու թաթերի ազգային ու մարդկային իրավունքները, շրջանառությունից հանելով նրանց բնական հայրենիքների պատմական անվանումները: Բոլշևիկները Ադրբեջան անվանման մեջ ստատեգիական հեռահարությամբ ամփոփեցին Պարսկաստանի նահանգ բուն Ադրբեջանի (Ատրպատականի) բռնազավթման քաղաքական ծրագիրը, որն իրականացնելու համար բազմաթիվ փորձեր կատարեցին տարբեր աղիքներով, վերջինը՝ 800 կիլոմետրանոց պետական սահմանի բացումը՝ իր ծախողված ակնկալիքներով: Ըստ իս. Գորբաչովը հույս ուներ, թե Ադրբեջանում բորբոքած խժոժությունները կփոխանցվեն պարսկական Ադրբեջան, իսկ ինքն էլ հանդես կգա միևնույն ժողովրդի երկու հատվածների վերամիավորման «բնական» պահանջի պաշտպանությամբ:

Բոլշևիկյան վարչակարգի 70 տարիների ընթացքում Ադրբեջանական ՍՍՀ կոչված հանրապետության քաղաքական ղեկավարության հիմնական խնդիրն այդ երկրատարածքների տնտեսական ու էթնիկական յուրացման մեջ է ամփոփված:

Աշխարհատարածքի նյութ տեղաբնիկ ժողովուրդների գոյությունը ուրանալու մեջ մեծ դժվարության չէին հանդիպում առաջին հերթին հավատի նույնության, այդ հիմքի վրա նրանց ու պարսկական դարավոր քաղաքակրթության անարգել սեփականացման, ինչպես նաև ադրբեջանցի ինքնանվանում ունեցող ժողովուրդ չլինելու հանգամանքներով: (Ադրբեջանի թուրքերը այսօր էլ որպես ազգային ինքնանվանում իրենց կոչում են մուսուլման): Բայց հայերի հարցում այն ժամանակվանից ոսկորը կոկորդիլներին էր դեմ առնում, և դեմ է առնում այսօր էլ:

Ահա թե ինչու հայերին ֆիզիկապես ոչնչացնելու և հազարամյակների հայրենիքից դուրս մղելու թուրք-մուսավաթական քաղաքականությունը գործողության մեջ մնաց 1918 թվականից մինչև այսօր: Դիտելով 30 հազար հայերի կոտորածը Բաքվում օսմանյան ներխուժման ժամանակ, նույն օրերին Քուռի ծախսափնյակը զբաղեցնող Արեշի և Նուխու գավառների 45 հազար հայության կոտորածն ու բռնազաղթը, որի հետևանքով հիմնականում հայաթափվեցին այդ գավառները, նույն ժամանակից սկսված Նախիջևանի հայաթափման ընթացքը, Շուշու հայկական թաղամասի ոչնչացումը և այլն: Քաղաքականություն, որը տարբեր ձևերով ժառանգեց բոլշևիկյան վարչակարգը: Բնութագրական

է, որ բոլշևիկյան վարչակարգ հաստատվելուց հետո Նախիջևանից ու Քուռի ծախսափնյակից բռնազաղթված հայերին այնպես էլ իշխանությունները թույլ չտվեցին վերադառնալ իրենց բնակավայրերը, և դրանք դարձան թուրք քոչվորների սեփականություն: Իսկ Ղարաբաղում բոլշևիկյան վարչակարգ ստեղծվելուց հետո բռնազաղթած շուշեցի հայի խնդրանքին, որ թույլ տան իր ավերված տան քիթեղը տանի գյուղում ծածկ ստեղծելու համար, բոլշևիկ իշխանավորը պատասխանեց է. «Պառազմական ավար է և վերադարձման ենթակա չէ»:

Ադրբեջանական իշխանությունների հեռահար քաղաքականության դրսևորումներից մեկն էլ Արցախի մերձարաքսյան տարածքների թուրքավարի յուրացումն էր:

Աչքի առաջ ունենալով այն հավանականությունը, որ արցախահայությունը օրերից մի օր կդնի մարզի շարունակությունը կազմող մերձարաքսյան ամառոդաբնակ տարածքների յուրացման հարցը, մի գիշերվա մեջ բոլշևիկ դարձած Ադրբեջանի մուսավաթական կառավարությունը 20-ական թվականներին ծրագրեց այդ տարածքների էթնիկական յուրացման խնդիրը: Եվ քանի որ նրանք չէին կարող ցեղակից քոչվորների միջոցով նման միջոցառում իրագործել, 1928 թ. պարտադրեցին մարզի ղեկավարությանը, որ Ղարաբաղի աշխատավորության ուժերով իրականացնեն այդ գործը: Աշխատանքների գործնական կազմակերպումն ու իրականացումը հանձնարարված էր Մարտունու շրջանի ղեկավարությանը, քանի որ այդ շրջանի տարածքային շարունակությունն էր այն: Մարզի բոլոր շրջաններից անհրաժեշտ քանակությամբ աշխատուժ տեղափոխեցին Արաքսի ափամերձ տարածքները, որոնք վերաբացեցին հազարամյակներ առաջ հայերի կողմից Արաքսից հանված, բայց ժամանակին արևելյան հորդանների ձեռքով հիմնովին ավերված ջրանցքը՝ Գյավուր արխը, ստեղծեցին առաջին կոմունաները, որոնց հիմքի վրա էլ հիմնադրեցին 13 սովխոզ:

Տասը տարվա ընթացքում այդ սովխոզները տնտեսական այնպիսի վերելք ապրեցին բանբակագործության, հացահատիկային կուլտուրաների ու անասնապահության բնագավառներում, որ առաջացավ ինքնուրույն շրջան ստեղծելու հնարավորություն: 1938 թ. այդ սովխոզները հանեցին Մարտունու շրջանի, հետևապես նաև մարզի վարչատարածքային ենթակայությունից, դարձրին հանրապետական ենթակայության շրջան և այն կնքեցին ժդանովի ամուլով: Պրանով նրանք լուծեցին ռազմավարական կարևորության մի հարց, մարզը կտրեցին արտաքին աշխարհից, այն այլևս հարևան պետության հետ սահման չուներ: Եվ որպեսզի դա առավել հիմնովին լինի, ջրանցքից վերև գտնվող անջրդի տարածքներն էլ, որպես «չեզոք գոտի», հայտարարվեցին պետական

հողեր, որոնք ժամանակավորապես տրամադրվում են մարզին, և մարզի կուտնտեսությունները իրավունք ունեն միայն այն օգտագործելու որպես ոչխարների ծնեռանոց: 60-ական թվականներին ծրագրվեց այդ տարածքները ևս ոռոգելի դարձնել Զուռ գետից բերվելիք ջրանցքով նոր ժղանովներ ստեղծելու հեռանկարով, սակայն Միության տնտեսական կյանքի շեշտակի անկումը հնարավորություն չտվեց հերթական հնգամյա պլան մտցված այդ ծրագիրն իրականացնել:

Քանի որ նորաստեղծ շրջանը հայկական էթնիկական կազմով էր, շրջանի ղեկավարությունն էլ հանձնեցին հայերին: Շրջանի կուսշրջկոմի առաջին երկու առաջին քարտուղարն էին հայեր Զավադովը, ապա Վանունցը: 40-ական թվականների վերջերից մեթոդիկ հետևողականությամբ շրջան են ներմուծում ադրբեջանական տարր Սուղանի դաշտավայրում քոչվորական կենցաղով ապրող ազգակիցներին ընտելացնելով նստակեցության առավելություններին: Դրան ուղեկցում է շրջանի ղեկավարության էթնիկական պատկանելության փոփոխությունը: Երրորդ առաջին քարտուղարն արդեն թուրք Օրուջովն էր, երկրորդ քարտուղարը՝ հայ Գարությունովը, իսկ վերջերում հայերին բաժին էր մնացել շրջկոմի ընդամենը երկու երկրորդական հրահանգչի հաստիք: Ավելորդ է ասել, որ շրջանի աշխատանքների պատկառելի մասը, առանձնապես բերքահավաքը, կոռի ձևով դրված էր Գարաբաղի աշխատավորության, ինչպես նաև ուսանողության ու աշակերտության ուսերին:

Ինչքան բազմամարդ էին դարձնում ադրբեջանական տարրը շրջանում, այնքան էլ ադրբեջանական իշխանություններն ուժեղացնում էին ճնշումները հայերի նկատմամբ: Արդյունքը... Դանդաղ, բայց անմահանջ հետևողականությամբ ադրբեջանցիները ներթափանցում են բոլոր տեղերը, դառնում դրության տերեր: Սովխոզներից մեկը՝ Նորագյուղը, որի միջնակարգ դպրոցն ուներ 700 և ավելի հայ աշակերտներ, որը պատերազմի ժամանակ տվել էր 146 զոհ, 80-ական թվականների կեսերին դարձել էր խառը բնակավայր՝ թուրքերի մեծամասնությամբ: Նույն ճակատագիրն են բաժանել նաև մյուս սովխոզները:

Թուրքերի ներթափանցումը ժղանովի անվան շրջան այն աստիճան թուրքավարի է եղել, որ երբ ձերբակալեցին Բաղիրովին, որպես Ստալինի ու Բերիայի հանցակցի, նրա հետ ձերբակալեցին նաև Մուղանի տափաստաններում թափառող քոչվորների առաջնորդ Թելի Զասանին: Ինչպես ամենուր, այստեղ ևս թուրքական ներթափանցմանը հաջորդեց յուրացումն այն ամենի, ինչ ստեղծել էին ուրիշները: Բանը հասավ այնտեղ, որ պատերազմի զոհերի հիշատակին կանգնեցված հուշարձանի վրայից ջնջեցին հայերի ազգանունները՝ տեղը գրելով թուրքերի չեղյալ ազգանուններ:

Երբ գործաչուվան վարչակարգն իրականացրեց սուվգայիթյան ոճ-րագործությունը, Սուվգայիթի հայությանը դեռևս չբռնագաղթեցրած, ադրբեջանական իշխանությունները այդ ակտը իրականացրին ժղանովի շրջանում: Այն օրերի գործկալկերպի ոճով թուրքական խառնամբուխը մտցրեցին բնակավայրերը՝ հայերին կտորելու սպառնալիքով, իսկ իշխանության ներկայացուցիչները հանդես եկան փրկարարի դերով և հարկադրեցին հայերին գլուխներն ազատել ու փախչել սեփական բնակավայրերից: Վերջին ընտանիքը 90 տարեկան մի պառավ էր՝ իր երեք աղջիկներով, որոնցից երկուսը՝ հաշմանդամ և ի վիճակի չէին փախչելու: Թուրք խուժանը ծաղրուծանակով նրանց «լցրեց» ինքնաթափ մեքենա, բերեց Զայաստանի սահմանագլխին «թափեց»:

Ահա այս ակտից է սկսվել Արցախական աշխարհի հայության վերջին բռնագաղթը, որը հետագայում տարածվեց Զարդախլուից մինչև Գետաշեն, Բերդաձորից մինչև Զաղրուբի շրջան, և կատաղի մոլուցքով փորձում են տարածել ողջ Արցախի վրա:

Ահա այսպես են 70 տարում քայլ առ քայլ ստեղծել Ադրբեջան՝ բռնագաղթելով երկրամասի հինգ հիմնական ժողովուրդների հայրենիքը, նյութական և հոգևոր ժառանգությունը: **ժղանովի շրջանի պատմությունը ցուցադրում է երկյ թուրքմեն, թուրք, թաթար, նորից թուրք, այսօր յոթ միլիոնանոց ադրբեջանի կոչվող ժողովրդի «սրբազան հայրենիքի» ձևավորման մեխանիզմը:**

Այս վայրենի քաղաքականության դեմ է 70 տարի տարբեր ձևերով պայքարել արցախահայությունը և այսօր էլ ոտքի է ելել կենաց ու մահու պայքարի:

ԱՂՐԵԶԱՆԱԿԱՆ ԽԱՂԱՂ ՆՎԱՃՈՒՄՆԵՐԻ ԴԵՏՔԵՐՈՎ*

1921 թ. Մոսկվայի, ապա Կարսի պայմանագրով գործարքի մեջ մտնելով Աթաբուրքի հետ՝ Լենինը ոչ միայն Կարսը զիջեց Թուրքիային, այլև Նախիջևանի երկրամասը «և այլ շրջաններ» հանձնեց նորաթուխ Ադրբեջանական հանրապետությանը: Այդ «և այլ շրջաններ» արտահայտությամբ նկատի էր առնվում Արևելյան Անդրկովկասի մի շարք հայկական շրջաններ, որոնցից փրկվեց միայն Զանգեզուրը՝ շնորհիվ Նժդեհի հերոսական ջանքերի: Փաստորեն իՍՅՄ կազմավորելուց առաջ Լենինը, հանձին Ադրբեջանի, ստեղծեց մի փոքր կայսրություն և ադրբեջան-

* Առաջին անգամ տպագրվել է «Ազատամարտ» շաբաթաթերթում. 1993 թ., քիվ 43:

ցիները տրամադրության տակ դրեց ոչ միայն տեղաբնիկ ժողովուրդների՝ հայերի, լեզգիների, թալիշների, քաթերի և այլ փոքրաքանակ ժողովուրդների հայրենիքները, այլև նրանց ստեղծած հազարամյակների մշակույթը, քաղաքակրթությունն ու պատմությունը:

«Արժանին» պետք է մատուցել այդ նորաստեղծ հանրապետության քաղաքական գործիչներին՝ նրանց ձկուն ու մարտնչող ազգային քաղաքականության համար: Տեղաբնիկ ժողովուրդների ձեռքով նրանք ոչ միայն ստեղծեցին ժամանակակից արդյունաբերություն և գյուղատնտեսություն, այլև պատմական մի կարճ ժամանակահատվածում իրենց ժողովրդին վրաններից փոխադրեցին բնակարաններ՝ յուրացնելով ուրիշների վաստակը, յուրացնելով թուրքամեթոդ, տեղն ընկած ժամանակ վայրենի բարբարոսությամբ, ինչպես տեսանք Սումգայիթում և այլուր: Այդպես է թուրքը նստակեցության անցել Ադրբեջանում: Ռուսական գաղթօջախ Կարլազինոյից ռուսները գնացին հայրենիք, թափառական թուրքը տեր դարձավ նրան՝ այն դարձնելով Ֆիզուլի: Գերմանացիներին էլենդորֆից աքսորեցին Սիբիր, թուրքը տեր դարձավ նրան և դարձրեց Խանլար, և այսպես շարունակ ժղանով, Սինգեչաուր, Սումգայիթ...

Սակայն նորաթուխ հանրապետության ադրբեջանականացման գործն այնքան էլ հեշտ ու հարթ չէր, չնայած նրանք նախանձելի քաղաքական ձկունությամբ ու հետևողականորեն իրականացնում էին այն: Բարդության հիմքն առաջին հերթին այն էր, որ ամբողջ մշակովի հողերը տեղաբնիկ ժողովուրդների սեփականությունն էին՝ ժառանգված հնագույն ժամանակներից, և երկիրը կերակրում էին նրանք: Չնայած ցարիզմը 19-րդ դարի 40-ական թվականներից շատ անգամ փորձել էր խաներին ու բեկերին օժտել հողային սեփականատիրության լայն իրավունքներով, նրանց վարժեցնել նստակեցության, բայց այդ ժողովուրդն իր վերնախավով գերադասել էր անմշակ տափաստաններում ոչխար պահելը և սոցիալիզմին հասել էր որպես քոչվոր՝ անհաղորդ արորի և գութանի արվեստին:

Ինչ մնում է արդյունաբերական Բաքվին, ապա այն ամեն ինչ էր՝ և՛ ռուսական, և՛ հայկական, և՛ հրեական, և՛ պարսկական և՛ այլն, բայց ոչ երբեք ադրբեջանական, իսկ եթե նաև ադրբեջանական, ապա միայն հասարակական պարզագույն ծառայությունների ոլորտում: Դրան հակակշռում էր թուրքերի թվական գերակշռությունը տեղաբնիկ ժողովուրդների նկատմամբ և քաղաքական իշխանության լծակների զորությունը նրանց ձեռքին: Իրերի նման դասավորության պայմաններում ադրբեջանական ղեկավարությունը մշակեց իր ազգային քաղաքականության ռազմավարությունը և հասավ աննախադեպ արդյունքների:

Մեզ հետաքրքրողը հայկական երկրամասերի նկատմամբ Ադրբեջանի կառավարության կիրառած գավթողական քաղաքականությունն է:

Քուռի աջափնյակը զբաղեցնող հայկական մարզերը, հիմնականում իր հայ բնակչությամբ, Լենինից նվեր ստանալու դիմաց ադրբեջանական ղեկավարությունը դիմեց քաղաքական զիջման՝ հանդուժելով հայկական ինքնավար մարզի ստեղծումը, որը նրանց կողմից միշտ էլ դիտվել է որպես ժամանակավոր զիջում:

Որևէ մեկնաբանության տեղ չի թողնում Կավքյուրոյի հայտնի որոշման 2-րդ կետը, որով Ադրբեջանի կառավարությանն է թողնվում հայկական շրջաններից Ինքնավար մարզի ստեղծումը և նրա սահմանների որոշումը: Հայտնի առակի տրամաբանությամբ դա նշանակում էր ոչխարներին հանձնել գայլերի պահպանությանը: Ստեղծվեց Լեռնային Ղարաբաղի Ինքնավար Մարզը, բայց ինչպե՞ս...

Նախ մարզի կազմից դուրս մնացին չորս հայկական, ժամանակակից անվանումներով՝ Շահումյանի, Խանլարի, Դաշքյասանի ու Շամխորի շրջանները: Ապա այդ շրջանների վարչատերիտորիալ սահմանները այնպես գծեցին, որ ավանդաբար իրենց պատկանող հողատարածքների մի պատկառելի մասը մնաց նրանց սահմաններից դուրս: Այսպես, Գետաշենի և նրա շրջակա հայկական գյուղերի, ինչպես նաև Շահումյանի շրջանի վարելահողերը հասնում էին մինչև Գանձակի ու Պարտավի փեշերը նախկին Գյուլիստանի մելիքության սահմաններով: Սակայն նրանց վարչատարածքային սահմանները գծեցին գյուղամերձ տարածքներով, չնայած այս սահմաններից դուրս գտնվող հողերը շարունակում էին մշակել հայերը: Օրինակ, Պարտավի մոտ գտնվող Ղարաբանդում էին գտնվում Կարաչինար գյուղի վարելահողերը, իսկ Գերանում՝ Գետաշենինը: Իրերի այս դրությունը պահպանվեց մինչև թուրքերի նստակեցության ու հողամշակման անցնելը, որպես ժամանակավոր ու հարկադրական իրողություն, որը հանգիստ չէր տալիս Ադրբեջանի կառավարությանը: Պատերազմից հետո, գործարկելով Վերին դարաբաղյան ջրանցքը, Ադրբեջանի կառավարությունը Պարտավի և Քուռի մերձակայքի հայապատկան վարելահողերը խլեց այդ շրջաններից և դարձրեց թուրքական սեփականություն: Դա տեղի ունեցավ 1949 թվականին: Եվ երբ հայկական Գերանը դարձրեցին թուրքական, սկսեցին տարփողել, թե դա հին թուրքական բնակավայր է եղել: Իսկ երբ սկսվեց կոլտնտեսությունների ու շրջանների խոշորացումը, այդ միջոցառումը այնպես կազմակերպեցին, որ ստեղծվեց խառն էթնիկական միջավայր, ուր հայերին, տևականորեն ճնշելով, հարկադրում էին լքել պապենական օջախները, մինչև որ հարցը հիմնովին լուծեցին գորբաչովյան իրանոսների գործությամբ:

Վարչատարածքային սահմանագծման նույն սկզբունքով կազմավորվեց նաև Լեռնային Ղարաբաղի Ինքնավար Մարզը: Նրա սահմաններից դուրս թողեցին վարելահողերն ու ամասունների ձմեռանոցները, որ ձգվում էին մինչև Արաքսամերձ տափաստանները: Եվ որպեսզի հետագայում հեշտ լինի այդ տարածքները մարզից պոկելը, սկզբից եթ դրանք հայտարարեցին պետական ֆոնդի հողեր՝ ժամանակավորապես տրամադրված մարզին: (Յետաքրքիր է, հսկայածավալ պետության ուրիշ ո՞ր մասում է պետական ֆոնդի հողերի հարց եղել):

* * *

20-ական թթ. Ադրբեջանի տնտեսական կյանքի զարգացման համար անհնապատրաստ միջավայրերից մեկը, Բաքվի և Գանձակի հետ միասին, Լեռնային Ղարաբաղն էր՝ ժամանակի պահանջները բավարարող իր կադրերով ու աշխատուժով, իր բնական ռեսուրսներով: Հավանաբար այդ հանգամանքի հաշվառումով կենտրոնական կառավարությունը 1925 թ. առաջադրեց Թարթառ գետի վրա ջրակայանի կառուցման հարցը, որի իրականացումը մի հարված կլիներ ադրբեջանական ազգային կլանողական քաղաքականությանը: Ադրբեջանի ղեկավարությունը դրա դեմ գործի դրեց նման դեպքերի համար իր փորձված զենքը՝ հարցի լուծման ձգձգումը: Նա կարողացավ մինչև 1931 թվականը համարյա ոչինչ չձեռնարկել, կենտրոնի ճնշմամբ 1931 թ. հարկադրված եղավ ձեռնարկել տեղանքի հետազոտության ու շինարարության նախագծման աշխատանքները, 1934 թ.՝ շինարարությունը: Սակայն 1941 թ. հաջողացրեց կանգնեցնել «Թարթառգետի» շինարարությունը և աշխատուժն ու շինարարական սարքավորումները տեղափոխել Մինգեչաուր:

Իսկ թե ինչու Ադրբեջանի կառավարությունը հատկապես Մինգեչաուրը ընտրեց հիդրոկայանի վայր և ոչ մի ուրիշ տեղ, դարձյալ պայմանավորված էր նրա ազգային հեռահար քաղաքականությամբ: Բանն այն է, որ Քուռի ձախսափնյակը գրադեցնող նախկին Արեշի գավառը դեռևս լրիվ ադրբեջանականացված չէր, իսկ նրա ու Յլուսիսային Արցախի հողատարածքները սահմանակից էին իրար և կազմում էին մի միասնական էթնիկական տարածք:

Եվ որպեսզի ընթերցողի համար պարզ դառնա հարցի էությունը, մի հարկադրական հայացք ձգենք դեպի անցյալը:

Դեռևս մ.թ.ա. 2-րդ դարում հայոց միավորված պետության կազմի մեջ մտած Կամբեջան երկրամասը, որը Քուռի ձախսափնյակից ձգվում էր մինչև Կովկասյան լեռները, կարողացավ իր հայկականությունը պահպանել նաև պետականության կորստից հետո, և մինչև 18-րդ դարի

սկիզբը հայերը երկրամասի գերիշխող էթնիկական տարրն էին՝ կազմելով բնակչության 88 տոկոսը: Իրավիճակը կտրուկ փոխվեց, երբ պարսկական տիրապետության դեմ ուղքի ելած հայ-վրացական միացյալ ուժերին օգնելու խուսառնով Դերբենդ հասած Պետրոս Առաջինը ոչ միայն հանկարծակի ետ վերադարձավ, այլև Պարսկաստանի տիրապետության տակ գտնվող Անդրկովկասը ճանաչեց թուրքական սեփականություն, և թուրքական զորքերը բռնազավթեցին Անդրկովկասը:

Թուրքական այդ նվաճումը առանձնապես ծանրագույն հետևանք ունեցավ արդեն Շաքիի խանության վերածված Կամբեջանում, ուր հրի ու սրի զորությամբ տեղի հայերի մեծ մասին բռնի մահմեդականացնում են՝ արհեստականորեն փոխելով երկրամասի էթնիկական կազմի հարաբերակցությունը: 19-րդ դարի կեսերին բռնի թուրքացված հայերի մեջ մի շարժում է սկսվում ազգային արմատներին վերադառնալու համար, բայց արդեն ուշ էր: Այնուամենայնիվ, արդեն որպես թոքրամասնություն, հայությունը գոյատևում է այդ երկրամասում մինչև 1988 թ.: Նվաճելով Անդրկովկասը ցարիզը նախկին խանությունը բաժանեց երկու գավառի՝ Նուխու և Արեշի: Դարասկզբին Արեշի գավառում, որը գրադեցնում է Քուռի մերձակայքը, դեռևս կանգուն էր 18 հայկական գյուղ՝ 14 հազար բնակչությամբ շրջապատված 53 հազար մահմեդականներով, որոնց մեծ մասը երբեմնի հայեր էին: 1905 թ. հայ-թուրքական ընդհարումների ժամանակ Արեշի գավառի հինգ հայկական գյուղեր, որոնք գտնվում էին անմիջապես Քուռի ափին, դառնում են թուրքական վայրագությունների թիրախ: Դրանք են՝ Մազրդուն, Քանդակր, Հավարիկը, Էրմանի-բազարը և Նեմեթաբադը:

Ահա թե ինչ է ասում այդ մասին ժամանակի վավերագրերից մեկը.

«Մի շարք մանր դեպքերից հետո նոյեմբերի 28-ին Ղարաբաղի թուրքերը, Քուռ գետը անցնելով, եկան պաշարեցին Մազրդուն: ...Հավարիկ և Քանդակ գյուղերից օգնություն ստանալով՝ Մազրդուի երիտասարդները կարողացան գյուղի սահմաններից թուրքերին հալածել: Սակայն տեղի թուրքերը, նրանց հետ միասին նաև պրիստավ Մամեդ բեկ Ղալաբեկովը, տեսնելով հայ երիդասարդների հաջողությունը, ետևից հասան և նրանց կրակի մեջ առան: Հայերը, մի փոքր ժամանակ պատասխանելով երկու կողմից թափվող գնդակներին, այդ անհավասար կռվից դուրս եկան ծանր զոհեր տալով. նրանցից ընկել էին 37 հոգի:

Դաշտում տեղի ունեցած կոտորածի լուրը սարսափ ու իրարանցում առաջ բերեց գյուղի մեջ, կանայք ու երեխաները սուգ ու շիվանով դուրս փախան գյուղից, թուրք խուժանը ներս թափվեց գյուղ և սկսեց մի սուկալի կողոպուտ, ավեր, հրդեհ: Թուրքերի մի այդպիսի բարբարոսությունը սարսափ տարածեց Հավարիկ, Քանդակ, Էրմանի-բազար գյուղերի

ժողովրդի վրա. որոնք, նախատեսելով նույն վրձակը նաև իրենց համար, քոչեցին Ղարաբաշի, որից անմիջապես հետո թուրքերը մտան դատարկված գյուղերը... և հանեցին այն ամենը, ինչ թաքցրել էին հայերը»¹⁶:

Վերջին ծանրագույն հարվածը Նուխու և Արեշի հայության գլխին իջնում է 1918-20 թվականներին. երբ թուրքական զորքերը Նորից են անցնում այդ տարածքով: Երկրամասի հայության այն մասը, որ կարողանում է փրկվել թուրքական յաթաղանից, փրկվում է միայն փախուստի միջոցով: Իսկ երբ Ադրբեջանը դառնում է խորհրդային, փախստականների մեծ մասը, որ մինչ այդ չէր վերադարձել հայրենի օջախներ, այդպես էլ մնում է փախստական, որովհետև Ադրբեջանի բուլշևիկյան կառավարությունը այստեղ ևս, ինչպես նաև Նախիջևանում, արգելեց նրանց վերադարձը: Փախստականների մի մասը ապաստան է գտնում Գյուսիսային Կովկասում և Ռուսաստանում. մի մասն էլ երևանին կից հիմնում է Նոր Արեշ թաղամասը:

Զնայած այս ամենին՝ երկրամասը իսպառ չի դատարկվում հայերից: Բնակչության մի մասը հեռուն չէր փախել և թուրքական զորքերի ետ քաշվելուց հետո վերադարձել էր հայրենի բնակավայրերը: Վերադարձել էին նաև Քուռի ձախափնյակը զբաղեցնող հայկական գյուղերի բնակիչները, գյուղեր, որոնք, ըստ էության, Գյուսիսային Արցախի հետ կազմում էին մի միասնական էթնիկական տարածք, որովհետև նրանց արանքում թուրքական բնակավայրեր չկային և այսօր էլ չկան:

Եվ այսպես, «Թարթառեկի» շինարարությունը խափանելով և հատկապես Մինգեչաուրը հիդրոկայանի տեղ ընտրելով՝ Ադրբեջանի կառավարությունն առաջ էր տանում իր ազգային կլանողական քաղաքականությունը: «Թարթառեկի» խափանումով Ադրբեջանը Լեռնային Ղարաբաղին զրկեց տնտեսական զարգացման հեռանկարից (հիշենք, որ փակեցին նաև Ստեփանակերտի գործող ջրակայանը): Հատկապես Մինգեչաուրը ընտրելով հիդրոկայանի վայր ջրի տակ գցեցին Քուռի ձախափնյա հայկական գյուղախումբն իր տարածքներով՝ մեկընդմիջտ լուծելով Արեշի զավառի վերջնական ադրբեջանականացման հարցը: Իսկ այդ մարսելուց հետո, ինչպես արդեն ասվել է, սեփականացրին նաև Քուռի ու Պարտավի մերձակայքում գտնվող Գյուսիսային Արցախի հողատարածքները՝ օդակը սեղմելով Արցախական աշխարհի միջնաբերդի՝ ԼՂԻՍ-ի վզին:

Ադրբեջանի կառավարությունը «Թարթառեկի» շինարարությունը «Սարսանգօզես» վերանվանումով վերսկսեց միայն 60-ական թթ. վերջե-

րին, այս անգամ արդեն որպես Մարզի ադրբեջանականացման լծակներից մեկը, որպես տասնամյակի կեսերին ղարաբաղյան ըմբոստացման քաղաքական պատասխան: Ասենք, որ շինարարությունը կատարվեց առանց մարզային իշխանությունների ու շինարարական հիմնարկների մասնակցության, անմիջապես Բաքվի հսկողությամբ: Ստեփանակերտի արխիվում այդ շինարարության մասին որևէ փաստաթուղթ չգտնվեց:

Եթե մինչև 1965 թ. ըմբոստացումը Մարզի թուրքացման հիմնական միջոցը կոլտնտեսությունների ոչխարաբուծական ֆերմաներն էին, որտեղ կուտակված հովիվներին անհրաժեշտության դեպքում կարող էին հեշտությամբ բռնել և բռնեցին, ըմբոստացումից հետո Ալիևը գործողության մեջ դրեց առավել հիմնարար ծրագիր: Նա սկսեց զարկ տալ Մարզի ընկերային-տնտեսական կյանքի այնպիսի ոլորտների, որոնք հեշտությամբ կարող էին ապահովել թուրքերի անարգել մուտքը Մարզ: Վերականգնվեց 1953 թ. փակված ինստիտուտը, որտեղ թուրքական բաժինը ուսանողների թվով գերակշռում էր հայկական և ռուսական բաժիններին միասին վերցված: Նախկինում փակված երկաթգծի փոխարեն կառուցվեց Նորը, որի աշխատակազմը թուրքեր էին: «Սարսանգեւր» ամբողջովին ծառայեցվեց մոտակա թուրքական շրջաններին: Մարզը ամբողջովին կախման մեջ դրվեց Ադրբեջանի շրջաններին. այնտեղ էր հոսում Մարզի գյուղատնտեսական ողջ արտադրանքը: Ավարտին էր հասնում անդրկովկասյան մասշտաբի գյուղատնտեսական մեքենաների գործարանի կառուցումը, որտեղ պետք է աշխատեին տասնյակ հազարավոր բանվորներ, հասկանալի է, մեծամասամբ թուրքեր: Արդեն մշակվել էր Մարզի լուծարման պլանը: Սակայն, բարեբախտաբար, ուրբաթը շաբաթից շուտ եկավ, ոտքի կանգնեց Արցախը...

Հանձին Ադրբեջանի Սովետական Սոցիալիստական Հանրապետության՝ բուլշևիկները համառուսական կայսրության կազմում պահում էին մի փոքրամասշտաբ ապօրինի կայսրություն, որն իր միջնադարյան ռազմատենչությամբ հանդերձ պատմականորեն դատապարտված է կիսելու իր մեծ տարբերակի ճակատագիրը: Բայց եթե հսՄՅՍ-ը փլուզվեց առանց քաղաքացիական պատերազմի ու արյունահեղության, Ադրբեջանի պանթուրքական շրջանակները դեռևս հույսները չեն կտրել գեներալի իրենց կայսրությունը փրկելու մտքից: Սակայն դա մեծնողի վերջին ճիգերն է հիշեցնում: Ազատագրված Արցախը հերոսաբար դիմակայում է ադրբեջանական ագրեսիային և կառուցում իր Նոր ու անկախ պետականությունը: Թալիշներն ու լեզգիները առաջին քայլերն են անում ազատագրական պայքարի ճանապարհին: Փլուզվում է այդ ապօրինի կայսրությունը, և նրա փլատակների վրա ստեղծվելու է ազատագրված ժողովուրդների, թող որ փոքր ժողովուրդների, համադաշնություն:

16 Ա-ԴՕ, Հայ-թուրքական ընդհարումները Կովկասում, 1905-1906 թթ., Երևան, 1907, էջ 382-383:

ԶԱՐԴԱՐԱՐՈՒԹՅԱՆ ԳԵՐԹԱԿԱՆ ԲՈՆԿՈՒՄ

Խոր վրդովմունքով կարդացինք կուսակցության Լեռնային Ղարաբաղի մարզային կոմիտեի 1975 թ. մարտի 21-ին գումարված պլենումում մարզկոմի առաջին քարտուղար Բ. Ս. Կևորկովի «Աշխատավորների ինտերնացիոնալիստական դաստիարակության հետագա բարելավման ուղղությամբ մարզային կուսակցական կազմակերպության խնդիրները» պրովակացիոն վերնագրով զեկուցումը:

Նախևառաջ կցանկանայինք պարզվեր՝ այդ զեկուցումը Անկարայում է թխվել, թե՞ Բաքվում, որովհետև այնտեղ առավել հաջողությամբ պաշտպանվում են Թուրքիայի պանթուրանական նկրտումները, թուրք ցեղասպաններին: Պատահակա՞ն է, որ Կևորկովին առաջինը արձագանքում է Անկարայի ռադիոն՝ հաղորդելով, թե «վերջապես ճարվեց մի կոմունիստ, որը լիաբերան խոսեց պատմական ճշմարտության մասին և հայտարարեց, որ Ղարաբաղը միշտ էլ եղել է թուրքական, չնայած Շահումյանը ձայնը գլուխը գցած գոռգոռում էր, թե Ղարաբաղը պետք է տալ Գայաստամին»: Կևորկովի կարդացած զեկուցման բազմաթիվ դրույթներ գալիս են ասելու, որ Անկարայի մատը խառն է նման տրամադրություններն Ադրբեջանում անշեջ պահելու գործում:

Շտապենք ասելու, որ կուսակցության մարզային պլենումում նման հարց նման ագրեսիվությամբ քննարկելու համար հայ ժողովուրդը ընդհանրապես, Ղարաբաղի բնակչությունը մասնավորապես, ոչ մի, անգամ ամենափոքր առիթ չի տվել: Ղարաբաղում ո՛չ ազգամիջյան ընդհարումներ են եղել, ո՛չ հակասովետական, հակապետական ելույթներ, ո՛չ էլ դարաբաղցին դարձել էր միջազգային իմպերիալիզմի հենակետը: Ղարաբաղը ընդամենը 1974 թ. սոցիալիստական մրցության հաղթողն է եղել և ուրիշ ոչինչ: Բայց Ադրբեջանի պանթուրքական ղեկավարությունը թույլ չտվեց, որ դարաբաղցին գոնե մի շաբաթ վայելի այդ ազնիվ ու պատվաբեր հաղթանակի բերկրանքը՝ փոխանցել կարմիր դրոշը հանձնելուց երեք օր հետո սարքելով այդ գրպարտչական ներկայացումը:

Ո՞ւմ է ուզում զարմացնել պանթուրքական գաղափարախոսության ուշացած կամակատար Կևորկովը, երբ փրփուրը բերանին հայտարարում է.

«Մեր կուսակցությունը վաղուց է պատասխանել այդ հարցին՝ Ադրբեջանական ՍՍՀ-ի կազմում ստեղծելով Լեռնային Ղարաբաղի Ինք-

նավար Մարզը: Դա էլ հենց կոմունիստական կուսակցության դիրքն է Լեռնային Ղարաբաղի հարցում, որը լիովին ու ամբողջովին հենվում է ազգերի ու ազգային հարաբերությունների մասին լեռնայան ուսմունքի վրա և համապատասխանում է պրոլետարական ինտերնացիոնալիզմի ու սովետական հայրենասիրության գաղափարախոսությանը (ընդգծումը մերն է - Ա. Բ.):»:

Որ Կևորկովը մի սովորական դրածո է և սոսկ կատարում է զավթողական նկրտումներով տառապող Ադրբեջանի կառավարության կամփր, դա երևում է զեկուցման յուրաքանչյուր արտահայտությունից: Որ զեկուցման բուն հեղինակները ամենասանձարձակ կերպով աղավաղում են պատմությունն ու ժամանակակից իրականությունը՝ աննահանջ հետևողականությամբ թշնամական տրամադրություններ սերմանելով Լրկու հարևանների միջև, դա ապացուցվում է ոչ միայն հիշյալ զեկուցումով, այլև Լեռնային Ղարաբաղի վերջին հիսնամյակի ողջ պատմությամբ: Կարծում ենք դժվար չի լինի ԿԿ-ի արխիվից հանել տարբեր ժամանակներում դարաբաղցիների ուղարկած ահազանգերն ու բողոքագրերը՝ պատկերացում կազմելու համար այն մղձավանջային կացության մասին, որի մեջ գտնվում է մի ամբողջ երկրամասի ազգաբնակչությունը:

Մեզ համար միանգամայն անհասկանալի ու տարօրինակ է այն հանգամանքը, որ մեր կուսակցության ու կառավարության ղեկավարությունը, որը պայքարում է լեռնայան գաղափարների համաշխարհային հաղթանակի, մարդկության լուսավոր ապագայի համար, այդպիսի հետևողական անտարբերություն է ցուցաբերում Ղարաբաղի հայության այդքան հարկադրական, այդքան արդարացի բողոքների ու խնդրանքների նկատմամբ: Այդ լռության ու անտարբերության արդյունքը չէ՞ արդյոք, որ որոշ վայ մարքսիստներ ու ժողովուրդների միջև թշնամանք հրահրողներ հասել են այնպիսի հանգգություն, որ հայտարարում են, թե Ղարաբաղի հարցի ներկա, հակալեռնային լուծումը մեր կուսակցության վերջին խոսքն է: Մի՞թե այդ քաղաքական դահիճները չեն ուզում հասկանալ, որ քանի դեռ մեր երկրում իշխող գաղափարախոսությունը լեռնայան ուսմունքն է, Ղարաբաղի հարցի այդպիսի լուծումը չի կարող լինել կուսակցության վերջին խոսքը, եթե նույնիսկ Ադրբեջանի շովինիստական կառավարության քաղաքականության հետևանքով Ղարաբաղում չմնա որևէ հայ: Ղարաբաղի հայությունը հավատով սպասում է, որ հարազատ կուսակցությունն ու կառավարությունը արդարացի, լեռնայան լուծում կտան իր ճակատագրին՝ թույլ տալով, որ դարաբաղցին միանա իր մայր ժողովրդի հետ:

Իրականում մեր երկրի կեսդարյա պատմությունը ցույց է տալիս, որ

դարարության հարցի նման լուծման մեջ ամեն ինչ կա, բացի «ազգերի ու ազգությունների հարաբերությունների մասին» լենինյան ուսմունքից, որի դիրքերից իբր թե հանդես է գալիս Կևորկովը: Եվ եթե յուրաքանչյուր հինգ տարին մեկ Ղարաբաղն իր լավագույն զավակներին դնում է հարվածի տակ, հաճախ գոհ տալիս, պատճառն այն է, որ մարդիկ հրապարակում են ազգային քաղաքականության լենինյան թեորիայով, փորձում են օրենքի ուժ ստացած այդ ուսմունքը կիրառել նաև Ղարաբաղի նկատմամբ, բայց միշտ էլ ճակատները զարկվում է Ադրբեջանի ղեկավարության լենինյան ֆրակաբանությամբ ջողաբլված գաղութատիրական քաղաքականության պատիւին:

Կևորկովի գեկուցումը գրող պատմության կեղծարարները դեմագոգիկ կերպով դարաբաղյան հարցը կապում են մուսավաթական ու դաշնակցական ազգայնական կուսակցությունների անվան հետ՝ քաղաքական ահաբեկչությամբ մարդկանց լռեցնելու համար: Իրականում դա կուսակցական շահախնդրություններից անհամեմատ բարձր ազգային հարց է և ունի երեքհարյուրամյա նախապատմություն:

Ցարիզմը, նվաճելով Անդրկովկասը, օրինականացրեց մի այլ նվաճողի իրավունքները Ղարաբաղում՝ ելնելով իր գաղութային քաղաքականության շահերից: «Բաժանիր, որ տիրես» սկզբունքով նա ոչ միայն ժողովուրդներին լարել է իրար դեմ, այլև կազմակերպել է ազգամիջյան կոտորածներ: Հիշենք 1905-1906 թվականների հայ-թուրքական կոտորածները: Ցարիզմը, առաջին համաշխարհային պատերազմի ժամանակ նաև իմպերիալիստական մյուս գիշատիչները, Անդրկովկասում ստեղծեցին փոխադարձ անվստահության ու թշնամանքի մի սոսկալի մթնոլորտ՝ հարևան ժողովուրդներին կանգնեցնելով իրար դեմ: Հոկտեմբերյան հեղափոխությունը կոչված էր կովկասում վերջ տալու ամեն կարգի ներհակություններին՝ այդ տառապած ժողովուրդներին բերելով սոցիալ-քաղաքական ու ազգային ազատագրություն:

Լեռնային Ղարաբաղը հայ-ադրբեջանական հարաբերությունների ամենաշիկացած հարցերից մեկն էր: Իմպերիալիստներն այնպես էին խառնել այդ ժողովուրդների հարաբերությունները, այնպես էին շիկացրել հակամարտությունը, որ դարաբաղիները 1918-20 թվականներին ստիպված են եղել տասը անգամ հավաքվելու գյուղացիական համագումարի՝ պատասխանելու Ադրբեջանի մուսավաթական կառավարության վերջնագրերին: Եվ միշտ էլ Ղարաբաղի բնակչությունը մերժել է Ադրբեջանին ենթարկվելու մուսավաթականների պահանջը, մինչև որ անգլիական օկուպացիոն զորքերի իրամանատար Թոմսոնի հարկադ-

րանքով ժամանակավորապես համաձայնել են մուսավաթականների պահանջին՝ հարցի վերջնական լուծումը թողնելով հաշտության կոնֆերանսին:

Բոլշևիկները ուշի ուշով հետևում էին իմպերիալիստների սարքած այդ մեքենայություններին՝ իրենց ուշադրության կենտրոնում պահելով դարաբաղյան հակամարտությունը: Լենինյան գվարդիայի կենտրոնական դեմքերն Անդրկովկասում այդ հարցի նկատմամբ ունեին բավականին հստակ և իրոք լենինյան կողմնորոշում: Բավական էր, որ 11-րդ Կարմիր բանակում գտնվող մի խումբ հայ բոլշևիկներ ժամանակակից ՀՍՍՀ տարածքի ժայռամասում Հայաստանը հռչակելին սոցիալիստական և դեռ չհասած մայրաքաղաք Երևանին, Բաքվի սովետն արդեն, Կիրովի և Օրջոնիկիձեի նախաձեռնությամբ, կայացրել էր իր պատմական ու միակ արդարացի որոշումը՝ Ղարաբաղի, Չանգեզուրի և Նախիջևանի նկատմամբ՝ այդ երկրամասերը հռչակելով Խորհրդային Հայաստանի անբաժանելի մաս:

Ադրբեջանի կառավարության 1920 թ. դեկտեմբերի 1-ի դեկլարացիան, սակայն, հեղափոխական բուռն խանդավառության ազդեցությամբ կատարված անկեղծ ու շիտակ մի քայլ էր միայն՝ չանցած դիվանագիտական խարդախումների ճանապարհով, և այնպես էլ իրականություն չդարձավ: Շուտով ադրբեջանական նացիոնալիստներին հաջողվում է դիվանագիտական ամենագոր գեների շնորհիվ Նախիջևանը Ադրբեջանին միացնել Օսմանյան Թուրքիայի օգնությամբ, Ղարաբաղը պահել Ադրբեջանի կազմում՝ նորաստեղծ սովետական կարգերի դեմ մուսավաթական ապստամբության սպառնալիքով: (Քեմալական Թուրքիան հարկադրեց սովետական կառավարությանը 1921 թ. ռուս-թուրքական դաշնագրում հատուկ կետ մտցնել այդ մասին: Նրանց չհաջողվեց Չանգեզուրն էլ ձեռքները զցել, որովհետև այդ ժամանակ Չանգեզուրը դեռևս սովետական չէր):

Մի գիշերվա մեջ բոլշևիկներ դարձած ադրբեջանական պանթուրքիստ-մուսավաթականները, դաշնակցած հայ ժողովրդի նկատմամբ ի ծնե օրգանական ատելությամբ չցված Ստալինի հետ, հասան այն բանին, որ 1921 թ. հունիսի 5-ին Անդրերկրկոմը որոշեց Ղարաբաղը թողնել Ադրբեջանի կազմում:

Սակայն այդ աղաղակող անարդարությանը պետք է ժողովրդականության շապիկ հագցնեին: Այդ նկատառումով Ադրբեջանի ղեկավարությունը Ղարաբաղում հրավիրեց գյուղացիական արտակարգ համագումարներ՝ ժողովրդի համաձայնությունը ապահովելու համար: Նման մի

համագումար տեղի ունեցավ Մարտունու շրջանի ճարտար գյուղում, ոչ անհայտ կոմունիստներ Ասադ Կարակի և Լևոն Միրզոյանի նախաձեռնությամբ: Սեփական կուսակցության որոշումը պաշտպանելու և անց կացնելու օգտին Միրզոյանի¹⁷ բերած փաստերին ժողովուրդը հակադրեց իր կամքը՝ «Ամեն մարդու համար իր տունն է հարազատ, իսկ մեր տունը Հայաստանն է» ձևակերպումով, և մերժեց Ադրբեջանի կազմի մեջ մտնելու առաջարկը: Հրապարակորեն անհաջողության մատնվելուց հետո Կարակն ու Միրզոյանը պահանջում են համագումարի քարտուղարներ Արամ Բաղդասարյանից (Սոս գյուղացի) և Սամվել Գրիգորյանից (Գիշի գյուղացի), որ փոխեն արձանագրությունը և գրեն հակառակը: Երբ վերջինները հրաժարվում են պատճառաբանելով, որ ժողովրդի վստահությունը այդ աստիճանի չարաշահել չեն կարող, նույն գիշերն իսկ ձերբակալվում են և հասցվում Շուշի, ապա՝ Բաքու: Սամվել Գրիգորյանը հաշվեհարդարից փրկվում է պատահաբար. իր գործը քննող չեկիստը նախաձեռնոթ է եղել նրան խարկովի գյուղատնտեսական ինստիտուտում սովորելու տարիներից:

Ահա այս ձևով, ժողովրդի կամքին հակառակ, լուծվեց Ղարաբաղի հարցը, և սովետական պայծառ արևի տակ, ազատագրված ժողովուրդների եղբայրական ընտանիքում ժողովրդի հարյուրհազարանոց մի հատված օրը ցերեկով գաղութացվեց: Այո՛, ժամանակն է երևույթն իր անունով կոչելու. ժողովուրդների իրարահավասար ու եղբայրական ընտանիքում Ղարաբաղը գաղութացվեց Ադրբեջանի կողմից: Այդ բանը գիտակցում են բոլորը՝ սկսած վերջին ադրբեջանցուց անգամ:

Որ Ադրբեջանի ղեկավարությունը այն գլխից էլ Ղարաբաղը դիտել է որպես ժամանակավորապես իրեն տրամադրված պատառ և խտրական քաղաքականություն է վարում նրա նկատմամբ՝ Ղարաբաղը հայաթափելու հեռահար ծրագրով, հաստատվում է Ղարաբաղի վերջին 50-ամյակի ողջ պատմությամբ: Նշենք մի քանի փաստեր միայն:

Հեղափոխությունից առաջ Ղարաբաղը երկաթգծով կապված է եղել արտաքին աշխարհի հետ: Ադրբեջանի կառավարությունը քանդել է այդ

երկաթգիծը: Այսօր Ադրբեջանում ճանապարհներն ու երկաթգծերը կառուցում են այնպես, որ նրանք անցնեն միայն ադրբեջանական շրջաններով:

1939 թ. մարդահամարով Ղարաբաղն ուներ 125 հազար հայ բնակիչ, որից 45 հազարը, այսինքն՝ բնակչության երեք անգամից մեկը մասնակցել է Հայրենական պատերազմին: Կևորկովի գեկուցումը թխողները գոնե այնքան գլուխ ունենային այս փաստը չհրապարակելու համար, որովհետև սրանով ավելի քան հաստատում են Ադրբեջանի կառավարության ռասսայական վերաբերմունքը հայերի նկատմամբ:

Պատերազմի դաժան տարիներին Ղարաբաղի աշխատավորները իրենց եղած-չեղածը, նույնիսկ բնակարանները ծածկող թիթեղները, տարել են հարևան ադրբեջանական գյուղերում վաճառել մի կտոր հացի դիմաց: Մեր հարևանները այդ թիթեղների կարիքը չուներնալով հանդերձ, որովհետև ապրում էին վրաններում, գնում էին այն և ցանկապատում իրենց ոչխարների գիշերատեղիները՝ հայերին տալով իրենց ավելորդ գարին: Հացագործ դարաբաղցիները, որ իրենց թիկունքում ունեին հաց արտադրելու հինգհազարամյա փորձ, սովից կոտորվում էին, կիսաքոչվոր ադրբեջանցիները հաց էին վաճառում նրանց: Ինչո՞ւ: Որովհետև «լենինյան ազգային իմաստուն քաղաքականությամբ» ղեկավարվող Ադրբեջանի կառավարությունը ոչ միայն յուրաքանչյուր երեք հայից մեկին ուղարկեց հայրենիքը պաշտպանելու՝ դրանով լրացնելով հանրապետության զորակոչի պլանը, այլև կանանց ու երեխաների վստակն էլ մինչև վերջ տանում էր, ժողովրդին թողնում սովահար՝ «Ամեն ինչ պատերազմի համար» հայրենանվեր կարգախոսով:

Պատերազմից հետո դեռ կուշտ փորով հաց չէր կերել ղարաբաղցին, երբ կառավարությունը կիրառեց պատմության մեջ չկրկնված և ինքնատիպ հարկահանության մի ձև: Բրդամթեղման պետական պլանը կատարելու պատրվակով ժողովրդի վերմակներից հանեց բրդերը, որպեսզի... Եվ լախի կայարանում թափի որպես անպետքություն: Եվ այդ ամենն իրականացրեց միլիցիայի մտրակի տակ՝ հարկի տակ դնելով առաջին դասարանցի աշակերտից մինչև ընտանիքի գլխավորը: Իրականացրեց այն բանից հետո, երբ արդեն ղարաբաղցուն արգելել էին չորքտանի պահելը:

Տարաբնույթ պատճառաբանություններով, ընդհուպ մինչև «նավթից էլ ենք սպիրտ ստանում» կարգախոսը դրոշ դարձրած, տարբեր ժամանակներ կտրատեցին մարզի թեմիները, որը երկրամասի տնտեսության հիմնական ու դարերի խորքից եկող ճյուղերից մեկն է: Այս

¹⁷ Լևոն Միրզոյանը եղել է այն կոմունիստներից, որ հանրապետություններ են ղեկավարել: Պա ենթադրում է, որ նա պետք է ունենար այնքան զարգացում, որ հասկանար «հոգևոր և ազգային կապ» հասկացությունների իմաստը և չհայտարարեր, թե Ղարաբաղը «հոգևոր ու ազգային տեսակետներից սերտորեն կապված է Ադրբեջանի կենտրոնի հետ»: Սա կեղծարարություն չէ՝ վերագրված Միրզոյանին: Իսկ թե՛, իրոք, նա այդպես է պատճառաբանել, ավելի վատ իր համար. ռտնահարել է անգամ այդքան պարզ հասկացությունները:

հարցում նուաճ ընդամենը կրկնել են լենկթեմուրներին դրոճ նվաճված ժողովուրդներին վերջնականապես մաշելու համար դիմում էին արտադրության միջոցների այգեստանների բարբարոսական ոչնչացմանը:

Այս կարգի հազարավոր իրողությունների գլխով ցատկելով և օգտագործելով այն հանգամանքը, որ ոչ ոք չի կարող գրավոր վիճակագրական տվյալներով ցույց տալ իրենց ասածների կեղծիքը, պատմության կեղծարարները բերում են «տվյալներ» ապացուցելու համար, որ իբր թե Ադրբեջանի կառավարությունը Ղարաբաղին ավելի լավ է նայում, քան իրեն իսկ Ադրբեջանին: Սակայն չնայած յոթ կողպեքի տակ է պահվում մեր երկրի տնտեսական կյանքի վիճակագրությունը, վիճակագրություն, որի անարգել օգտագործմամբ Լենինը ժամանակին գրեց «Կապիտալիզմի զարգացումը Ռուսաստանում» հանրահայտ գիրքը, այնուամենայնիվ, իրականության իսկական պատկերն արտացոլող առանձին փաստեր, թեկուզ և 10 տարին մի անգամ, դուրս են գալիս առանձին իրազեկ մարդկանց լեզվի տակից և դառնում ժողովրդի սեփականությունը: Եվ ահա, պարզվում է, որ 1974 թվին սովետական յուրաքանչյուր քաղաքացու ընկել է 40 կգ միս, Ադրբեջանի յուրաքանչյուր քաղաքացու՝ 38 կգ, իսկ դարաբաղի քաղաքացուն՝ ընդամենը 4 կգ: (Այս կարգի վիճակագրական տվյալներ դուրս բերելու համար չէ՞, արդյոք, որ ԼՂԻՄ վիճվարչության պետ Ջաքարյանի պատրաստած ժողովածուն արգելվեց, իսկ հեղինակն էլ հեռացվեց աշխատանքից որպես նացիոնալիստ):

Այս է իրական ճշմարտությունը, ինչքան էլ պանթուրքիզմի անփառունակ կառքին լծված կեորկոմները փորձեն խեղաթյուրել իրականությունը և Ղարաբաղի անմխիթար վիճակը ներկայացնեն որպես «լենինյան ազգային իմաստուն քաղաքականության» կենսագործման օրինակ: Կեորկոմյան տրամաբանությունից հետևում է, որ երախտամոռ դարաբաղիցիները, վարակված նացիոնալիզմի թույնով, չեն ուզում զնահատել Ադրբեջանի կառավարության հայրական հոգատարությունը իրենց նկատմամբ, ամեն կերպ խաթարում են ժողովուրդների լենինյան բարեկամությունը, իսկ մարգային կուսակցական կազմակերպությանը այլ անելիք չի մնում, բացի «նացիոնալիստական նախապաշարունակների դրսևորումների» դեմ պայքարելուց: Այդպիսի դրսևորումներից մեկն էլ 1967 թվականի հուլիսին դատական պրոցեսի ժամանակ Ստեփանակերտ քաղաքում կատարված հանցագործությունն է, որի «աստառը ե-

ղել է ազգային զգացմունքների խեղաթյուրված դրսևորումը»:

Իսկ ո՞րն է իսկությունը, ի՞նչ էր պատահել:

1966 թվականի սեպտեմբերին Ղարաբաղի № 2 խաղողագործական սովխոզի դպրոցի դիրեկտորի անմիջական ղեկավարությամբ գազանաբար հռչուտվել է իննամյա մի հայ աշակերտ (սպանվելուց առաջ երկխային բռնաբարել են, հանել աչքերը, կտրատել մարմնի տարբեր մասեր, գլխատել, սեռական օրգանն էլ կտրել են, դրել բերանում): Դա գուտ թուրքամեթոդ ոճրագործություն էր, սաղիզմի մի նողկալի դրսևորում, որն իր կոչման բարձրության վրա գտնվող պետության դատարանը պետք է դատեր օրենքի անբողջ խստությամբ, որպես կրկնակի, եռակի հանցագործություն: Եվ ի՞նչ: Դատարանը փրկում է գլխավոր հանցագործին: Ավելին: Այդ բազմակի հանցագործի կինը դատարանի դաիլիճով մեկ բղավում է:

- Մի՛ վախենա, ոսկով ազատել եմ քեզ գնդակահարությունից, նույն ոսկով էլ ազատելու եմ բանտից:

Ի դեպ, պետք է նկատել, որ այդ անլուր ոճրագործությունը, ինչպես նաև դրան հաջորդած գիշերաւար կատարող տրակտորիստների և մի շարք այլ անմեղ մարդկանց սպանությունները, որ այնպես էլ հետաքննության չենթարկվեցին, պատասխանն էր այն իրողության, որ նույն թվականի օգոստոսին Ղարաբաղի աշխատավորությունը 52 հազար ստորագրությամբ մի հերթական անգամ համախոսական էր ներկայացրել Մոսկվա՝ ադրբեջանական լծից իր ազատագրման պահանջով:

Տուժող կողմը շուրջ մի տարի համբերատար սպասել է սովետական արդարադատության վճռին, իսկ այն բարձրագույն չինովնիկների կեղտոտ ձեռքերով դարձել է ավազակային արդարադատություն, որը և դրդել է ժողովրդին դիմելու ինքնադատաստանի: Դա ժողովրդի արժանի ապտակն էր իշխանությամբ օժտված այն սրիկաների երեսին, որոնք, լենինյան ֆրազաբանությամբ պճնազարդված, անց են կացնում ամենանողկալի նացիոնալիստական, ռասսայական քաղաքականություն մի բուժ ժողովրդի նկատմամբ:

Չբավարարվելով դատական կոմեդիայով՝ Ադրբեջանի կառավարությունը դիմում է հաջորդ քայլին. Մինիստրների խորհրդի նախագահը, վերցրած մի խումբ մոլլաների, կազմակերպում է հանցագործների հանդիսավոր, կառավարական թաղումը, երկի, ցեղասպանության ուշացած փաստաբան Կեորկոմի տրամաբանությամբ, այնտեղ, թաղման արարողության ժամանակ, «լենինյան ինտերնացիոնալիզմի» դասեր

տա ժողովրդին: Ել չենք խոսում այն բազմաթիվ անմեղ զոհերի մասին, սկսած միլիցիայի աշխատողներից մինչև այլևայլ գործերով բանտարկված մարդիկ, որոնք զոհվեցին այդ դատական կոմեդիայի պատճառով: Ուրիշ ի՞նչ պետք է սպասել մի կառավարությունից, որը նույնիսկ քրեական հանցագործներին դատելու ժամանակ անկողմնակալ լինելու քաջություն չունի:

Եվ այսպես, կյանքի բոլոր բնագավառներում, տնտեսականից մինչև քաղաքական ու մշակութային, մեր հասարակության զարգացման բոլոր ետապներում, շարունակվում է խտրականության ու ճնշման այդ քաղաքականությունը առանց որևէ փոփոխության:

Ղարաբաղի նկատմամբ Ադրբեջանի քաղաքականության ամենատխուր հետևանքն այն է, որ բնակչությունը ստիպված լքում է իր դարավոր օջախը՝ միջինասիական անապատները գերադասելով ալպիական բնություն ունեցող իր հայրենիքից: 1926-70 թվականների ընթացքում ադրբեջանցիները համարյա երեք անգամ ավելացել են, իսկ Ղարաբաղի հայությունը ոչ միայն աճ չի տալիս, այլև գնալով պակասում է: Ադրբեջանցիները 1 միլիոն 428 հազարից դարձել են 3 միլիոն 777 հազար, իսկ Ղարաբաղի հայերը 111 հազարից դարձել են ընդամենը 121 հազար:

Եթե նույնիսկ մի կողմ դնենք մյուս բոլոր հանգամանքներն ու փաստերը, միայն այս փաստը բավական է համոզելու համար, որ Ղարաբաղի հարցը սխալ է լուծվել և սխալ է այդ լուծումը կապել լեռնիյան ազգային քաղաքականության իրականացման հետ, հռչակել որպես կուսակցության վերջին խոսք: Միայն այս փաստը բավական է համոզելու համար, որ հարցի ներկա լուծումը հակաժողովրդական, գաղութատիրական բովանդակություն ունի, և պետք է հրաժարվել նրանից: Հարցի միակ ճիշտ, իսկական լեռնիյան լուծումը այն է, ու Ղարաբաղը միացվի իր մայր հայրենիքին՝ Հայաստանին:

1975 թ., ապրիլ

ԻՍԿԱՊԵՍ, ԻՆՉՔԱՆ ԿԱՐՈՂ ԵՆՔ ՎՆԱՍԵԼ ԺՈՂՈՎՐԴԻՆ* (Պատասխան պարոն Հախվերդյանին)

Ամենայն համբերությամբ կարդացի Ձեր հոդվածը: Քանի որ Դուք մտավորականության մի որոշակի խավի տրամադրությունն եք արտահայտում, մտավորականություն, որ տասնամյակներ շարունակ գրական-գիտական կյանքի առաջնորդի կեցվածքում է եղել, պատասխանն էլ այդ կտրվածքով կլինի՝ առանց խաթարելու Ձեր անձի նկատմամբ ունեցած հարգանքս:

Առաջինը վաղուց տանջող այն մտահոգությունն էր, թե, իրոք, դուք՝ մտավոր կյանքի «առաջնորդները», ինչքա՞ն կարող եք վնասել այս ժողովրդին: Տեսնո՞ւմ եք, չեմ համարձակվում ժողովուրդ բառին որոշիչ ավելացնել: Թե ասեմ՝ «այս ընթոստ ու համառ ժողովրդին», երեսպաշտ ձևով ինձ էլ եք մեղադրելու ազգամոլության ու ազգային սնապարծության մեջ: Թե ասեմ՝ «այս տանջված ու տառապած ժողովրդին»՝ ողբասացությամբ ազգը փոշիացնող եք դարձնելու ինձ: Վերջապես ի՞նչ է Ձեր ուղածը, որ տասնամյակներ շարունակ ներքին ճակատ եք կազմել առանց այն էլ արտաքին թրքության ստեղծած դժոխային պայմաններում տապակվող այս ժողովրդի դեմ:

Այդ Դուք գիտնականներդ չե՞ք, որ Կաղանկատվացուն դարձրել եք պատմության մեջ գոյություն չունեցող աղվան (ալբան) ժողովրդի պատմիչը: Իսկ երբ այսօր ձեր գործը շարունակում են բունիաթավները, փարիսեցիական աղմուկ եք բարձրացնում պատմության կեղծարարության դեմ:

Այդ դուք՝ գիտնականներդ չե՞ք, որ «ինտերնացիոնալ» ստրկահատությամբ գրել եք, թե Ղարաբաղի ու Չանգեզուրի ազատագրական պայքարի ժամանակ եղբայր ադրբեջանցիները մեզ հետ կռվում էին պարսկա-թուրքական նվաճողների դեմ: Դրանից հետո ի՞նչ մեծ բան է, որ ազերթուրք պատմաբանն էլ զարգացնի ձեր ասածը և գրի, թե Դավիթ-Քեկի գորքերի կազմում ադրբեջանցիներից բացի եղել են նաև հայեր:

Այդ դուք՝ գիտնականներդ չե՞ք, որ ուղնատակ տալով բարոյական ամեն մի սահման, գրել եք, թե դաշնակցականներն ու մուսավաթականները Շամխորի մոտ կոտորել են հայրենիք վերադարձող ռուս զինվորներին: Այն դեպքում, որ այնտեղ ոչ մի հայ չի եղել: Այդ դուք՝ գիտնականներդ չե՞ք, որ տասնամյակներ շարունակ Արուսյանին ներկայաց-

* Առաջին անգամ տպագրվել է «Հայ գրող» շաբաթաթերթում, 1991 թ., 15 մայիսի:

Ուժը եք ծուռ հայելու մեջ և հասել եք նրան, որ այսօր տգետ մարդիկ ձեռք են բարձրացնում նաև նրա հուշարձանի վրա: Չեր անձնական մասնակցությունը չկա՞ այնտեղ, քանի որ դուք եք հայտարարում. «Էլ ինչ Արոյան, որ ցարի ջատագովը չլինի»: Այդ չէ՞ ձեր վաստակը:

Դուք, որ աչ ու ծախս ցիտատներ հավաքագրելով գիտություն եք շինում, որ կանգ չեք առնում նույնիսկ գերեզմանի ճանապարհից ետ բերած ու գահին բազմեցրած Չեռնեկոյին վկայակոչելուց ձեր ելույթներում, գիտե՞ք, արդյոք, որ Արոյանը իր վեպում 18 անգամ անդրադարձել է հայ-ռուսական հարաբերություններին, որից երկու անգամ է ցարի անունը հիշատակում, այն էլ հավուր պատշաճի, իսկ մյուս բոլոր դեպքերում Ռուսաստանն է, ռուս ժողովուրդը, ռուսաց ոգին:

Այդ դուք՝ գիտնականերդ չե՞ք, որ դարաբաղյան շարժման ամենա բուռն ու հուզական վերելքի օրերին գրական մամուլը տրամադրեցիք մի ելույթի, որտեղ 1892 թ. խոլերայից մահացած Մամադ Շաֆի բեկը 1932 թ., այսինքն՝ իր մեռնելուց 40 տարի հետո, մի երիտասարդ չեկիստի պատմում էր, թե ինչպես են սպանել Արոյանին և որտեղ թաղել: Վախենալով, թե «Գրական թերթը» քիչ ընթերցողներ կունենա, իրար ետևից երկու անգամ էլ հեռուստատեսության եք տրամադրում այդ թուրքաբարո կեղծիքին: Իսկ հայոց մամուլն էլ, այն ժամանակ միայն պաշտոնական և ձեր կալվածատիրական միախեղած սեփականություն, իր դռները ամուր փակեց նպատասխանի առաջ:

Այսօր էլ Չեր արշավանքը հայ ժողովրդի քառասուն մեղքերի դեմ: Այդ ի՞նչ հակառուսական կողմնորոշում է, որտե՞ղ է դրսևորվել, ի՞նչ ձևերով, ո՞վ է որևէ ռուսի չոռ ասել, ո՞վ է որևէ ռուս զինվորի կողքով անցել:

Դուք չեք կարող որևէ մեկին համոզել, որ ամբողջատիրական վարչակարգի դեմ սկսված պայքարն արդեն իսկ այդ պայքարի առաջնորդը դառնալուն ձգտող ռուս ժողովրդի դեմ է ուղղված: Այսօր մեծից փոքր գիտեն, որ Պետրոս Առաջինից սկսած կայսերապետական վարչակարգի հետևողական ձգտումը համաշխարհային տիրապետության հասնելու համար, որը լենինյան «նոր» գաղափարների դրոշի տակ ընդունեց ծայրահեղ չափեր՝ ընդգրկելով բոլոր աշխարհամասերը, ամենից շատ հարվածել է ռուս ժողովրդին: Որ այդ բազմաչարչար ու ոտնատակ տրված ժողովրդի գավակները մարդկային ցուցակի մեջ էին մտնում միայն պատերազմների ժամանակ: Որ ռուսական ստրկատիրությունը ամենից նողկալին էր թեկուզ այն պատճառով, որ մարմնականից ավելի արմատակալած էր հոգևոր ստրկությունը:

Սկսած Ռադիչևսկից մինչև Սախարով ու Ելցին, Ռուսաստանի լավա-

գույն գավակները գերմարդկային ճիգեր են թափում ռուս ժողովրդին վեր բարձրացնելու, նրա հոգու մեջ ազատության ու մարդկային արժանապատվության զգացմունք արմատավորելու համար, բայց ամեն անգամ էլ հաղթող են դուրս գալիս «բատյուշկա» ցարն ու «իմաստուն» առաջնորդը: Այսօր շարժվել սկսած ռուս ժողովուրդը կհասնի՞ իր համար բաղձալի ազատության, թե՞ նորից կընկնի «առաջնորդների» ծուղակը: Այսօր սա՛ է հրապարակի ամենակարևոր հարցը:

Որ կայսերապետական վարչակարգից ամենաշատ տուժողը ռուս ժողովուրդն է, այդ քաջ գիտեին նաև հպատակ ժողովուրդների առաջավոր գավակները և պատմության բոլոր անցումային ժամանակներում իրենց ժողովրդի փրկության ելքը կապում էին Ռուսաստանի առաջավոր, ինդուստրիական-ազատագրական պայքարի ուղին բռնած ուժերի հետ՝ գտնելով, որ ազատագրված Ռուսաստանը իր ձեռք բերած ազատությունից բաժին կհանի նաև ենթակա ժողովուրդներին: Այսօր էլ միության բոլոր ժողովուրդները ոտքի են կանգնել նույն ակնկալություններ:

Հայ իրականության մեջ Արոյանն էր առաջինը, որ իր ամբողջ խորությամբ ըմբռնեց այս ճշմարտությունը: Անդրկովկասի նվաճումից հազիվ մեկ տասնամյակ անց նա տեսավ «ազատարար» ցարի բերած «բարիքները» և Չեռնիշևսկու կացնի կոչից քսան տարի առաջ դրեց գաղութարարների դեմ «մուշտու ու քացու» արդարադատության անհրաժեշտության պահանջը: Նա էր, որ իր դարակազմիկ վեպի վերնագրից մինչև վերջին պարբերությունը խիզախորեն մարտնչում էր ցարիզմի գաղութային քաղաքականության դեմ՝ կանգնելով դեկաբրիստական շարժմամբ ազատագրական պայքարի ուղին բռնած Ռուսաստանի դիրքերում, մարտահրավեր նետելով ցարիզմին:

Արոյանի գործը շարունակեցին հետագա սերունդները՝ ամեն անգամ կանգնելով ազատագրվել փորձող Ռուսաստանի կողմը: Նայեցեք վերջին 150 տարվա պատմությանը, մատնացույց արեք մի դեպք, որ խախտած լինի այս օրինաչափությունը: Դեկաբրիստներ ու Պուլչկին-Արոյան, Չեռնիշևսկի-Նալբանդյան, Նարոդնիկներ՝ նույնը, սոցիալ-դեմոկրատներ՝ նույնը, էսեռներ՝ նույնը, բոլշևիկներ՝ նույնը, կայսերապետությունը մերժող Ռուսաստան, նույն ճանապարհին կանգնած Հայաստան: Մատնացույց արեք հակառակը: Չեք գտնի: Նույնիսկ հասարակական այն խավերը, որոնք շահերի բերումով պետք է որոնեին ցարիզմի կամ ամբողջատիրության հովանավորությունը, իրենց գտել են նրանց հակառակորդների բանակում: Այսօր էլ անհիմն է այն մտավախությունը, թե Հայաստանի կոմկուսը կարող է դառնալ գորբաչովյան վարչակարգի կամակատարը: Այդպիսի բան չի լինի:

Սկսած հնդկահայ գաղափարախոսներից՝ հայ ժողովուրդը կողմնորոշվել է դեպի Ռուսաստան, որդեգրել Ռուսաստանի հետ, բայց ոչ նրա ստրուկը, Ռուսաստանի հետ, բայց հավասարի ու բարեկամի իրավունքով քաղաքականությունը, որի տրամաբանական ավարտն անկախության գործընթացի սկիզբն ազդարարող Հռչակագիրն է: Այնպես որ, մեր Հռչակագրի առաջին քարերը դրել են Օրին և Էմինը, Արոյանն ու Նալբանդյանը: Այդ դուք եք, որ ամբողջատիրական վարչակարգի պահանջներին համապատասխան ստրկահաճ տեսություններ եք հորինել պատմական ճշմարտությունը արժեքավորելու փոխարեն, ժողովրդին կտրել իր արմատներից՝ նոր սերնդի ուսերին գցելով ձեր քանդածոր վերականգնելու ծանր գործը:

Հակառուսական տրամադրությունների սպացույց-խրտվիլակ եք դարձրել «Երրորդ ուժի բացառման օրենքը», այն ներկայացնում եք ծայրահեղ մեկնաբանությամբ: Իսկ ո՞վ է ասել, թե այդ օրենքը փակում է երրորդ, չորրորդ, հինգերորդ ուժերից օգտվելու ճանապարհը: Դա ընդամենը մշանակում է, որ ամեն մի ժողովուրդ իր սանձերը չպետք է տա մի երրորդ ուժի ձեռք և ոչխարային համակերպությամբ սպասի, թե ինչպես պետք է նա տնօրինի իր ճակատագիրը: Դա նշանակում է, որ ամեն մի ժողովուրդ առաջին հերթին ինքը պիտի տեսնի իր գլխի ճարը, իր հույսը առաջին հերթին իր վրա դնի՝ հնարավոր դեպքում օգտվելով նաև այլ ուժերից:

Եթե մենք ազգովի այդ գաղափարին լինեինք, այսօր այս փիճակում չէինք լինի: Եթե մեր «իմաստուն ու հեռատես ջոջ աղաները» չխանգարեին ժողովրդին, Սուևգայիթից անմիջապես հետո դարաբաղցին իր հարցը կլուծեր թեկուզև այնքանով, որ Ղարաբաղը կմաքրեր եկվոր տարրերից: Եթե Լաչինի ճանապարհի փակման առաջին փորձը հակահարվածով խափանվեր, այսքան տևական ու անմարդկային շրջափակում չէին մտցնի: Եթե երկրաշարժի առիթով աշխարհի տված ողորմության առաջին թալանի ժամանակ Նորաշենը արժանի պատասխանի հանդիպեր, այդ թալանը համապետական քաղաքականության մակարդակի չէր բարձրանա: Այդպիսին է երրորդ ուժի բացառման օրենքը: Իսկ մենք ինչ ենք արել և ինչ ենք անում: Ամեն անգամ մեզ կոտորել տվողների հասցեով հեռագրեր, բողոքներ ու խնդրագրեր ենք ուղարկում, թե դուք այս եք, այն եք, իսկ բարոյական հաղթանակը մեր կողմն է: Բարոյականությունն են թողել, որ բարոյական հաղթանակի պոչից ենք բռնել: Այսօր էլ դեռ այդ մտայնությունից չենք ազատագրվել, լրջորեն չենք գործում մեր գլխի ճարը տեսնելու համար, չնայած ամպերը գնալով գերխտանում են:

«Փոքր ածու, զորությամբ տկար», բայց խտտոր ու անհնազանդ

հայ ժողովուրդն իր հազարամյակների մաքառումների ճանապարհին միշտ էլ հարկադրված է եղել բախվել իրենից տասնապատիկ, հարյուրապատիկ հզոր ուժերին: Եվ դիմադրել ու դիմացել է՝ իր բազմաթիվ պարտություններով ու սակավ հաղթանակներով: Դիմադրել ու դիմացել է՝ իր լույսն ու ջերմությունը տալով աշխարհին:

«Էս ա հսկայություն, սրտապնդություն, մեծահոգություն, քաջություն, կամաց հաստատություն, հոգու կարողություն ու զորություն, որ աշխարհիս վրա ջրիեղեղիցը դեսը՝ մեկ ազգ էլա մինչև էսօր՝ չի կարաց ու չի էլ կարող ցույց տալ: Սար ըլեր՝ փուկ կգար, երկաթ ըլեր՝ կհալչեր, կմաշվեր, ծով ըլեր՝ կպակասեր, կցամաքեր. բայց Աստվածասեր Հայ ազգը՝ մինչև էսօր գերօրինակ հսկայությամբ տարավ բոլորը ու իր անունը պահեց»: (Ինչպե՞ս է, որ Ձեր ցիտատների անտառում տեղ չի գտել այս եզակի «ազգային սնապարծությունը»: Զգուշացա՞ք Արոյանի անունից):

Այսպիսի ջերմ ու հուսադրող խոսքերով են զորացրել ժողովրդին նրա լավագույն զավակները պատմության բոլոր ճգնաժամային պահերին: Իսկ դուք կանգնել եք այսքան ցավ ու ավերի մեջ ընկած, այսքան զսպանակված անորոշության մատնված ժողովրդի գլխին ու եղերամայրերի դեր ստանձնել: Ո՛չ, ժողովուրդը իր հավաքական բնագոյով հասկացել է, «թե այնտեղ է լոկ սխրանքն սկսվում, Ուր վերջանում է ամեն մի հնար»...

Ազատության շոշափելիորեն մոտիկությունը և այն ձեռք բերել չկարողանալու անզորությունը մեզ շատ է մղել ինքնակեղեքման, մշակել բոլոր մեղքերը մեզ վրա վերցնելու նարեկացիական հոգեբանություն: Կարողացեք մեր հեղափոխական կուսակցությունների 1921 թ. այս կողմ գրած հրապարակումները, այդ ծով ինքնակեղեքման գրականությունը: Բայց մի կողմ կանգնենք ու հարց տանք. ի՞նչ կարող էր անել հայկական Հանրապետության ղեկավարությունը արաբալոքյան գնդանի և լենինյան կրանի արանքում, որ չարեց իր գոյությունը պահպանելու համար: Ամեն ինչ արեց, բայց ոչինչ չստացվեց: Համաշխարհային շարժման անիվն այս անգամ էլ կայսեր ծիու պոչի տակ մի ճանճ մտցրեց...

Ինքնակեղեքման նույն ոգին է դրսևորվել նաև Սոս Սարգսյանի մտորումներում: Բայց մենք Վոլսկու կառավարում էինք ստեղծել, որ հետո էլ այն պաշտպանենք: Չէ՞ որ Վոլսկու կառավարումը կայսերապետական վարչակարգի քաղաքականության հերթական դրսևորումներից մեկն էր, որից մենք օգտվել չէինք կարող, չէին թողնի: Այդ կառավարմամբ նրանք ստուգեցին մեր ախորժակը և դեմ տվին Պոլյանիչկոյին՝ զորացված սաֆոնովյան բանդիտիզմով: Իսկ դուք մանկական հրճվան-

քով հայտարարում եք. թե «մի շատ լրջախոս մարդ»՝ Սիդորովը, ընդարձակել է Ղարաբաղում կատարվելիք միջոցառումների ձևեր ծրագիրը: Իսկ ինչո՞ւ չթողեցին, որ իրականանա: Որովհետև Կրեմլի համար Սուվգայիթն առաջին հարվածն էր, նա ծրագրած ուներ Բաքուն ու Ադրբեյջանի ողջ տարածքի հայաթափումը («Իսկ ի՞նչ եք մտածում Բաքվի 230 հազար հայերի մասին»): Այսօր էլ օրակարգային են դարձել Արցախը: Վկան՝ Սուվգայիթի նախորդ օրը արեգիդենտի հղած նամակի երկրորդ հրատարակությունը Օզալին բավարարություն տալու համար: Միայն այս մասին պիտի մտածենք, ազգովի նախապատրաստվենք մի նոր Սարդարապատի, հնարները սպառած մի նոր սխրանքի:

Վոլսկու կառավարում տապալենցի նք: Չէ մի՛ պոզեր: Ուրիշ ի՞նչ արեցինք մատ ծծող քաղաքագետներս:

Կրեմլը տեսնելով, որ ժողովուրդը չի հավատում իր հերթական խաբելությանը և լուրջ պահանջներ է առաջ քաշում, 1987 թ.-ից անցավ կայսրությունը արյան բաղնիքներով փրկելու քաղաքականությանը: Ամենաշատ չոր վառողը հայ-ադրբեյջանական հարաբերությունների արանքում էր կուտակված, և պայթեցրին այն՝ մեթոդիկ հետևողականությամբ տարածելով կայսրության բոլոր հնարավոր և իրենց համար կարևոր անկյուններում: Ազգամիջյան առճակատման սերմերը ցանցեցին Հայաստանի գերբը Բաքվում փոխելով, Չարդախլուի դեպքերով, մինչև հասցրին դարաբաղցիներին ոտքի կանգնեցնելը: Վերջին երեք տարիներին տարբեր տեղեր կատարված ու կատարվող արյունահեղությունների ու դեռևս անարյուն առճակատումների միակ հեղինակն ու կազմակերպիչը Կրեմլն է:

Ինչո՞ւ Կրեմլն անտարբեր ականատես եղավ նաև ռուսների կոտորածին Բաքվում: Ինչո՞ւ անջատվել ցանկացող հանրապետություններին դեմ են անում «Իսկ ի՞նչ պետք է լինի ձեր մեջ ապրող ռուսների ճակատագիրը» պրովոկացիոն հարցը: Դարձյալ հետապնդվում է նույն նպատակը. բորբոքել վիլիկոռուսական շովինիզմը, ռուսներին և մյուս ժողովուրդների լարել իրար դեմ, ռուսների ձեռքով ծնկի բերել մյուս ժողովուրդներին: Վերջին հաշվով, առանց ռուսների նրանք հենարան չունեն:

Բարեբախտաբար դա հասկանում են բոլորը: Վկան Լիտվան է, ուր երեք տարի է չեն կարողանում ստեղծել Սուվգայիթ կամ Բաքու և ստիպված դիմում են բացահայտ լկտի միջոցառումների: Բոլորը, այդ թվում և ռուսները, հասկանում են, որ ապագա ինքնուրույն պետությունների կազմում ռուսները ապրելու են այնպես, ինչպես այսօր իրենց ազգա-

կիցները ապրում են Անգլիայում, Ֆրանսիայում, Ամերիկայում և այլուր: Ի՞նչուրը, այդ թվում նաև ռուսները, դուրս են եկել կայսերապետության դեմ: Արդեն ռուսներն են իրենց ձեռքը վերցնում ազատագրական պայքարի դեկը, և «ռուսիո ազատությունը համայան մարդկության համար մեծ խորհուրդ ունի» նախանդամական ակնկալիքը այսօր էլ արդիական է ու սպասելի: Արդեն շարժմանը մասնակից որևէ ժողովրդի մեղադրել հակառուսական տրամադրությունների մեջ, առնվազն զրպարտություն է: Իսկ հայ ժողովրդի հարցում՝ գերզրպարտություն:

Ձեր ելույթը միզուցե տպավորություն գործեր 1988 թ.-ից առաջ, բայց այսօր, երբ ողջ Միության ժողովուրդներն են ոտքի կանգնել, և ռուսներն էլ են գլխի ընկել իրենց գաղութ լինելը և տարբեր ձևերով պահանջում է նույնը ազատություն, դուք, կամա թե ակամա, ջուր եք լցնում ոչ թե առաջադեմ, այլև սևհարյուրակային Ռուսաստանի ջրաղացին:

Վերջապես վեր բարձրացրած մի հարցի մասին ևս: «Մեր մտավորականության մակարդակի մասի՞ն եք ուզում գաղափար կազմել՝ «Հայ գրող» թերթը կարդացե՞ք կեղտոտ սպիտակեղենի վրա: Մեջտեղը կշիռ ունեցող գրականություն չկա, բայց փոխարենը կա գրողների երկու միություն՝ հարյուրավոր անդամներով, պատրաստ միմյանց բզկտելու»:

Այդ վիճակը դուք չե՞ք ստեղծել՝ ամբողջատիրական վարչակարգի ուժով ֆեոդալական սեփականություն դարձնելով մամուլի ու հրատարակչությունների բոլոր օրգանները՝ բացառելով «այլախոհների» բանասիրական ճշգրտումների հրապարակումն անգամ: Ինչո՞ւ կոմունիստի տոմսով հայրենադարձված Լևոն Խաչերյանը ստիպված նորից վերադարձավ «մեռնող կապիտալիզմի» երկիրը: Որովհետև հանդգնել էր «Դատաստանագիրք հայոց» միջնադարյան մշակութային կոթողի հրատարակության մեջ տեքստաբանական սխալներ մատնանշել և արժանացել այնպիսի անմարդկային մեկուսացման, որ հավաքարարներն անգամ վախենում էին բարևել նրան:

Երանի թե «Հայ գրողի» շուրջը հավաքվեին այնպիսի առողջ ուժեր, որ կարողանային մաքրել մեր մտավոր կյանքում արմատակալած բարքերի ավգյան ախոռները՝ նպաստելու համար գրականության ու գիտության բնականոն զարգացմանը:

Պարոն Հախվերդյան, համաձայնեք, որ մտավոր կյանքի այս վիճակի համար թերևս ամենաթիչ մեղավորներից մեկը Դուք եք, բայց դա բնավ էլ չի մեղմացնում Ձեր պատասխանատվությունը՝ որպես մտավորականության այդ խավի տրամադրությունների արտահայտիչ:

«ԱՆԿԱՆԱՏԵՍՆԵԼԻՒ» ԿԱՆԻԱՏԵՍՆՎԱԾ ԻՐԱԿԱՆՈՒԹՅՈՒՆԸ

Ղարաբաղցիների 70-ամյա ազատագրական պայքարը 88-ին վերաճեց համազգային պայքարի՝ ընդգրկելով ողջ հայությանը: Դժբախտաբար, ինչպես 65-ին, այնպես էլ 88-ին հայերին ընդառաջելու նարոսիկ տպավորությամբ շարժումը լիցքավորում էր Կրեմլը՝ նրա արդյունքները ծառայեցնելով իր նպատակներին: 1965 թ.-ին Ղարաբաղցիների յուրահատուկ հանրաքվեն՝ 52 հազար ստորագրությունները երևեց հասցեով (Մոսկվա, Երևան, Բաքու) Կրեմլին անհրաժեշտ էր հայերի ազգային շահերը երիցս վաճառելու գնով հերթականորեն սիրաշահել Թուրքիային: Այդ ստորագրությունները 14 մլրդ. օգնության և այլ զիջումների հետ միասին Կոսիգինը դրեց Աթաթաթուրքի դամբարանին՝ հայտարարելով, որ ՍՍՀՄ-ը Թուրքիայից տերիտորիալ պահանջներ չունի: 1988 թ. Ղարաբաղն էր կայսրության այն ամենալիցքավորված օջախը, ուր կուտակված հարյուրամյա չոր վառողի պայթեցումով, ազգամիջյան թշնամանք ու արյունահեղություն կազմակերպելով պետք է սկսվեր կայսրության լուծարումը: Չպետք է մոռանալ, որ Սումգայիթը կազմակերպեցին Լուկյանովն ու Գոլիգիխը Յայաստանից, Դեմիչևը, Ռագուժովսկին, Կատուսևը, Ադրբեջանի դեկավարության գլուխ անցած, Ադրբեջանից: Եվ լուծարվեց կայսրությունը՝ իր այսօր էլ դեռ անկանխատեսելի ու չերևացող հետևանքներով: Երկու դեպքում էլ ժամանակին չկարողացանք հասկանալ կրեմլյան խարդավանքները և արդարության հաղթանակի նկատմամբ միամիտ հավատով ներքաշվեցինք արյունոտ կոնֆլիկտի մեջ:

Այսպես թե այնպես, շարժմանը մենք նախապատրաստվում էինք, շարժումը մենք սկսեցինք, սկսեցինք՝ ակնարկված «կարմիր հույսերով» խանդավառված, հաղթանակի վճռականությամբ: Շարժման ակունքներում կանգնած էին մարդիկ, որոնք տասնամյակներ շարունակ ուսումնասիրել էին Ղարաբաղյան հիմնահարցը, տասնամյակներ շարունակ պայքարել էին պատմական անարդարության վերացման համար և վաստակել մասնագետի համարում: Շարժման հենց սկզբից նրանց կողքը կանգնեցին բռնապետության նկատմամբ ընդդիմադիր, ազգային շահերով մտահոգ բոլոր ուժերը՝ ժողովրդական հուժկու շարժումը նպատակամղված հունի մեջ պահելու առաջադրանքով:

Երբ ազատագրական շարժումը ընդունեց համազգային բնույթ, և հրապարակ դուրս եկան միլիոնավոր մարդիկ, Կրեմլը ամփոփեց ձեռ-

նածուխ եղավ վտանգավոր մարդկանցից ազատվելու գործին: Տարիներ շարունակ մեն-մենակ բռնատիրության դեմ պայքարող Սուրեն Այվազյանին ինչ-ինչ մեղադրանքով նետեց բանտ, և այսօր էլ նրա ծայնը չի լսվում որևէ տեղ: Պառույր Յայրիկյանին, որին 88-ի գարնանը ժողովուրդն անգամ չէր ընդունում, թույլ չէր տալիս ելույթ ունենալ հանրառավաքներում՝ չցանկանալով որևէ այլ բան լսել Ղարաբաղյան հիմնահարցից դուրս, Կրեմլը գրկեց քաղաքացիությունից և վտարեց Երկրից: Բռնապետության կամակատարի դեր չստանձնող Սուրեն Յարությունյանին Կրեմլը հարկադրեց հրաժարվել քաղաքական կյանքից և պատվավոր աքսոր ուղարկեց արտասահման: (Ժամանակին նույն ձևով Նիկոլայ Առաջինը Ներսես Աշտարակեցուն է աքսորել Բեսարաբիա, այն տարբերությամբ, որ աքսորելուց մի ամիս առաջ ցարը Աշտարակեցուն արժանացրել էր կայսրության ամենաբարձր պարգևին):

Եվ ահա, համազգային շարժման հուժկու վերելքի պայմաններում, երբ մի բուռ չինովնիկներից բացի ամբողջ ժողովուրդը միասնական կամք էր դարձել, նույնիսկ գողերն էին դարձել գործադուլավորներ, հանկարծ երկնքից օպերայի հրապարակ ընկավ մեկ տասնյակի հասնող մարդկանց ցեմենտված մի բռունցք: Չնայած այդ մարդիկ իրենց մեծ մասով մինչև 88-ի գարունը միմյանց գոյության մասին չէին կարող իմանալ, ասե՛ք Ա. Սանուչարյանը կամ Վ. Սիրադեղյանը չէին կարող իմանալ, որ գոյություն ունի ևս. Ստամբուլյան և հակառակը, բայց օպերայի հրապարակ ընկան այնպիսի սերտ միակամությամբ, հայ ժողովրդի ողջ պատմության մեջ աննախադեպ տեսակետների այնպիսի նույնությամբ, որ լազերային ճառագայթով անգամ իրարից կտրել չէր լինի: Այդ պարոնները միահեծան տեր դարձան հրապարակի միկրոֆոնին, իրենցից բացի ելույթի հնարավորություն էին տալիս միայն նրանց, որոնց ելույթը նախօրոք գրաքննել էին (մի արատավոր պրակտիկա, որ այսօր էլ ժառանգել է «Ազգային դաշինքը»), և սկսեցին գերհեղափոխական կարգախոսներին, 70 տարի ժողովրդի հոգու վրա ծանրացած սոցիալ-քաղաքական ու ազգային չլուծված հարցերի սրմանը զուգահեռ և դրանից ավելի՝ գրպարտչական հզոր արշավանք ծավալել բոլոր ուղղություններով՝ սկսած Գորբաչովի անկողնուց մինչև հայոց կաթողիկոսն ու սկադեմիայի պրեզիդենտը, մինչև տասնամյակների ազգամեր գործունեությամբ ժողովրդի սերն ու հարգանքը վաստակած մտավորականները: Իրենց կեղտոտ գրպարտություններով նրանք ազգի դավաճան ներկայացրին Սիլվա Կապուտիկյանին, այն խիզախ մարտիկին,

որն Իսահակյանից հետո առաջինը խիզախեց քայլել Ղարաբաղն ու Յայաստանը իրարից անջատած պատնեշի վրայով որպես հայոց բանաստեղծ, որը տասնամյակներ շարունակ կռիվ էր տալիս կոմունիստական մոսֆիդոլոգիային դեմ՝ ենթարկվելով ամեն կարգի հալածանքների: Մատնացույց արեք ազգի ճակատագրով մտահոգ որևէ գործչի, Չորի Բալայանից մինչև Յրաչիկ Սիմոնյան, որոնք դարձած չէին այդ պարոնների գրպարտությունների թիրախ: Էլ չենք խոսում ՊԱԿ-ի գործակալ հռչակվածների մասին՝ Իգոր Մուրադյանից մինչև Յրայր Մարուխյան:

Այդ ինչպե՞ս էր, որ Այվազյանը, Յայրիկյանը շարժման հենց սկզբից մեկուսացվեցին, իսկ Գորբաչովի անկողինն ու կնոջ ներքնաշորերը արևի դեմ փռող «Ղարաբաղ» կոմիտեն մնաց անծեռնմխելի այն դեպքում, երբ 1988-ին իշխող տրամաբանությամբ նրանք պետք է քրեական պատժի արժանանային որպես գրպարտիչներ: Չէ՞ որ այն ժամանակ ՊԱԿ-ը ճշմարիտ քաղաքականներին առանց որևէ փաստի էր խցկում քրեականների շարքերը: Օրեցօր կուտակվող փաստերն ու ծավալվող իրադարձությունները հաստատում են, որ «Ղարաբաղ» կոմիտեի անդամներին Մոսկվա են տարել վերապատրաստման դասընթացների: Ղրա անառարկելի ապացույցներից մեկն էլ Գորբաչովի Գարածից Լ. Տեր-Պետրոսյանին Կոյուչկովի նվիրած ավտոմեքենան է, աննախադեպ մի փաստ ՊԱԿ-ի ողջ պատմության մեջ: Յետաքրքիր է իմանալ, թե մեր պրեզիդենտը այդ պատվին արժանացել է Գետաշենով սկսված ողբերգությունից առա՞ջ, թե՞ հետո: Մուսկովի կամ Բաբսկի իրադարձությունների համար այդպիսի պատվի չէին արժանացնի, վաստակ չունեին:

Ինչ կռահվում էր երեկ, այսօրվա լույսի տակ արդեն երևում է, որ «Ղարաբաղ» կոմիտեն օպերայի հրապարակ է իջել մի ամենագոր ու ամտեսանելի գործության շնորհիվ, որը խնամքով հովանավորել ու հզորացրել է նրան՝ համծին նրա տեսնելով հավատարիմ կամակատարների մի գործունյա ուժ:

«Պայքար, պայքար մինչև վերջ» մեծաբերան կարգախոսով քողարկված նրանք օպերայի հրապարակից բռնությամբ հեռացնում էին Իգոր Մուրադյանին այն բանի համար, որ վերջինս պահանջում էր արձատուրայի դեմ դուրս գալ արմատուրան ձեռքին: Սիա այդ կետից սկսած, որը փաստորեն «Ղարաբաղ» կոմիտեի գործունեության սկիզբն է, այսօրվա գլխավոր իշխանավորները ժողովրդի մեջ սերմանում են պարտվողական տրամադրություններ, ստեղծում մեր և թշնամիների

մասին պատկերացումների յուրահատուկ կոմպլեքս, ըստ որի՝ երեկ նրանք բարբարոս էին, իսկ մենք՝ քաղաքակիրթ, այսօր նրանք հզոր են, իսկ մենք՝ թույլ, կատարելով իրենց թիկունքին կանգնած ուժերի քաղաքական պատվերը: Ուրիշ ո՞ր հանրապետությունում իշխանության փոփոխություն կատարվելուց անմիջապես հետո իր համար հանգստացող Գարբաչովը անմիջապես շնորհավորեց դրությամբ տիրողը: Իր ընտանիքի հասցեին նետվածների համար շնորհակալություն հայտնելու...

Այդ «Ղարաբաղ» կոմիտեն չէ՞ր, որ իրեն շարժման մեջ ղեկողների սցենարով հանդես էր գալիս ծայրահեղ արմատական կարգախոսներով, կազմակերպում Չվարթնոցի, կայարանի արյունահեղությունները, մեթոդիկ հետևողականությամբ ու ՊԱԿ-ական ճկունությամբ հուժկու շարժումը շեղում իր բուն խնդրից, տեղափոխում տևական գործադուլների, գործարանների փակման, տնտեսության քայքայման ուղին այն դեպքում, երբ ժողովուրդը դուրս էր եկել ազգային-ազատագրական պայքարի: Չէ՞ որ Մուսկովի, Բաբսկի ու ադրբեջանական մյուս տարածքների հայության ջարդի ու բռնագաղթեցման ժամանակ պատկերացում անգամ չկար կայսրության կազմալուծման ու հանրապետությունների «անկախացման» վերաբերյալ, և այն ժամանակ չէին կարող շահարկել թուրքական ներխուժման վտանգը: Կամ թուրքական վտանգն իմացողն ինչպե՞ս է փակ աչքերով ու գրկաբաց նետվում այդ վտանգի գիրկը՝ զուգահեռ բարձրացնելով հակառուսական հիստերիկայի փոթորիկ ընդհուպ մինչև պառլամենտում թարգմանելով ռուսերեն ելույթները:

Այդ «Ղարաբաղ» կոմիտեն չէ՞ր, որ պատգամավորներին բարոյական ու ֆիզիկական հալածանքների ենթարկելով, Ոսկանյանին ծեծելով հարկադրեց, որ Ղարաբաղը հռչակի Յայաստանի անբաժանելի մաս: Ի՞նչ պատահեց, որ իշխանության հասնելուց ուղիղ տասն օր հետո նույն պարոնները հանդես եկան տրամազծորեն հակառակ պահանջով, և Լևոն Տեր-Պետրոսյանը հպարտ կեցվածքով ազդարարում է, որ 1990-ի սեպտեմբերի 3-ից սկսած ինքը հանդես է գալիս Ղարաբաղը Ադրբեջանի կազմում թողնելու պահանջով, և այսօր էլ գործնականում իրականացնում է այն՝ բոլոր պայմանները ստեղծելով, որ Ղարաբաղցիներին բնաջնջելով ու բնավեր դարձնելով՝ երկրամասը մնա Ադրբեջանին:

Մուսկովից սկսած՝ Ադրբեջանը պատերազմ է մղում հայ ժո-

դովրդի դեմ. միջնադարյան բարբարոսությունները գերազանցող մեթոդներով բնաջնջում մեզ, բռնագրավում հայրենական տարածքները և հաղթողի լվտիությամբ աշխարհի առաջ մեզ ներկայացնում ագրեսոր: Իսկ իշխանության գլուխ անցած «Ղարաբաղ» կոմիտեի պարոնները ոչ միայն «չեն կարողանում» աղբբեջանական պրոպագանդային հակադրել իրական ճշմարտությունը, ոչ միայն չեն համախմբում ազգային պոտենցիալ ուժերը և դիմագրավում ագրեսորին. այլև իրենց վարքագիծը բողոքելու համար ճամարտակում են խաղաղության անունից: Բանը հասցրել են այնտեղ, որ հանրապետության պրեզիդենտը հունիսի 10-ին պահանջում է Ղարաբաղի իշխանություններից՝ դադարեցնել ռազմական գործողությունները այն դեպքում, երբ թշնամին հաղթական կեցվածքով առաջ է շարժվում:

Սուսգայիթում մեզ կոտորեցին, հանդես եկան պարոններ, թե դա մեր օգտին է, և ժողովրդին արգելեցին համարժեք գործողությունների դիմելու: Այսօր աղբբեջանական բանակը, ավերելով հայրենի տարածքները, բնավեր դարձնելով ժողովրդին, հաղթականորեն առաջ է շարժվում, իսկ պրեզիդենտը պահանջում է չկռվել: Ե՞րբ պետք է վերջ գա հակաբնական, հակաբանական այս արսուրդին:

Իր այդ կեցվածքով Հայաստանի իշխանությունը մեղավոր ու մեղսակից է մեր բոլոր ձախորհությունների համար ու մեջ՝ սկսած Գետաշենով բացված պարտություններից մինչև Շահումյանի ու Մարտակերտի ողբերգությունները:

Հայաստանի իշխանությունները հայկական Լուկյանովի՝ Բ. Արարաբջյանի գլխավորությամբ Ստեփանակերտում կատարեցին իրենց սև գործը և մի քանի ուղղությամբ լուծեցին ազատամարտիկների կողմից Շուշու հերոսական ազատագրման վրեժը: Նախ՝ ամենուր միահեծան տիրապետության մոլուցքով հարբած՝ նրանք կազմալուծեցին Ղարաբաղյան ուժերի հարաբերական միասնությունը, քաղաքական ու հոգեբանական զինաթափման ենթարկեցին դարաբաղցիներին, հետո Շահումյանն ու Մարտակերտը նվիրեցին թշնամուն՝ նույնիսկ գնալով սահմանները ականագերծելու և կռվողներին ժողովրդից ծածուկ ետ քաշելու քայլին:

Իր վերջին՝ հունիսի 29-ի ելույթում ռազմապաշտպանական գաղտնիքների հրապարակումով պրեզիդենտը հաստատեց, որ իր ղեկավարած կառավարությունը ներքին թուրքական ճակատ է դարձել հայ ժողովրդի դեմ: Սարսափով սարսափում ենք այն մտքից, որ այդ կառավար-

ությունը ստիպելու է ժողովրդին մաքառելու երկու ճակատով: Ամեն օր. ամեն ժամը մոտեցնում է այդ ողբերգական հնարավորությունը:

Տա Աստված, որ մենք սխալված լինենք, որ ԲՀԸ-ական ղեկավարությունը վերջապես ուշքի գա, կանգնի հարազատ ժողովրդի ու հայրենիքի պաշտպանության դիրքերում կամ քաղաքակիրթ ձևով հրաժարվի իշխանությունից:

Տա Աստված, որ ԲՀԸ-ական ղեկավարությունը վերջապես հասկանա, որ աշխարհի հզորների հրապարակ նետած մարդու իրավունքների կարգախոսը աստառը շուռ տված մարքսիզմ-լենինիզմ է, որով նրանք քողարկում են իրենց իմպերիալիստական գիշատիչ ծրագրերը: Առանց հայրենիքի, առանց ազգային ինքնուրույնության ու անկախության իրավունքի՝ ճանաչման ու հարգման՝ մարդու իրավունքները գալիս են «կոմունիզմի համաշխարհային տիրապետության» կարգախոսի փոխարեն իրականացնելու հզոր ժողովուրդների համաշխարհային տիրապետությունը:

Այսօր ո՞ւմ կառքին են լծվել ԲՀԸ-ական հորջորջված «Ղարաբաղ» կոմիտեի պարոնները և դեպի Ի՞նչ անդունդ են տանում մեր բազմաչար ժողովրդին¹⁸:

1992 թ., հուլիս

ՍԱՏԱՆԱՆ ԱՍՈՒՄ Է՝ ԽՈՍԻՐ

Վերջերս մի ընկերոջ գրասեղանին նկատեցինք թերթային մի տպավորիչ ծաղրանկար: Վերցնելով թերթը՝ տեսանք, որ «Հայկական ժամանակ» լրագիրն է գետեղել այն որպես «Անծապատիվ մուրացկաններ» խոսուսն վերտառությամբ հրապարակումը տեսանելիորեն լիցքավորելու հատու միջոցի («Հայկական ժամանակ», 23 հունվարի, 2001 թ.): Դե-

18 Այս հոդվածը ժամանակին չկարողացա տպագրել անկախ Հայաստանի՝ հայրենիքի համար կուրծք ծեծող ազատ մամուլում: Հաջողվեց միայն հետևյալ երկտողը խցկել տալ «Երկիր» օրաթերթի մի անկյունում:

«Բոլոր ժամանակներում, բոլոր երկրներում ռազմական գաղտնիք հաղորդողները դատապարտվել ու համապատասխան պատիժ են ստացել: Պատերազմական իրավիճակում՝ գնդակահարվել:

Հանրապետության նախագահն, ի լուր թշնամու, հունիսի 29-ի հեռուստաեկույթում ռազմական գաղտնիք հաղորդեց՝ հրապարակելով Արցախում կռվող ազատամարտիկների թիվը և այլ փաստեր: Ի՞նչ կարող է անել մի ժողովուրդ, որի նախագահն է նման դիրքերում» («Երկիր», 1992 թ., 3 հուլիսի, էջ 3):

տաքրբությունը ստիպեց ընթերցել յոթ «գլխից» կազմված այդ «իրա-
շալիքը», և ինչքան առաջանում էինք ընթերցանության մեջ, այնքան
ակներախ էր դառնում, որ գործ ունենք քյուչի խուժանական մակարդա-
կի մի գառանցանքի հետ: Հենց այն է. մի կողմ պետք է շարտեհնք թեր-
թը. կրք հինգերորդ «գլխի» վերջին պարբերությունից դեմներս ցցվեց
«շան գլուխը».: «Ինչո՞ւ հալեպցին կարող է Հայաստանի պրեզիդենտ լի-
նի (լինել), դարաբաղցին չի կարող»: Ահա թե ի՞նչ... Դարծյալ գավառա-
կան «նացիոնալիզմի», քայֆայական շահախնդրությունների հրեշը, ո-
րի դոմները բացվում են արդեն վեցերորդ «գլխում»: Պարզվում է, որ
ՀՀԸ-ն խստագույնս վրդովված է այն բանի համար, որ խունկ չեն ծխում
իր առաջ երեկվա ծաղկուն հայրենիքը ավերակելու դիմաց, մի գործըն-
թաց, որ իր շարունակությամբ հայրենիքից փրկված այս փոքրիկ հո-
ղակտորի հետագա գոյությունը դրել է սպառնալիքի տակ: ՀՀԸ-ն ամեն
անգամ ջղաձգությունների մեջ է ընկնում, երբ որևէ տեղից որևէ ձևով
դրությունը շտկելու լույսի շող է երևում, թեկուզև դրանք դեռևս չոչափե-
լի արդյունք չեն արձանագրում: ՀՀԸ-ն, որ ասպարեզ իջավ ժողովրդի
ամենասրբազան զգացմունքներն ու երազանքները շահարկելով և
գործնականում այդ ամենն իր հակադրությանը վերածելով, այսօր «մեր
այսօրվա պատմության սկզբնաղբյուրը» արձանագրելու հայտ է ներ-
կայացնում՝ ապահովելու իր «փառավոր» տեղն այդ պատմության մեջ:
Հենց այդ հայտն է, որ մեզ պարտադրում է խոսել, վերհիշել հայտնի ի-
րադարձությունները առանց Ամերիկա հայտնագործած լինելու հա-
վակության: Այո՛, կենսական անհրաժեշտություն է մեր օրերի պատմու-
թյան իրական սկզբնաղբյուրի արձանագրումը:

ՀՀԸ-ն և Ղարաբաղը

Հանրահայտ է, որ ցարական կայսերապետության կործանումից
հետո Անդրկովկասում ձևավորվող ազգային պետությունների հակա-
մարտությունների համայնապատկերում Ղարաբաղը երբեք չի համա-
կերպվել Արևելյան Անդրկովկասում, որ նույնն է թե՛ պատմական իրա-
վունքով Արևելյան Հայաստանում ստեղծվող թուրքական պետության
մաս դառնալու գաղափարին, և զենքը ձեռքին դիմակայել է ոչ միայն ա-
զերաթուրքերին, այլև օսմանցիների ագրեսիային: Հանրահայտ է, որ
Ղարաբաղն ու Արևելյան Հայաստանի այլ երկրամասեր ձևավորվող
Ադրբեջանի տարածքում հայտնվեցին որպես քաղաքական ռազմակա-
լում, որպես Լենին-Աթաթուրք գործարքի հետևանք, մի գործարք, որի
դեմ Ղարաբաղը 70 տարի անընդմեջ մաքառում էր ամեն 4-5 տարին

մեկ իր լավագույն զավակներին բարձրացնելով գոհասեղան: Ժամանա-
կի հանգամանքների թելադրանքով դարաբաղցու միակ գենըր մնացել
էր իշխող գաղափարախոսության ու ընթացիկ քաղաքականության սո-
ղանցքների օգտագործմամբ ադրբեջանական գաղութատիրության լու-
ծը թոթափելու հույսը: Եվ դարաբաղցին ձեռքը մեկնում էր ամեն մի փր-
փուրի: Ներկայացնում ենք փրփուրից բռնելու անհայտ մի դեպք: Երբ
50-ականների վերջերին Խրուշչովը բարձրացրեց կրճատումներով պե-
տական ապարատը թեթևացնելու հարցը, տողերիս հեղինակը փորձեց
այն ծառայեցնել Ղարաբաղի հարցի լուծմանը: Միամտորեն կարծում
էր, թե մարզային ապարատի ծանրությունից ազատ լինելու դիմաց
կենտրոնը կգնա Ղարաբաղը Հայաստանին միացնելու քայլին: Բայց
երբ դիմեց վստահելի մարդկանց խորհրդին ու աջակցությանը՝ համա-
տեղ հանդես գալու առաջարկով, վերջինները կոնկրետ փաստերի
մատնանշումով այնպես վախեցրին խեղճին, որ նա իր սևագիր թեզիս-
ները թաքցրեց հողում՝ հետագայում այնպես էլ չկարողանալով գտնել
այն:

Նման մի փրփուր էր նաև գորբաչովյան վերակառուցումն ու իրա-
պարակայնությունը, բայց արդեն մեր հարաբերականորեն հասուն, հա-
մազգային ընդգրկումներով գորացած պահանջատիրության պայման-
ներում: Արդեն ընդհանուրի գիտակցությանն էր հասել, որ «Քարավան-
ները դեռ քայլում են», 1965 թ. ապրիլի 24-ին հայրենաբնակ զանգված-
ները անճախաղեպ մի պոթեկումով դուրս էին եկել ասպարեզ, դրան հա-
ջորդել էր դարաբաղյան յուրահատուկ հանրաքվեն, երեք օրինակից
կազմված, 52 հազար ստորագրություն պարունակող փաստաթուղթը
դարաբաղյան հարցի լուծման պահանջով ուղղված Մոսկվային, Բաք-
վին ու Երևանին: Արդեն հանդես էին գալիս առանձին անհատներ, ո-
րոնք վերընթաց համարձակությամբ անհանգստացնում էին կենտրո-
նին. մի Եպիսկոպոսով, մի Զ. Բալայան անընդատ կրակը թե՛ էին պա-
հում, մի Ս. Այվազյան հաշիվ էր պահանջում կենտրոնից, թե ի՞նչ իրա-
վունքով են հայոց ազգային շահերը ոտնատակ տալիս: Եվ այդ ամենը
լիցքավորվում էր մեր սփյուռքահայ ազգակիցների համառ ջանքերով
ու ինքնագոհողությամբ հայկական հարցը աշխարհի ատյաններին ներ-
կայացնելու գործողություններով: Եվ այդ մթնոլորտում հանկարծ գոր-
բաչովյան **պերեստրոյկա** ու **գլաստնոստ**:

Ինքնին հասկանալի է, որ իր ազգային վերջերը բուժելուն հետա-
մուտ ժողովուրդը չէր կարող ձեռքից բաց թողնել հարմար նկատված
պահը, և ազգովի դուրս եկանք հրապարակ: Ոչ միայն դուրս եկանք,
այլև դուրս բերեցին՝ աննահանջ հետևողականությամբ երկու ժողո-
վուրդների համար էլ ստեղծելով այնպիսի գրգռիչ իրավիճակներ, որոնք

արյունոտ բախումները դարձնում էին անխուսափելի: Մեզ դուրս բերեցին հրապարակ իրադարձություններին ընթացք սովոր սանձերը պահելով իրենց ձեռքին:

Արդարության և իրավունքի ակնկալիքով ժողովուրդը դուրս եկավ հրապարակ գուտ ազգային պահանջատիրությանը՝ գիտակցաբար հրաժարվելով ամեն կարգի սոցիալական ու տնտեսական խնդրից: Բայց ազգային պահանջատիրության համար տասնամյակներ շարունակ պայքարող անձինք չէին հասցրել մի որոշակի հունի մեջ դնելու ժողովրդական ընդվզումը, դեռ չէին կարողացել մի ընդհանուր հայտարարի գալու հետագա ամելիքների հարցում, երբ մի գիշերվա մեջ օպերայի հարթակ իջեցրեցին մի խումբ անհայտ ու անանուն երիտասարդների, որոնց համար Ղարաբաղը, Վիետնամը կամ Անգոլան միևնույն հարթության վրա գտնվող աշխարհագրական հասկացություններ էին:

Ստեղծվեց մի «Ղարաբաղ» կոմիտե. որի կազմում բացառվեց որևէ ղարաբաղցու մասնակցությունը, ստեղծվեց մի կոմիտե, որի անդամները նախօրոք իրար գոյության մասին չէին կարող իմանալ. բայց հանդես էին գալիս հայացքների ու գնահատումների այնպիսի նույնությամբ, որ նրանց խոսքում ոճական տարբերություններ անգամ չէին նկատվում: Փակագծերում ասենք, որ ԶՅԸ-ական այդ կորիզը սեփական դիրքորոշում մշակելու անհրաժեշտություն երբևէ չի ունեցել, ամեն ինչ մշակվել է արևմտյան հատուկ կենտրոններում և դրվել նրանց ձեռքը: Բացառություն է կազմում ինքնուրույն մտքի «փայլատակման» երկու դեպք միայն, որի համար պարտական ենք Գինեսի գրքի թեկնածու հռչակավոր Դ. Բագրատյանին: Առաջինն այն, որ պարոնը ծխախոտ էր գնում գործուղման ծախսերի խնայողությամբ, երկրորդը, որ կոմյակի գործարանի ավազակային վաճառքից լկտիացած հունիսի կեսերին հայտարարեց ի լուր աշխարհի, թե այդ վաճառքով ոգևորված ժողովուրդը խաղողի նոր այգիներ է ստեղծում:

Ղարաբաղն ու ղարաբաղյան պահանջատիրությունը ԶՅԸ-ականների բեմելի առաջին իսկ օրվանից եղել է մի ծխածածկույթ իրենց հեռուն գնացող նպատակները քողարկելու համար: Քանի դեռ կայսրության լուծարումը պիտի իրականացնեին, իրենց անդրկովկասյան տերերի թելադրանքով պետք է շիկացած մթնոլորտը գերշիկացնեին և ժողովրդական հուժկու ընդվզումը շահարկելով հարկադրեցին ԶԽՍՀ ԳԽ-ին, որ Ղարաբաղը «միացնի» Հայաստանին: Չէ՞ որ նրանք առաջնորդվում են «Պայքար, պայքար մինչև վերջ» գերարմատական կարգախոսով: Բայց ահա, իշխանության հասնելուց ուղիղ տասը օր հետո, 1990 թ. սեպտեմբերի 3-ին, ԶՅԸ-ական առաջնորդը հայտարարում, հետագայում բազմիցս կրկնում է, որ Ղարաբաղը պիտի մնա Ադրբեջանի կազմում, ու գործում միայն այդ ուղղությամբ:

ԶՅԸ-ական նորաթուխ ղեկավարությունից լքված Ղարաբաղը ստիպված ինքնուրույնաբար տեսավ իր գլխի ճարը. հռչակեց անկախություն, այդ ժամանակ դեռ գործող միութենական օրենքներով ու հանրաքվեով ամրագրեց այն. ստեղծեց պետական կառույցներ: Որպես հակակշիռ, ԶՅԸ-ական տեռորիստների ձեռքը հասավ Ստեփանակերտ, սեփական բնակարանում սպանեց հանրապետության առաջին ղեկավարին, հաջորդ ղեկավարին հարկադրանքի բոլոր միջոցներով փորձեցին իրենց կամքը թելադրել. բայց արդյունքի չհասան:

ԶՅԸ-ական վերնախավի և անձամբ Լևոն Տեր-Պետրոսյանի կամքին հակառակ, նրա թնկրան մենկած գիշերը, մեր ազատամարտիկները ազատագրեցին Շուշին: Իրանական շահերն անգամ, հարյուրհազարանոց զորքի գլուխ անցած, չեն կարողացել Շուշին գրավել կռվով. և Ադա Մահմեդ շահը, և Աբաս Միրզան գլխիկոր են հեռացել Շուշու ստորոտից:

Աշխարհին անհայտ ու անանուն մի հայ գինվորական, մի եզակի հնարագիտությամբ, այնպես ազատագրեց Շուշին, որ համարյա զոհեր չուներանք: Ազատամարտիկները մի թափով մաքրեցին նաև Շուշի-Լաչին մայրուղին բացելով մայր հայրենիքի հետ կապող գիծը: Այդ հերոսական մեծագործությունից զազազած ԶՅԸ-ական ղեկավարությունը մի քանի օր հետո, Բ. Արարքյանի գլխավորությամբ մի ունակ կազմած, իրեն մետում է Ստեփանակերտ՝ Ղարաբաղի համար նոր ղեկավարություն ընտրելու առաջադրանքով: Կարծես թե աննախադեպ հաջողության թերկրանքը դեռ չճաշակած հանրապետությանը միայն պակասում էր ղեկավարության փոփոխությունը: Քանդուքարափ արին այն վերխմբակային, վերկուսակցական միասնությունը, որ իրար էր շողկատում Ֆիդայական ջոկատներին կռվող Ղարաբաղում: Ղարաբաղից մեկուսացրին Շուշու հերոսին՝ այդ տաղանդավոր զորականին, նրան հավասար մի շարք անձանց վերացրին թիկունքից արծակած զնդակով, աննահանջ կռվող Արարյոյի ջոկատը գցեցին ծուղակի մեջ և ոչնչացնել տվին:

Այս ձևով ազատվելով իրենց անձեռնտու անձանցից՝ ասպարեզ բացեցին համարձակ ու վճռական, բայց քրեական ու կիսաքրեական հակումներով աչքի ընկնող տարրերի համար, որոնք պատրաստ էին փակ աչքերով կատարելու վերադասի բոլոր հանձնարարությունները, և կատարեցին թռիչքով բարձրանալով գորավարի և ազգային հերոսի պատվանդաններին:

Շահունյանի պաշտպան ֆիդայիները տեսնում են, որ հակառակորդի կողմից տանկեր են շարժվում դեպի Կարաչինար: Սպասում են, որ ուր որ է նրանք օդ են ցնդելու ականների վրա, բայց ականների վրայով

ՂԱՐԱՔԱՂՅԱՆ ՀԻՄՆԱԳՐՈՑ

Ցարիզմի տապալումով վերակենդանացած ղարաբաղյան հիմնահարցը ավելի քան յոթ տասնամյակ մեր ժողովրդի համար դարձավ անհավասար ու հերոսական մաքառումների մի արյունոտ ճանապարհ: Ավելի քան յոթ տասնամյակ ղարաբաղին, թիկունք ունենալով մայր ժողովրդին, դիմեց պայքարի բոլոր միջոցներին՝ սկսած սովորական բողոքագրերից ու համախոսականներից մինչև իր լավագույն զավակներին զոհասեղան բարձրացնելը, մինչև պատերազմի դաշտում գեներալ զորությամբ այս արևի տակ իր գոյության բնական իրավունքի հաստատումը: Այս ամբողջ ընթացքում հայոց ազգային ազատագրական միտքը չլուծվող հիմնահարցի առթիվ պատվել է միայն մի կարգախոսի շուրջը՝ «Ղարաբաղը մերն է»: Ըստ որում, Ղարաբաղ ասելով էլ սահմանափակվել է այն փոքրիկ հողակտորով, որ օտար իշխողների ղրղումածությամբ ընդունվել է հայկական, օտարի ձեռքով դարձել Ինքնավար Մարզ: Դրանով տեսադաշտից դուրս է մնացել մի ամբողջ երկրատարածքի՝ Հայոց Արևելից Կողմանց կամ Աղվանից աշխարհի հասկացությունը՝ իր տերիտորիալ ամբողջականությամբ, իր հազարամյակների պատմությամբ ու մաքառումներով՝ տեղը զիջելով ամբողջի մի հատվածին:

Նման մոտեցման համար կային զորավոր պատճառներ: Նախ՝ համառոտական կայսրության հավերժության ու անբաժանելիության հիմքի վրա խարխիսված «պրոլետարական ինտերնացիոնալիզմի» պարտադրանքը, որը հայ իրականության մեջ դրսևորվեց վատթարագույն տեսքով: Սկսած Մյասնիկյանից, որը համակերպվեց Կալբյուրոյի 1921 թ. հունիսի 5-ի տխրահռչակ որոշման հետ, մինչև պատմագիտության ասպարեզը ոտք դնող սկսնակը՝ «ժողովուրդների ինտերնացիոնալ բարեկամության ու եղբայրության» կարգախոսով ամեն տեսակ զիջումների գնացին արդրեջանական մարտնչող շովինիզմի ու զավթողական քաղաքականության նկատմամբ, որի արդյունքում ոչ միայն գաղափարական, քաղաքական, պատմագիտական և այլ կարգի կորուստներ ու-

անցնում են փոշի բարձրացնելով: Օրինական հարց է առաջանում, թե ովքե՞ր են այսօրվա այն «հերոսները», որ թշնամու առաջ ականագերծել են Շահումյանի պաշտպանական գիծը: Միգուցե այդ հարցին Մեղրյա՞նը կարողանար պատասխանել, եթե նրան չընչացնեին օդում: Նույնանման մեթոդներով Լ. Տեր-Պետրոսյանի գլխավորած հանցախումբը Մարտակերտն էլ հանձնեց թշնամուն: Եվ եթե հաշվի առնենք, որ Ասկերանի ու Հաղրուբի շրջաններն արդեն գորբաչովյան ռեժիմի հետևանքով էին համարյա հայաթափվել, ապա ղարաբաղյան հարցը ՀՀ-ական ծրագրով լուծելու համար մնում էին միայն մի ռմբահարված Ստեփանակերտ ու մի համարյա անգեն Մարտունի:

Այդ օրհասական պահին երկնքից Մարտունի էր ընկել մի ճշմարիտ հայրենասեր, մի խիզախ մարտիկ՝ Սոնթե Մելքոնյանը, որը կարողացավ մեկուկես տանկով կազմակերպել շրջանի ինքնապաշտպանությունը, թշնամուց տասնյակներով խլված տանկերով գորացնել շրջանը, կանխել խուճապային տրամադրությունները և սկիզբ դնել ազատագրական կռվի նոր վերելքին՝ առաջադրելով Ղարաբաղի ազատագրման խնդիրը իր պատմական սահմաններով:

Ղարաբաղի ազատամարտիկները տանկերով հասան իրենց հայրերի ու պապերի կառուցած, բայց թուրքերի կողմից բռնազավթված ժլանովի՝ թշնամու կողմից արդեն լքված շրջան, բայց ռացիայով ետ կանչվեցին, և հետո սահմանը գծեցին Մարտունու մերձակայքով՝ Ղարաբաղի վարելահողերը դաշտային Մարտակերտի հետ նվիրելով թշնամուն: Ղարաբաղի ազատամարտիկները երկու անգամ ազատագրեցին Խորադիզը, ղարաբաղցիների ձեռքով կառուցված մայրուղու այն վերջին հանգույցը, որով երկրամասը կապվում էր արտաքին աշխարհի հետ: Երկու անգամ էլ այն վերահանձնեցին թշնամուն: Արտաքին աշխարհի հետ կապվելու առումով, նրանք այդ ակտով Ղարաբաղի դեմ ստեղծեցին մի նոր Նախիջևան: Դե եկ ու մի հիշիր Լենին-Աթաբուրք գործարքը:

ՀՀ-ական ղարաբաղադավ գործելակերպն այնքան տարրդունակ է, որ անհնար է մի հողվածի շրջանակներում տեղավորել: Մնում է միայն մատնացույց անել, որ ղարաբաղյան ազատամարտի ողջ ընթացքում ՀՀ-ական հանցախումբը կանգնած է եղել պայքարի թուրքական դիրքերում, որ հայ ժողովուրդն իր հավաքական ջանքերով հաղթեց ոչ միայն ազերթուրքերին, այլև Լ. Տեր-Պետրոսյանի գլխավորած հանցախմբին: Այս կտրվածքով նրանք պետք է ներկայանան հայոց Նյուրնբերգ:

Ահա այս է «մեր այսօրվա պատմության սկզբնաղբյուրի» արձանագրության էջերից մեկը, հարգարժան պատմաբան Աշոտ Սարգսյան:

նեցանք, այլև ՅՍՄՀ-ից նորանոր տարածքներ անցան Ադրբեջանին: Մյուս կողմից էլ, Հայոց Արևելից Կողմանց միայն մի հատվածը՝ Լեռնային Ղարաբաղի Ինքնավար Մարզը, սևեռում ու շաղրության կենտրոնում պահելը, ամբողջը անտեսելու գնով, պայմանավորված էր գոնե փրկված բեկորից ևս չզրկվելու մտահոգությամբ, մանավանդ որ Ադրբեջանի իշխանությունները ամբողջ 70 տարի զբաղված են եղել այն ևս կլամելու, Ղարաբաղի հայկականությունը վերջնականապես վերացնելու խնդրով:

Հասկանալի է, որ հայ մտավորականությանը ի վերուստ արգելվում էր ադրբեջանական մարտնչող շովինիզմին ու պատմության կեղծարարությանը հակահարված տալը, որ հայ մտավորականության համար արգելված գոտի էր Հայոց Արևելից Կողմանց պատմությունը, որ իշխող քաղաքականությունից շեղվելու ամեն մի փորձի դեպքում ահավոր սպառնալիքի տեսքով մեջտեղ էր քաշվում արդենտարական ինտերնացիոնալիզմի դեմ ոտնձգություն կատարելու մեղադրանքն իր հայտնի հետևանքներով: Հիշում ենք, թե ինչ պատմեչի հանդիպեցին Կարո Մելիք-Օհանջանյանն ու Պարոյր Սևակը քունիաթոլյան կեղծարարության դեմ հանդես գալու ժամանակ:

Այսօր, երբ փոխվել են ժամանակները, երբ մեր գավակները զենքը ձեռքներին բռնել են հայրենի տարածքների ազատագրման սրբազան առաքելության ուղին, երբ երեքհարյուրամյա նաքառուններից հետո Ղարաբաղը կերտում է իր անկախ պետությունը՝ վերականգնելով Վաչագանի, Համամ Արևելցու և մյուսների հայրենաշեն ավանդները, առավել քան կենսական անհրաժեշտություն ու քաղաքական անհետաձգելի պահանջ է դառնում պատմական ճշմարտության վերհանումը, մեր նկատմամբ իրականացված տևական ագրեսիայի պսակազերծումը: Դա առավել ևս անհրաժեշտ ու հրատապ է այսօր հայրենիքի ազատագրության համար մարտնչող մեր գավակներին կողմնորոշելու, նրանց անձնագոհ մեծագործությունների արդարացիությունը քաղաքական աշխարհին ներկայացնելու համար: Այլապես ինչ է ստացվում. Ադրբեջանը այս էլ որբորդ անգամ սանձագերծեց վայրենի ագրեսիա և որբորդ անգամ Բաքվից մինչև Ղազախ, ժղանովի շրջանից մինչև Կովկասյան լեռների փեշերը կազմակերպեց այրունոտ նախճիր, հայերիս զոկեց հինգհազարամյա հայրենիքից և արդյունքը մարսելուց հետո էլ հանդես է գալիս զոհի կերպարանքով, իսկ մենք, մեր ահավոր կորցրածով հանդերձ, ներկայացվում ենք ագրեսոր:

Ռ՞վ պետք է այս ամենին հակահարված տա. եթե ոչ հայ մտավորականությունը, որը պարտավոր է պատմական իրականությունը ճշմա-

րիտ տեսքով ներկայացնելով սատար կանգնել մեր վերականգնված պետականության քաղաքական գործիչներին, որպեսզի նրանք կարողանան իրենց ծանր լուծը պատվով տանել աշխարհի բախտը որոշող հզոր ուժերի հակադիր շահերի բախման կեռմաններում:

ԽՍՀՄ-ի փլուզմամբ ստեղծված նոր իրականությունը և այդ վայրիվերումների հորձանուտում ստեղծված Լեռնային Ղարաբաղի Հանրապետությունը եկավ հաստատելու, թե «իրաչք չկա, կա միայն կարիք», որ պահանջում է իր բավարարումը: Երեկվա անտրոհելի սոցիալիստական կայսերապետությունում ծայր առած գործընթացների հետևանքով ձևավորված ԼՂՀ-ն վկայությունն է այն բանի, որ հազար տարին մեկ կարող է վրա հասնել արդարության վերականգնման, կորցրածը ետ բերելու պահը, և առաջին հերթին ազգային-պետական իմաստությունից է կախված, թե ինչ չափով կարելի է օգտվել պահի ընձեռած հնարավորությունից: Այս իմաստով պատմությունը նոր ու պատասխանատու խնդիր է դնում մեր առջև: Իսկ հասարակական կյանքում խնդիրները ծագում են այն ժամանակ, երբ առկա են դրանց լուծման միջոցները:

ԼՂՀ-ն, ծվարած իր անդնդախոր ճորերում ու անտառներում, այս վիճակով երկար ճանապարհ գնալ չի կարող: Անհրաժեշտության պարտադրանքով նա պետք է ապահովի իր վաղվա գոյության ու զարգացման հնարավորությունը: Եվ եթե հնարավոր չէ Հայոց Արևելից Կողմանց ազատագրումը ամբողջությամբ, ԼՂՀ-ն գոնե պետք է տեր կանգնի պատմականորեն ձևավորված Ղարաբաղին՝ իր բնական ու պատմական սահմաններով: Դա մի հրամայական պահանջ է, որ պատմությունը մեր առաջ է դրել ժամանակակից քաղաքական բարդ ու խճճված վայրիվերումների հետևանքով:

Դրա համար պատմաքաղաքական հիմք է ծառայում այն իրողությունը, որ ադրբեջանական հանրապետություն կոչվող Արևելյան Անդրկովկասը հայ ժողովրդի հազարամյակների հայրենիքն է, որը վերջին 2-3 հարյուրամյակի ընթացքում վերափոխվել է հայերի ու ադրբեջանցիների ընդհանուր տան: Եվ վերջին 70-ամյակում դա երկու ժողովուրդների համար հավասարապես ընդհանուր տուն է եղել հանրապետության ողջ տարածքով մեկ: Պարզապես հայերի նկատմամբ գործողության մեջ դրված երեքհարյուրամյա շարունակվող ցեղասպանության հետևանքով երկու ժողովուրդների թվական հարաբերակցությունը միշտ էլ լուծվել է եկվոր քոչվորների օգտին: Եվ քանի որ մեզ համար ողբերգական այդ քաղաքականությունը մի շարունակվող գործողություն է եղել, որի վերջին արարի մասնակիցներն ենք մենք և չգիտենք՝ ինչքան կծոփի հակամարտությունը, այն դադարում է սովորական ըմբռնումով

պատմություն լինելուց: Այն ժամանակակից իրողություն է. դեռ ծխում են մեր ավերված տները: Աղբբեջանի ողջ տարածքով մեկ, և դրա համար հատուցում է հասնում: Հետևապես պետք է հարցը դնենք այլ հարթության վրա, պետք է մեր գաղափարական-քաղաքական ջանքերը մղենք ընդհանուր տան բաժանման խնդրի կողմը:

Պատմական ճշմարտությունը վեր հանելու համար մեր կողմից կատարված մի քանի շտրիխներ ներկայացնելով՝ գիտական ու քաղաքական շրջանների ուշադրությունը հրավիրում ենք մոր իրականության առաջ քաշած այս կենսական խնդրի վրա:

ԻՆՉ ԵՆ ԱՍՈՒՄ ՓԱՍՏԵՐԸ

Հանրահայտ է, որ «Հայաստանն առանց հայերի» բանաձևը առաջին անգամ ցարական արտաքին գործերի Ֆախարար Լոբանով-Ռոստովսկին է հուշել թուրքական սուլթան Աբդուլ Համիդին սրանից 100 տարի առաջ: Արդեն 300 տարի է, ինչ հայ ժողովուրդը դարձել է ցեղասպանության առարկա և պատմական անեն մի անցումային ժամանակաշրջանում ֆիզիկական բնաջնջման սպառնալիքի հանդիման է կանգնում: Իրական փաստ է, որ նույնիսկ առաջին համաշխարհային պատերազմի տարիներին Թուրքիայի դեմ պատերազմող ցարական վարչակարգը Արևմտյան Հայաստանում կռվող ռուսական բանակների տեղաշարժերը այնպես էր կատարում, որ չխանգարի հայ ժողովրդի ֆիզիկական բնաջնջման գործը թուրք ոճրագործների ձեռքով: Ավելին, ցարական զենքերալ Յուդենիչը հեռագրել էր ցարին, որպեսզի եղեռնից սակավաթիվ փրկվածներին թույլ չտան բնակություն հաստատելու Ալաշկերտի հովտում, այլ պահանջում էր նրանց քշել Ռուսաստանի խորքերը, որպեսզի Ալաշկերտի հովիտը դառնա կազակական երկրամաս:

Վերջացավ համաշխարհային պատերազմը՝ հայ ժողովրդի համար ծանր հետևանքներով: Հայաստանի մեծագույն մասը գրկվեց իր բնիկ տերերից, որ հազարամյակներ շարունակ ապրել էր այնտեղ, մասնակցել մարդկային քաղաքակրթության զարգացման գործին: Հայաստանի փրկված փոքր մասը դարձել էր որբերի ու գաղթականների հավաքավայր՝ կանգնած իսպառ բնաջնջման սպառնալիքի առաջ:

Հաղթեց հեղափոխությունը Ռուսաստանում և Անդրկովկասում: Սպասվում էր արդարության ու մարդկայնության դրսևորում «ամենքից լքված ու հուսահատված» հայ ժողովրդի նկատմամբ: Բայց դարձյալ

կատարվեց պատմական մեծ անարդարություն: Թուրքիայի բեմալական կառավարության, մի գիշերվա մեջ կոմունիստներ դարձած ադրբեջանական մուսավաթականների հետ գործարքի մեջ մտնելով՝ Լենինի ղեկավարած կառավարությունը նախկին ցարական Ռուսաստանի կազմի մեջ մտնող Հայաստանի մի մեծ բաժին գիջեց Թուրքիային: Դրանով չբավարարվելով՝ սովետական պետության կազմի մեջ մնացած Հայաստանի տերիտորիան էլ այնպես բաժանեց հարևանների մեջ, որ ՀՍՄՀ-ն սովետական պետության կազմի մեջ մնացած Հայաստանի կեսից ավելին չլինի: Այսպիսով ու հարակից շրջանները նվիրեց վրացիներին, Նախիջևանը, Ղարաբաղը և նրան հարակից հայկական մյուս շրջանները կցեց Ադրբեջանական ՍՍՀ անունով հորինված նորաթուխ հանրապետությանը՝ մի նոր հիմք դնելով հայ ժողովրդի ցեղասպանության շարունակման համար: Սովետական իշխանության բուլլոր տարիներին Ադրբեջանի կազմի մեջ մտած հայկական մարզերում տարբեր ձևերով ու մեթոդներով շարունակվել է ցեղասպանությունը և հասել մինչև Սոււմգայիթի ոճրագործություն ու Մասիսում քիմիական զենքի գործադրում:

Անդրկովկասի երկու հարևան ժողովուրդներին իրար դեմ զրգռելու, նրանց դեպի արյունահեղության ճանապարհ մղելու գործում ոչ միայն մեղավոր է կենտրոնական կառավարությունը, այլև իրադարձությունները ցույց են տալիս, որ ամբողջը հրահրված է կենտրոնական կառավարության մեջ գտնվող, երկրի ճակատագրի համար պատասխանատու ինչ-որ մարդկանց կողմից: Երկրում սկսված վերակառուցման ու դեմոկրատացման թշնամիները համապետական այդ շարժումը վարկաբեկելու և կասեցնելու համար օգտագործեցին այն չոր վառողը, որ տասնամյակներ շարունակ պահվում էր հայ և ադրբեջանցի ժողովուրդների հարաբերությունների կենտրոնում: Դեռևս 1987 թ. հունիսին Ադրբ. ՍՍՀ-ի պաշտոնական օրգան «Բակինսկի ռաբոչի» թերթը վերածնեց ՀՍՄՀ-ի գերբը, դրան հաջորդեց հրահանգ, որի պահանջով հավաքվեցին Ղարաբաղի հայ բնակչության որսորդական հրացանները: Ինչքան թափ էին առնում վերակառուցումն ու դեմոկրատացումը, այնքան լկտի ու սանձարձակ էին դառնում երկու ժողովուրդներին իրար դեմ հանելու միջոցառումները: Դրա անժխտելի ապացույցն է Չարդախլուն, որտեղ շրջկոմի քարտուղարի ղեկավարությամբ ու մոտակա շրջանների միլիցիայի ձեռքով հայ կանայք վայրենի ծեծի ենթարկվեցին այն բանի համար, որ չէին ուզում իրենց գյուղի հողերը տալ հարևան թուրքերին:

Վերակառուցման թշնամիների համար երկնքից ընկած մանանայի արժեք ստացավ Ղարաբաղյան շարժումը, երբ 70 տարի բզկտվելուց,

ուտնահարվելուց ուժասպառ մարզի բնակչությունը իր արդարացի բողոքը բարձրացրեց կենտրոնական կառավարության առջև: Առիթն օգտագործելով՝ վերակառուցման թշնամիները ոտքի կանգնեցրին Ադրբեջանի և Անդրկովկասի պանթուրքական ընդհատակը, որը մի անախադեպ բարբարոսությամբ արյունոտ հաշվեհարդար տեսավ Մուսդալիթի 18-հազարանոց հայության նկատմամբ, իսկ ադրբեջանական այն շրջաններից, ուր խառը բնակչություն էր ապրում, արտաքսեցին հայերին, դաժան շրջափակման մեջ դրեցին Ղարաբաղը և, վերջապես, ձեռք մեկնեցին քիմիական զենքին Հայաստանի Մասիսի շրջանում:

Որ այս ամբողջ արյունոտ գործը ղեկավարվում էր կենտրոնական կառավարության ինչ-ինչ մարդկանց կողմից, ապացուցվում են բազմաթիվ փաստերով, որոնցից մի քանիսը մատնացույց ենք անում:

1. Չարդախլուի իրադարձությունների առնչությամբ «Իզվեստիայի» խմբագիրն իր աշխատակցին ուղարկել էր Չարդախլու, որն իրադարձությունների օբյեկտիվ նկարագիրը ձեռքին ներկայացել է խմբագրություն: Դրանից հետո գլխավոր խմբագիրը գնացել է Բաքու, այնտեղից՝ Շամխոր շրջկենտրոնը, չի բարեհաճել բարձրանալ միջադեպի վայրը և, վերադառնալով Մոսկվա, հեռացրել է իր աշխատակցին: Եթե «Իզվեստիայի» աշխատակիցը դեպքերի օբյեկտիվ նկարագիրը չի տվել, ապա ինչպե՞ս է, որ նրա հողվածը տպվեց «Սելսկայա ժիզն» թերթում:

2. Երկրի մամուլի կենտրոնական ու գլխավոր օրգան «Պրավդան» անորակելի վատթարագույն դիրք է բռնել հայ ժողովրդի արդարացի պահանջների նկատմամբ՝ դեպքերի ու իրադարձությունների նենգափոխումները հասցնելով ամմարդկայնության մակարդակի: Նույն դիրքերում են կանգնել նաև կենտրոնական ինֆորմացիայի մյուս միջոցները:

3. Փետրվարյան բուռն իրադարձությունների օրերին կենտրոնական իշխանության ամենապատասխանատու աշխատակիցների մի պատկառելի խումբ եկել է Հայաստան ու Ադրբեջան և ի՞նչ է արել: Հայաստան եկած բարձրագույն պաշտոնյաները ՀԿԿ կենտկոմի անդամներին պատին են սեղմել՝ պահանջելով ստորագրել, որ հայերը էքստեմիստներ են, իսկ Ադրբեջան մեկնածները հեռվից դիտել են նախօրոք կազմակերպված, Ադրբեջանի և Հայաստանի շրջաններից Մուսդալիթ տարված մարդասպանների եռօրյա վայրենի հաշվեհարդարը տեղի հայ բնակիչների նկատմամբ: Ավելին: Որպեսզի հոգեբանորեն արդարացնող մթնոլորտ ստեղծեն Մուսդալիթում նախապատրաստվող վանդա-

լիզմի համար, գերագույն դատախազի տեղակալ Կատուսևը Հայաստանի, Ադրբեջանի և կենտրոնական հեռուստատեսություններով պրովակացիոն ելույթ է ունեցել, որ իբր թե Ղարաբաղի դեմ Ադդամի ադրբեջանցիների հայտնի արշավանքի ժամանակ տեղի է ունեցել ընդհարում և երկու ադրբեջանցի սպանվել է: Իրականում ադրբեջանցիների կատարած արշավանքը ընդհարման չի վերածվել, և երկու ադրբեջանցիների սպանության գործում հայերը ոչ մի առնչություն չունեն: Արդեն հինգ ամիս է, որ արդարադատության մարմինների հսկայական բանակը իբր թե չի կարողանում պարզել, թե ովքեր են եղել սպանողները:

4. Երբ երկու ժողովուրդների լարված հարաբերությունների մեջ նկատվում էր լիցքաթափում, Լիզաչուրը եկավ Ադրբեջան և մի նոր ուժով բորբոքեց առանց այն էլ բորբոքված կրթերը:

5. Տաշքենդի հայտնի երկրաշարժի ժամանակ Հայաստանում կանգնեցվեց շինարարությունը և ամբողջ շինանյութն ու շինարար բանվորները տրամադրվեցին արևտյալ քաղաքի վերականգնմանը: Իսկ Ղարաբաղյան դաժան բլոկադայի պայմաններում Հայաստանը փորձեց ինչ-որ չափով օգնել Ղարաբաղի բերքահավաքին և այնտեղ ուղարկեց ընդամենը 15 ավտոմեքենա: Սակայն Ադրբեջանի Լաչինի շրջանի միլիցիան, որը պետք է այդ մեքենաների անվտանգ անցումը ապահովեր իր շրջանի տարածքով, շարայունը տանում է մտցնում փոկուղի, ջարդի տակ դնել տալիս ինչպես վարորդներին, այնպես էլ մեքենաները: Չէ՞ որ և՛ Տաշքենդը, և՛ Ղարաբաղը նույն պետության մարմիններն են և, բնականաբար, պետք է առաջնորդվեին նույն օրենքով ու բարոյականությամբ:

Եթե դրան էլ գումարենք Ղազախի, Թուրքի և Ադրբեջանի այլ շրջանների ղեկավարության թողտվությամբ ու մասնակցությամբ հայերի դեմ կատարվող խժոժությունները, ապա պարզ կդառնա, որ այն դարձել է պետական քաղաքականություն, որն ուղիղ գծով տանում է դեպի կենտրոնական կառավարության բարձրագույն պաշտոններում գտնվող ինչ-որ պաշտոնյաներ: Այլպես ինչո՞վ բացատրել, որ այս հինգ լարված ամիսների ընթացքում ոչ մի հանցագործություն իր արժանի գնահատականը չստացավ, որ աշխարհի գերիզոր պետությունը իբր թե չի կարողանում երկու հանրապետություններ իրար միացնող ճանապարհների անվտանգությունը ապահովել: Ինչո՞վ բացատրել, որ կենտրոնական կառավարությունը կոմունիստական դատախազության բնագավառում սոցիալիստական մրցության հաղթող է ճանաչում Մուսդալիթն ու Ադդամն այն դեպքում, երբ դեռ չի չորացել Մուսդալիթում թափված արյունը, երբ դեռ աշխարհը սպասում է հանցագործների դա-

տին: Որևէ նշանակություն չունի, թե քյուրդերը կապարատկան ապարատի որ օղակից է գուրս գալիս այդ գարշելի լկտիությունը: Ինչո՞վ ենք երաշխավորված, որ վաղն էլ Թալեաթն ու Էնվերը չեն հռչակվելու Սովետական Միության հերոսներ:

Ինչո՞վ բացատրել, որ Սասիսում գործադրված թունավորումների դեմ կենտրոնական կառավարությունը ոչ մի միջոց չի ձեռնարկում: Չէ՞ որ եթե իր մատը խառն չլիներ այդ գործում, եթե իր կամքին հակառակ լիներ միջազգային օրենքով արգելված այդ ոճրագործությունը, նա կայծակնային արագությամբ ամեն ինչ իր տեղը կդներ, ինչպես անում էր իր գոյության բոլոր տասնամյակներում:

Դեպքերի օբյեկտիվ ընթացքը ցույց է տալիս, որ այս լարված ու ծանր հետևանքներով հղի իրավիճակի կազմակերպիչները նստած են Կրեմլում:

Երբ Ղարաբաղի հայությունը ստորագրություններ էր հավաքում իր ցավը կենտրոնական կառավարությանը տեսանելի դարձնելու համար, հարևան ադրբեջանցիները ծաղրում էին նրանց ասելով... «Պուք ստորագրություններ հավաքեցեք, մենք՝ փող, տեսնենք Մոսկվայում ով կհաղթի»: Ժամանակն է պարզելու, թե ադրբեջանական ժողովրդից հավաքած միլիոնները Կրեմլում ինչ մարդկանց գրպաններ են մտել, որոնք հետևողականորեն աշխատում են երկու ժողովուրդներին հրել արյան քաղնիքի մեջ:

Չէ՞ որ Ղարաբաղը Հայաստանին վերամիավորելու հարցում օրինական, բարոյական, քաղաքական, տնտեսական ու ազգային արգելք չկա: Հայ ժողովրդի պահանջը ամենաարդարացի, ամենադժոկատական պահանջն է, որով մի ժողովուրդ պահանջում է միևնույն քաղաքական-այետական միավորման մեջ ապրել ու գոյատևել:

1988 թ., հուլիս

ԲԱՑ ՆԱՄԱԿ Մ. Ս. ԳՈՐԲՂՉՈՎԻՆ

Ամբողջատիրական համակարգի պաշտպանները, ուլքեր, սոցիալիստական հասարակարգի առկա ճեղքերն օգտագործելով, զբաղված են միայն սեփական գրպանները լցնելով, լրջորեն անհանգստացած, որ վերակառուցումն ու երկրի դեմոկրատացումը խփում են իրենց սոցիալ-քաղաքական շահերին, վճռականորեն կանգնեցին այն վիժեցնելու դիրքերում: Դրան հասնելու համար նրանք պետք է ցույց տային, որ սովետական երկրի ժողովուրդները կարող են հանգիստ ապրել միայն ու միայն մտրակի սպառնալիքի տակ:

Պետք է արժանին հատուցել նրանց փորձին ու իմաստունությանը: Նրանք ընտրեցին հսկայածավալ երկրի ամենաշիկացած այն կետը, ուր ամբողջ մի հարյուրամյակ ցարական ու սովետական վարչակարգերը չոր վառող էին կուտակել: Դա հայ-ադրբեջանական հարաբերությունների ասպարեզն էր: Նրանք ըստ ամենայնի հաշվի առան, որ սկսած Պետրոս Մեծից՝ ռուսական կայսրությունը միշտ էլ հենվել է հայության վրա, սիրաշահել մուսուլմանական աշխարհին, որ մանավանդ վերջին հարյուրամյակը բնութագրվում է հայ հայրենիքը շրջակա թուրք ժողովուրդներին կաշառք տալու և այդ ճանապարհով հավասարակշռություն պահպանելու քաղաքականությամբ: Եվ ահա վերակառուցման թշնամիները պայթեցրին հայ-ադրբեջանական հարաբերությունների արանքում կուտակված չոր վառողը:

Այս ընթացքում արդեն ցեմենտվեց ստալինիզմի ժառանգորդների և սովետական իշխանության ընթացքում Ադրբեջանի դեկավարությունը իր ձեռքում պահող պանթուրքական-մուսավաթական ընդհատակի սրբազան դաշինքը: Չպետք է մոռանալ, որ Ադրբեջանի մուսավաթականները 1920 թ. մի գիշերվա ընթացքում դարձան կոմունիստներ, որ Շուշին հրկիզող Ասլանովը իրեն հռչակեց Ղարաբաղի Ռազմահեղափոխական կոմիտեի նախագահ:

Քաղաքական այդ երկու ուժերի ամրապնդման գործում բնավ էլ երկրորդական դեր չեն խաղում ադրբեջանցիներից հավաքված այն հսկայական գումարները, որով կաշառվեցին վերջին թղթակցից մինչև բարձրադաս պաշտոնյաները: Եվ հարցի փակուղի մտնելու գաղտնիքներից մեկն էլ դա է:

Ձեր հռչակած վերակառուցման ու դեմոկրատացման լոզունգներով խրախուսված դարաբաղցին, որ միշտ քայլել է առաջավոր Ռուսաստանի առաջին շարքերում, կարծելով, թե իրոք եկել է արդարության վերականգնման ժամանակը, Ձեր իսկ տված սահմանադրական իրավունքների շրջանակներում բարձրացրեց իր ձայնը և ընկավ սևհարյուրակային Ռուսաստանի ժառանգորդների պատրաստած ծուղակի մեջ: Պետական բարձր իշխանությամբ օժտված այդ ուժերը ընդունեցին դարաբաղցիների պատվիրակություններ, նրանց միջոցով ոգևորեցին ժողովրդին և հանրագրեծով իր պահանջները ներկայացնող ժողովրդին մղեցին դեպի հրապարակներ: Ծայր առավ համազգային շարժում, որն արդեն գերազանցեց վերակառուցման թշնամիների ակնկալությունները, երկրի ու ամբողջ աշխարհի առաջ դրեց արմատական հարցեր, որոնք դարձան Ձեր հռչակած քաղաքականության փորձաքարը: Եվ եթե դա անժամանակ էր, ապա Ձեր թիկունքին դանակ խրեց ոչ թե հայ ժո-

դովորողը, այլ Ձեր կողքին կանգնած ուժերը, որոնց շրջապատում սպառնալիքի տակ է նույնիսկ Ձեր ֆիզիկական գոյությունը: Իսկ Դուք, փոխանակ վերակառուցումը սկսելու Կրեմլից, թաքցնում եք կաշառակերների այն ցուցակը, որ ժողովրդի լավագույն զավակները խիզախությամբ ունեցան հրապարակորեն Ձեր ձեռքը դնելու:

Լենինը բոլոր քաղաքական հոսանքների, կուսակցությունների ու կառավարությունների կրախի մատնվելու հիմքերի հիմքը համարում էր խոսքի ու գործի միջև եղած հակասությունը: Նայեցե՛ք Ձեր հռչակած խոսքի և իրական գործի միջև առաջացած այն ահռելի անդունդի խորքը, որ վերակառուցման թշնամիները ստեղծել են դարաբաղյան շարժման կապակցությամբ:

Աշխարհի բոլոր ժողովուրդները թոթափել են գաղութային ստրկացման լուծը: Ղարաբաղի հայությունն էլ, սովետական ազատ հասարակարգում, ուզում է ազատագրվել պանթուրքական Ադրբեջանի լծից, մի լուծ, որ գաղութատիրության համաշխարհային պատմության մեջ անկրկնելի բազմաթիվ փաստեր է արծանագրել: Ո՞ր գաղութատեր պետությունում են մանկասպան բանդիտի համար կառավարական շուքով, կառավարության ղեկավարի նախագահությամբ թաղում կազմակերպել և գերեզմանին արծան կանգնեցրել: Գաղութային ո՞ր երկրում են մթերման պլանների կատարման քողի տակ բնակչության տեղաշարժերի բուրդը հանել տարել՝ նրանց թողնելով չոր գետնին: Վերջապես, որտե՞ղ է կուսակցական ղեկավարության ձեռքով ոչնչացվել Հայրենական պատերազմի զոհերի հիշատակին կառուցված հուշարձանը, բացի Ադրբեջանում գտնվող հայկական գյուղից:

Ահա այս վիճակի մասին է, որ տեղյակ էր դարձնում վերակառուցման լուծունգներով ոգևորված դարաբաղցին՝ ակնկալելով հումանիզմի ու մարդու բնական իրավունքի հաղթանակի հնարավորություն:

Իսկ ինչո՞վ պատասխանեցին վերակառուցման թշնամիները: Նրանք այլ զենք չունեին, բացի հարցի լուծման թուրքական տարբերակից: Կուսակցական ու կառավարական ղեկավարության ակտիվ ջանքերով նրանք կազմակերպեցին աղղամցիների արշավանքը դեպի Ղարաբաղ, Ադրբեջանից ու Հայաստանից հավաքագրեցին շարդարարների մի բանակ և նախօրոք կազմած ցուցակներով եռօրյա շարդ կազմակերպեցին Սոււմգայիթում, նույնանման մեթոդների դիմեցին Սիմֆեռուպոլի, Թուրզի, Ղազախի և այլ շրջաններում ապրող հայերի նկատմամբ, քիմիական պատերազմը արգելել հռչակող պետության մեջ քիմիական զենքով հաշվեհարդար տեսնելու սպառնալիքը ցուցադրեցին Մասիսում՝ շարքից հանելով 50-ից ավելի բանվորուհիների, ժողովրդին ու

նրա արդար շարժումը վարկաբեկելու համար կազմակերպեցին «Ձվաթնոց» օդանավակայանի խայտառակ պրովոկացիան և այսօր էլ նույն արյունոտ պրովոկացիաները տեղափոխել են Ղարաբաղ:

Իրադարձությունների այս շղթան, ինչքան էլ խարդախված ներկայացնի պաշտոնական պրոպագանդան, չի կարող թաքցնել ճշմարտությունը: Իսկ ճշմարտությունն այն է, որ վերակառուցման թշնամիները գործի են դրել հսկայական պետական մեքենան՝ արյան մեջ խեղդելու ժողովրդի արդար պահանջը: Ո՞ւմ կարող եք հավատացնել, որ աշխարհի գերագոր պետությունը անգոր է իր տանը մարդու ֆիզիկական գոյության իրավունքն անգամ ապահովելու, ապահովելու բնակչության անվտանգ երթևեկությունը:

Այն ուսմունքը, որի անունից հանդես եք գալիս, քաղաքական այն դոկտրինաները, որ թմբկահարում եք աշխարհով մեկ, ոչ մի ընդհանուր եզր չունեն այն դրության հետ, որ ամիսներով Ղարաբաղը վերածվում է թշնամական ուժերով շրջափակված, աշխարհից կտրված ամրոցի: Միջնադարյան նվաճողները պաշարված ամրոցները ծնկի էին բերում նրանց գրկելով ջրից: Միջնադարյան այդ ակտն էլ կատարեցին՝ պայթեցնելով Առեփանակերտը մատակարարող ջրատարը:

Բոլորիս համար ղեկավար ուսմունքն ու գրավոր քաղաքականությունը թույլ չեն տալիս Հայաստանի ու Ղարաբաղի քաղաքական անջատում, որովհետև նրանք մի օրգանիքում են և պետք է լինեն անբաժան: Իսկ գործող քաղաքականությունը օրինականացնում է ցարերի ու Ստալինի պրակտիկան այդ հարցում: Ավելի գարշելի բան կարո՞ղ է լինել, քան այն իրողությունը, որ ամեն անգամ Ադրբեջանում անմեղ հայերի արյուն է թափվում, Հայաստանն են լցնում զորքերով: Չէ՞ որ բացարձակ ճշմարտություն է, որ այս ընթացքում ադրբեջանական ժողովուրդը ոչ մի զոհ չի ունեցել հայի ձեռքով, չնայած հարյուրավոր, եթե ոչ հազարավոր հայեր են զոհվել, տասնյակ հազարներ իրենց կյանքը փրկելու համար դարձել են անտուն ու անտեր փախստականներ: Ավելի հակամարդկային ու գարշելի բան կարո՞ղ է լինել, քան ցեղասպանության հովանավորումն ու խրախուսումը, քան ցեղասպանության դիմողներին սոց. մրցության հաղթող հռչակելը, քան այն, որ Ադրբեջանի կառավարությունը պետական որոշումով իրենն է հռչակում հայ ժողովրդի հազարամյակների նյութական մշակույթն ու պատմությունը և հանգիստ մարտում: Սա արդեն գերազանցում է ամեն տեսակի ֆաշիզմ, սա ուլտրաֆաշիզմ է:

1905 թ. ցարական սևհարյուրակային Ռուսաստանի կազմակերպած հայ-թուրքական ընդհարումներից անհրաժեշտ դասեր քաղած ժողովուրդը հանդես է բերում քաղաքական բարձր գիտակցություն ու կազմակերպվածություն՝ հույս ունենալով, որ աղբրեջանցիները վերջապես կհասկանան, որ իրենք կույր գործիք են սև ուժերի ձեռքին, և կսթափվեն: Բայց, դժբախտաբար, իշխող ուժերը Բաքվից մինչև Մոսկվա ոչ միայն այդ ժողովրդին սթափվելու հնարավորություն չեն տալիս, այլև ամեն ինչ անում են իրդեհը խորացնելու համար: Դրա հերթական դրսևորումն է աղբրեջանցի այն կեղծ փախստականների ամբոխը, որ կուտակել են Ղարաբաղում, այն հերթական կոնֆլիկտը, որ կազմակերպեցին Ստեփանակերտի շուրջը:

Վերջին իրադարձությունները ցույց տվեցին հուլիսի 18-ի որոշման սնանկությունը, ցույց տվեցին, որ առանց հարցի քաղաքական լուծման վերակառուցման թշնամիները շարունակելու են դրությունը շիկացնել՝ գործի դնելով պետական իշխանության բոլոր միջոցները:

Չպետք է անտեսել, որ ղարաբաղյան պրոբլեմը դուրս է եկել գուտ հայկական, կամ երկու ժողովուրդների կոնֆլիկտ լինելու շրջանակներից և ձեռք բերել համասովետական բովանդակություն, իր վրա վերցրել վերակառուցման ճակատագրի բեռը: Չպետք է անտեսել, որ այսօր կանգնել ենք երկու Ռուսաստանի փաստի առաջ, որ պաշտոնական Ռուսաստանն իր շէրքից կիցների և նման հաստավիզ պարոնների բերանով բնավ էլ չի արտահայտում արթնացող դեմոկրատիայի շահերը:

Երբ դուք Կրասնոյարսկում էիք այնտեղի հուզումները հանգստացնելու համար, Սովոսիբիրսկի արվեստագետները երևանում բարեգործական համերգներ էին տալիս հոգուտ Ղարաբաղի: Այսօր Երևանի Ազատության հրապարակում հայի կողքին հացադուլի են նստել քուրդը, եզդին, ուկրաինացին, ռուսը և պահանջում են հարցի արդարացի լուծում: Սա արդեն այն ճշմարիտ ինտերնացիոնալիզմն է, որ դուրս է եկել պաշտոնական Ռուսաստանի ստալինյան ինտերնացիոնալիզմի դեմ և դառնում է մի ուժ, որի դեմ անգոր է պատժիչ ջոկատների ու տանկերի սպառնալիքը:

Ղարաբաղյան հարցի արդարացի լուծման պահանջն այսօր ամբողջ սովետական դեմոկրատիայի պահանջն է: Փոքրիկ Ղարաբաղը դարձել է ոչ միայն հայ ժողովրդի ազգային, այլև ողջ Միության սոցիալ-քաղաքական հարցերի լուծման կուլմինացիան: Վերջին հաշվով վերակառուցողական եռամյա քամի քշելուց հետո մի կետից պետք է սկսե՞ք վերկառուցում, թե՞ ոչ: Չէ՞ որ փակուղու մեջ է նաև վերակառուցման

հարցերի հարցը՝ երկրի սոցիալ-տնտեսական վերափոխումը: Ոչ մի բարոյական քաղաքացի չի կարող հաշտվել այն իրողության հետ, որ միլիոնների արյուն-քրտինքով ստեղծված բարիքները առայժմ վերակառուցման քողով մտնում են մասնավոր գրպաններ:

Դուք պարտավոր եք արդարացիորեն լուծել ղարաբաղյան հարցը՝ հրաժարվելով թուրքական տարբերակից ու տանկերից: Այստեղից է սկիզբ առնում համընդհանուր ու ճշմարիտ վերակառուցումը: Ղարաբաղն էր այն փոքրիկ, բայց հերոսական միջավայրը, ուր բարձրացավ ձեր հռչակած հեղափոխական վերակառուցման դրոշը: Ունատակ մի տվեք այդ դրոշը:

1989 թ.

ՊԱՐԶՅԱԼ ՓԱՍՏԵՐԻ ԵՆՇԱՆ ՏԱԿ

Հավասարության ու եղբայրության, ազգերի լեճինյան ինտերնացիոնալ բարեկամության կարգախոսների թիկունքում, որպես Լենին-Աթաթուրք գործարքի տրամաբանական շարունակություն, 1921 թվականի հունիսի 5-ի Կավբյուրոյի որոշումով Ղարաբաղը հանձնվեց Աղբրեջանի ողորմածությանը և ընկավ այնպիսի պայմանների մեջ, որն անծանոթ էր համաշխարհային գաղութատիրության հինգհարյուրամյա պատմությանը: Եթե գաղութատիրության բնորոշ գիծը գաղութների անխնա շահագործումն ու թալանն էր, պանթուրքիզմի ցնորամիտ ծրագրերով հարթած աղբրեջանական վերին շրջանները, խրախուսված Մոսկվայի թողտվությամբ, դրան գումարեցին Ղարաբաղը իր բնական տերերից մաքրելու, Մեծ Թուրանի ստեղծման ճանապարհին ընկած այդ պատմեշը ևս հալեցնելու քաղաքականությունը: Ստրատեգիական այդ նպատակն իրականացնելու համար նրանք կանգ չեն առել ու կանգ չեն առնում բարոյական ու ամբարոյական որևէ միջոցի առջև: Մասնագետ գիտնականների պատկառելի կոլեկտիվ է հարկավոր տասնամյակների շերտավորված իրողությունները համակարգելու համար:

Սիաժամանակ ղարաբաղցին, սկսած 1921 թվականից, և ոչ մի օր չի հաշտվել իր վիճակի հետ, անընդհատ պայքարել է ելք գտնելու համար՝ ամեն հինգ տարին մեկ գոհասեղանին դնելով իր լավագույն գավակներին, որոնք կան կյանքով, կան սիրիոյան տայգաներով են հատուցել: Կասկած չկա, որ համընդհանուր վերակառուցման այս ժխորում ղարաբաղցին լռել չէր կարող, մանավանդ որ նա միամտորն կար-

ծում էր, թե վերջապես վրա է հասել իր ցավը բուժելու ամենահարմար ժամանակը: Սակայն ոչ մի անգամ դարաբաղյան հիմնահարցը ռեգիոնալ շրջանակներից դուրս չէր բերվել, չնայած պայքարի ձևերն ու մեթոդները բոլոր ժամանակներում էլ նույնն են եղել՝ բողոք-խնդրանք, համախոսականներ, պատվիրակություններ ու անհատական խիզախումներ՝ կենտրոնից հարցի արդարացի լուծման ակնկալիքով:

Ո՛վ դարաբաղյան հարցը դուրս բերեց լայն ասպարեզ, դարձրեց համաշխարհային մի նոր շարժման ազդանշան ու սկիզբ, դարաբաղյան ալիքը հասցրեց մինչև բեռլինյան պատը: Պատասխանը միանշանակ է՝ Մոսկվան և միայն Մոսկվան՝ մեզ համար առայժմ անբացատրելի ու մութ քաղաքական նկատառումներով:

Խաբված արդարության վերականգնման լուզուճգներով՝ դարաբաղցին իր ցավը լսելի դարձնելու հերթական քայլը կատարեց մի ամսվա մեջ երեք պատվիրակություն ուղարկելով Մոսկվա: Առաջին պատվիրակությունը կազմում էին անասնապահ, տրակտորիստ ու հողագործ, վերջինը՝ «բարձր» մտավորականությունը՝ ի դեմս «ծիտիկ» երգող մանկագրի: Կրեմլի դռները, որ 70 տարի պարսպապատված էին հասարակ մահկանացուների առաջ, հանկարծ բացվեցին դարաբաղյան պատվիրակների համար: Այնտեղից երկդիմի խոստումներով ու «կարմիր հույսերով» այնպես ոգևորեցին ժողովրդին, որ վերջինս դուրս եկավ հրապարակ: Իսկ երբ դարաբաղցին իր վճռական խոսքն էր ասում ստրկության դեմ՝ հենվելով նոր քաղաքականության ընձեռած օրինական միջոցների վրա, Ադրբեջանի կոմկուսի Կենտկոմի պատասխանատու աշխատողը նրան սպառնում է հարյուրհազարանոց գաղտնի բանակով, որը կարող է Ղարաբաղը մոխրի վերածել: Առաջին պլան է մղվում հարցի լուծման, այսպես կոչված ադրբեջանական տարբերակը, որը ոչ այլ ինչ է, քան Չինգիզ խանից, Լենկթեմուրից ժառանգված և քաղաքակրթությանը հասցրած ավերածությունների հազարամյա փորձից հանված հոգևոր կտակ: Շուտով սպառնալիքը վեր է ածվում գործողության: Կենտկոմի քարտուղար Բադիրովը Դեմիչևի, Ռազունովսկու, Կատուսևի և մյուսների աչքի առաջ (գուցե և խրախուսանքով կամ հարկադրանքով) կազմակերպում է աղղամցիների բազմահազարանոց արշավանք դեպի Ղարաբաղ: Բայց քանի որ աղղամցիները իրենց դեմ կանգնած ուժ տեսան, որի հետ ընդհարվելու դեպքում իրենք էլ գոհեր կտային, մեջտեղ հանեցին ադրբեջանուհու լաչակը, որը մոլորեցրեց միայն Եվտուշենկոյի պես անտեղյակ մարդկանց: Չախողված արշա-

վանքի վրեժը լուծվեց Սումգայիթում և ադրբեջանական մյուս քաղաքներում, ուր հայերը ինքնապաշտպանության հնարավորություն չունեին: Այստեղ ևս վճռական տեղը բռնում են վերականգնման կրեմլյան թշնամիները: Աղղամում սպանում են երկու ադրբեջանցու: Կատուսևը այն վերագրում է հայ-ադրբեջանական ընդհարմանը՝ բարոյաքաղաքական արդարացու մախապատրաստելով սումգայիթյան ցեղասպանության համար:

Կատարած ահավոր ոճրագործություններից ուշքի չեկած ադրբեջանցուն զգաստացնելու է գալիս Լիզաչովը, որի այցելությունը Բաքու նոր սկիզբ է դառնում հայ-ադրբեջանական առձակատման: Այս անգամ արդեն ադրբեջանական քաղաքներից ու հայաբնակ շրջաններից ջարդի ու կոտորածների սպառնալիքով դուրս են մղում հայերին՝ շատ դեպքերում տնային շորերով ու ոտաբոբիկ: Ադրբեջանի բազմաթիվ բնակավայրերում հայերի դուրս մղումը կատարվում է կուսակցական ու պետական ղեկավարների ու բանակային միավորումների ջանքերով ու մասնակցությամբ: Միայն Բաքվում կես միլիոնից ավելի հայեր գրկվում են տուն ու տեղից, ցրվում Միության բոլոր գուգահեռականներով: Այդ ամենին գուգահեռ սկիզբ է առնում Ղարաբաղի բլրկադան՝ միջնադարյան բարբարոսությունները հիշեցնող ավազակային մեթոդներով: Բանը հասնում է այնտեղ, որ մի փոքրիկ գյուղ փակում է ճանապարհը՝ մարզի բնակչությանը գրկելով երթևեկելու հնարավորությունից, և այն էլ Զատուկ դրության ու պարետային ժամի պայմաններում: Նույնիսկ բանակի հայ փոխգնդապետը պետական ճանապարհով անցնելիս ընկնում է վայրենի ջարդի տակ, իսկ հանցագործները ոչ միայն չեն պատժվում, այլև շարունակում են իրենց կլտի գործողությունները: Զավատա՞նք, որ աշխարհի սարսափ գերիգոր պետությունը անգոր է այդ ամենը կարգավորելու գործում...

Պատմությունը ցույց է տալիս, որ քաղաքակրթության ամենաստորին աստիճանում գտնվող պետություններում անգամ ամեն մի հանցագործություն ստացել է իրեն արժանի գնահատականը: Իսկ XXI դարի շեմին հասած Կրեմլը իր պաշտպանության տակ է առնում մարդակերությունից մարդասպանության աստիճանի հասած բարբարոսությունը, մի ամբողջ ժողովրդի հետևողականորեն ներշնչում անպատժելիության հանդուժումը: Աշխարհին ենք թողնում գնահատականը այն իրողության, երբ սումգայիթյան ահավոր ոճրագործությունից երկու ամիս հետո Մոսկվան Սումգայիթն ու Աղղամը ճանաչեց որպես սոցիալիստական մրցության հաղթող երիտասարդության ինտերնացիոնալ դաստիարակության բնագավառում: Ահա թե Մոսկվան որտեղ է հասցնում ժողովուրդների լեհինյան ինտերնացիոնալիզմի պրակտիկան:

Իսկ ձեռնարկված միջոցառումները, հուլիսի 18-ը և հունվարի 12-ը: Ժողովրդի արդար պահանջը կատարելու փոխարեն վերացվեց սովետական իշխանությունը Ղարաբաղում, մտցվեց Հատուկ կառավարման սխեմ, որը վատթարագույնն է ամեն կարգի օկուպացիոն իշխանությունից: Մարզի հայ բնակչությանը շղթայելով գործերի պողպատյա օղակով՝ Հատուկ կոմիտեն հետևողականորեն մարզը ադրբեջանականացնելու քաղաքականություն է իրականացնում: Պարետային ժամը խախտելու պատրվակով սեփական բակում քայլող հայ կնոջը ջարդելով պարետատուն են տանում, երկրով մեկ հայտարարում որպես օրինախախտ, իսկ մի քանի կիլոմետր այն կողմ գտնվող ադրբեջանական գյուղերում գիշերներն անգամ հզոր լուսարձակների տակ շինարարություն են կատարում, ագրեթուրքերով չբավարարվելով, Միջին Ասիայից բռնագաղթեցված մեսխեթ թուրքերին են խոթում այնտեղ, որպեսզի մարզի կենտրոն Ստեփանակերտ քաղաքը շրջափակեն այլազեղ եկվորների անանցանելի շղթայով:

Իսկ ինֆորմացիայի կենտրոնական միջոցները՝ Իրականության աղավաղման, ամեն ինչ ծուռ հայելու մեջ ցուցադրելու, շեշտված հակահայկական դիրքորոշման մեջ նրանք վաղուց առաջ են անցել գերելսյան պրոպագանդայից՝ բանը հասցնելով այնտեղ, որ իբր հայերը գինավորականներին սիրաշահելու համար կանայք ու աղջիկներ են առաջարկում նրանց երևանով: Իսկ թե ինչո՞ւ են երևանը գործերով լցրել, միայն իրենց գիտենալիքն է:

Այդքանից հետո ինչպե՞ս մեղադրենք քաղաքականության մեջ գալառական դերասանի անուն վաստակած Վեգիրովին, որ պարծենալով հայտարարում է, թե իրենք յոթ միլիոն են և հեշտությամբ կոչնչացնեն հայերին: Այսքանից հետո հասկանալու և բացատրելու դժվարություն չի ներկայացնում բունիաթովների և անարների վարքագիծը:

Երկիրը կեղեքող, երկիրը անկումից-անկում տանող կնճռոտ հարցերից և ոչ մեկն էլ Մոսկվան առ այսօր չի լուծել և ցույց չի տալիս լուծելու մշաններ: Ինչպես դարաբաղյան, այնպես էլ շատ ու շատ այլ հարցերում Մոսկվան բռնել է իրողությունները մեխանիկորեն բարդացնելու ու խճճելու կուրս, որը շղթայական ռեակցիայով հարցականի տակ է դնում ոչ միայն վերակառուցման ճակատագիրը, այլև երկիրը կանգնեցնում է ազգամիջյան պատերազմների ու քաղաքացիական կռիվների ռեալ սպառնալիքի տակ: Հասունացած հարցերը պետք է լուծում ստանան, ուրիշ բանական միջոց չկա:

Մի քանի տասնամյակ առաջ սպիտակամորթ դեսպաններ ուտող աֆրիկյան նեգրերն անգամ ձեռք են բերել ազատություն ու անկախու-

թյուն: Ղարաբաղում միակ պահանջը ադրբեջանական գաղութային ստրկացումից ազատագրվելն է: Ահա այս պետք է հասկանան ժողովրդի կամքի արտահայտիչ պատգամավորները և ամեն ինչ անեն ինչպես այս, այնպես էլ հասարակական կյանքի առաջ կանգնած բոլոր անհետաձգելի հարցերը լուծելու համար: Նրանք ուժ կունենան՝ վնասագերծելու բրեժնևյան լճացման «չկոլայով» անցած, կաշառակերությանը ու կաշառատվությանը պետական իշխանությունը իրենց ձեռքը հավաքած գորավոր ուժերին:

1990 թ.

ԳՐԲԱՉՈՎԸ ՊԵՏՔ Է ՂԱՏՎԻ*

«Այդ, Գուտինիանոսը որպես մա՞րդ կյանքից պիտի հեռանա, թե՞ իր կյանքը պիտի խորտակի որպես դևերի արքա, ճշմարիտը կիմանան նրանք, ովքեր այն ժամանակ գոյություն կունենան»:
Պրոսկոպիոս Կեսարացի, «Գաղտնի պատմություն»

Արցախյան վերջին իրադարձությունները ջարդուփշուր արեցին բոլոր դիմակները, ամբողջ խորությամբ ցուցադրեցին վարչակարգի իսկական պատկերը:

Գետաշենում պատանդ վերցված գնդապետի մոտ հայտնաբերվեց նախօրոք ծրագրավորված ռազմական գործողությունների մանրամասն պլանը և փաստաթղթեր, թե ինչ նպատակով է կատարվում այդ ակտը: Նույն ձեռագիրն է, նույն մեթոդները, սկսած այն օրից, երբ ազգերի ազատ ինքնորոշման իրավունքը դրոշ դարձրած Լենինը ձեռնամուխ եղավ Ռուսական կայսրության վերանվաճմանը՝ կրկին ստրկական լծի տակ դնելով կայսրության ազատատենչ ժողովուրդներին, մինչև աղվանական ագրեսիան: Նորությունն այն է, որ Գետաշենի ենթաշրջանում չկարողացան ճարել «հեղափոխականորեն տրամադրված պրոլետարիատ» կամ մի Բաբրակ Քարմալ, որոնց անունից սկսեին ագրեսիան և «համեստորեն» լռեցին «ազատարար» բանակի «ինտերնացիոնալ պարտքի» մասին:

Արցախյան իրադարձությունները մինչև վերջ մերկացրին Գորբաչովին, անառարկելիորեն հաստատեցին, որ վերջին չոք տարում երկրում կատարված բոլոր չարիքների հեղինակն ու գործողության մեջ դնողը

* Առաջին անգամ տպագրվել է «Զով Արցախ» թերթում, 1991 թ., թիվ 6, այնուհետև՝ «Արցախական» թերթում, 1991 թ., թիվ 14:

անձնապես ինքն է՝ սկսած Ղարաբաղյան շարժման հրահրումից մինչև Սուվապիթում ու Բաքվում կատարված մարդակերությունը և հետագա մյուս արյունահեղությունները:

Այսօր Արցախը հայաթափելու համար նա գործողության մեջ է դրել էնվերի ու Թալեաթի փորձը. բանակի ու աղյուրեցանական ՕՍՈՆ-ի համատեղ ուժերով հայկական գյուղերից նախ կալանավորում ու տանում են 17-50 տարեկան տղամարդկանց, հետո մնացած բնակչությանը դուրս բշում բնակավայրերից:

* * *

Գեկաբրիստական ապստամբությունը ճնշելուց անմիջապես հետո Նիկոլայ Առաջինը ստեղծեց հատուկ մի ծառայություն՝ Երրորդ բաժանմունք, որն ամիսը երկու անգամ պետք է գեկուցեր հսկայական կայսրության մեջ կատարված ամեն ինչի մասին, որը կարող է կասկածելի համարվել ինքնակալի կամքի ու պետության շահերի տեսակետից: Լենինը ծայրահեղ կատարելագործման ենթարկեց այդ համակարգը՝ ստեղծելով ամենատես, ամենագոր, ամենակարող ՉԵԿԱ-ՊԱԿ-ը, որն իր անշուշտ փեյի շոշափուկներով գիտե, թե Միության յուրաքանչյուր քաղաքացի ինչով է շնչում: Ավելի քան 150 տարի է, ինչ կայսրությունում որևէ պատժամիջոց չի կարող կիրառվել առանց ինքնակալի կամքի ու թույլտվության: Դա բխում է ստրկատիրական վարչակարգի էությունից, ուր բոլորը հիերարխիկ սանդուղքով պատասխանատու են կատարվածի համար, բացի մեկից՝ բուրգի գազաթը զբաղեցնողից:

Իր գոյության վերջնակետին հասած, պատմական անխուսափելիությամբ կործանման դատապարտված կայսրությունը փրկելու համար կրեմլյան վարչակարգը 1985 թ. ձեռնամուխ եղավ հերթական պրոպագանդիստական խարեության՝ հռչակելով արագացում, վերակառուցում, դեմոկրատացում: Չէ՞ որ նախորդ տասնամյակներին ևս նման ազգակից բառերի ծխածածկույթով էին քողարկում երկրի տնտեսական ու քաղաքական ծախողումները, հրաշալի ստերով մոլորեցնում ժողովրդական մասսաներին: Ժողովրդին ստրուկների կույր զանգված դարձնելուց հետո Ստալինը հայտարարում էր, թե իր սերունդը կապրի կոմունիզմի օրոք: Խրոշչովը 1960 թ. սահմանեց կոմունիզմին հասնելու տարեթիվը: Բրեժնևը հերթական, փոքրիկ ստերով էր կերակրում ժողովրդին: Ստալտուսության մեջ ո՞ր տիրակալից էր պակաս Գորբաչովը...

Սակայն դանակն արդեն ոսկորին էր հասել, գեղեցիկ ստերի փոխա-

րեն ժողովուրդն արդեն պահանջում էր իրական տեղաշարժեր, որ չէր կարող տալ ամբողջատիրական վարչակարգը: Ամբողջատիրությունն ու կայսրությունը մի անբաժանելի միասնության մեջ պատկերացնող կոմունիստական վերնախավը, համոզվելով, որ այլևս հնարավոր չէ ստով փրկել վարչակարգն ու կայսրությունը, 1987 թ. անցավ հակահարձակման երկու գլխավոր ուղղություններով:

Առաջինը առանց այն էլ կաթվածահար տնտեսական կյանքի կազմալուծումն էր՝ «վերակառուցողական» ռեֆորմների ու շուկայական հարաբերությունների ծրագրերով, ծրագրեր, որոնք հրապարակ էին իջել չգործելու համար՝ ստատեգիական նպատակ ունենալով սովի ոսկրոտ ծեռքով 300 միլիոնի սանձահարումը: Այլապես մի կողմ կշարտեին հաստավիզ ու դատարկագլուխ ակադեմիկոսներին իրենց փուչ ծրագրերով, որպեսզի ժողովուրդը մի ելք ճարի: Չէ՞ որ իրենց մարգարեն ունի նման ցուցում: Բայց այդ նույն մարգարեն մարդակերության հասնող սովի, արյան ու տեռորի զենքով վերանվաճեց կործանված ռուսական կայսրությունը, նույն զենքով Ստալինը կառուցեց «սոցիալիզմը», նույն մեթոդներով Գորբաչովը փորձում էր փրկել կայսրապետությունն ու տոտալիտարիզմը:

Երկրորդը ազգամիջյան թշնամանքի ու կոտորածների բորբոքումով ենթակա ժողովուրդների մեջ անգորության ու անպաշտպանվածության զգացումի խորացումն էր, որը պետք է հարկադրեր նրանց ամուր բռնելու հզոր կենտրոնի փեշից, իր ճակատագիրը անվերապահորեն հանձնելու այդպիսի կենտրոնի տնօրինությանը: Եվ այդ ամենը վերակառուցման ու դեմոկրատացման դրոշի թիկունքում, դրոշակակրի կեցվածքով, բայց «դեմոկրատիզմի» ամենասանձարձակ, ամենաավագակային դրսևորումով:

Կորցնելով սոցիալական ու քաղաքական ամեն մի հենարան՝ Գորբաչովն այժմ էլ, որպես վերջին հույս, ձեռք է մեկնել բանակին: Այստեղ ևս բորբոքում է խուճապային տագնապ զինծառայողների վաղվա անմխիթար օրվա հեռանկարով, որպեսզի կարողանա այդ ամենահզոր բռնուցքը օգտագործել սեփական (""ժողովրդի դեմ՝ նրան վերջնականապես համակենտրոնացման ճամբարին հնազանդեցնելու համար: Այսօր նա բանակը պատժիչ գործիք է դարձրել ոչ միայն հեռավոր Արցախում կամ անհնազանդ հանրապետություններում, ուր հարկ եղած դեպքերում անխնա կոտորում է հպատակներին կամ «հերոսական» գրոհով զավթում հեռուստաշտարակներ, այլև մի խաղաղ ցույցի առաջացրած սարսափից մղված մայրաքաղաքը լցնում է զինված զորամիավորումներով՝ անհրաժեշտության դեպքում իր գործը տեսնելու համար:

Կայսրապետության համար չկան առանձին ազգեր ու ազգություններ, կա միայն հպատակների զանգված և մի ժողովուրդ, որի անունից նա հանդես է գալիս, և պատուհասող ծեռքը գործում է երկրի ցանկացած կետում: Վերջին վկաներից մեկը դեմոկրատների շենքի պայթեցումն է մայրաքաղաքում:

Այս ամենը վկայում է, որ վարչակարգը անվերապահորեն ընտրել է ջարդերի ու տեռորի միջոցով ժողովրդին վերաստրկացնելու ուղին: Կայսրության ժողովուրդների հրամայական խնդիրը վարչակարգին այդ հնարավորությունից զրկելն է: Իսկ դրան հասնելու միջոցներից մեկն էլ ցուցադրելն է Գորբաչովի ու նրա շրջապատի առ այսօր կատարած ոճրագործությունները մարդկության դեմ:

Ժամանակագրական հաջորդականությամբ ու ոճիրի ահագնությամբ առաջին տեղը առ այսօր զբաղեցնում է չեռնոբիլյան աղետը:

Պատմության վաղնջական ժամանակներից սկսած թշնամական երկրների գերի ընկած զինվորներին եթե չէին ոչնչացնում, ստրկացնում էին, ստրուկների «ավելցուկն» էլ վաճառքի հանում միջազգային շուկաներում: Այս երևույթի հետագա զարգացումը հանգեց լենին-ստալինյան ու հիտլերյան համակենտրոնացման ճամբարներին՝ իրենց հայտնի հետևանքներով, որը հաջողությամբ շարունակվեց բրեժնևյան Ռուսաստանում, շարունակվում է Թուրքիայում և Իրաքում:

Չեռնոբիլը սեփական ժողովրդի գլխին պայթած աղետ էր, որի համար վարչակարգը գուցեև տվյալ պահին մեղավոր չէր և կարող էր աղետը տեսանելի դարձնել աշխարհին: Սակայն վարչակարգի պարագլուխը, գերի ամեն ինչ քաղաքական ամբիցիային ստրկացնելու գաղափարական կողմնորոշմանը, խաչ քաշեց միլիոնների ճակատագրի վրա: Թող միլիոնները կոտորվեն, միայն թե կոմունիստականի սովետը տեսանելի չլինի: Ստրկական համակերպությամբ հնազանդ մեռողների լեզուն բացվեց միայն դարաբաղյան ընթացության շնորհիվ, և այսօր աշխարհը ծեռք է մեկնում թշվառներին: Իսկ Գորբաչովը հեշտությամբ մի խեղճ առողջապահության միմիստրի ու մի քանի «մանրապճեղ» չինովնիկների աշխատանքից ազատելով, իսկ հետո էլ մի քանի չինովնիկների դատի տալով՝ սեփական հանցանքը զգեց նրանց ուսերին և պոչը ազատեց չոր ու ցամաք: Այդ ինչպե՞ս է, որ նա գիտեր, թե օրերի հաջորդականությամբ ինչեր են ասել իր ու իր կնոջ մասին Երևանի Ազատության հրապարակում 1988 թ. ցույցերի ժամանակ և Մոսկվայի տրամվայներում, իսկ չէր իմանում Չեռնոբիլի ահավոր աղետի հետևանքների մասին:

Չեռնոբիլյան ողբերգության հետևանքների հարցում առաջին հան-

ցագործը Գորբաչովն է, որը աշխարհից թաքցրեց աղետի չափերը և պետք է պատասխան տա մարդկության դեմ կատարած ոճրագործության համար:

Մարդկության դեմ Գորբաչովի հերթականորեն հաջորդ ոճրագործությունը Միության ժողովուրդներին իրար դեմ թշնամացնելն ու ազգամիջյան կոտորածներ հրահրելն է, որի չափերը գնալով ահագնորեն մեծանում են: Պա մի երևույթ է, որը, սկսած Բաբելական աշխարհակալությունից, բոլոր կործանվող կայսրությունների համար անխուսափելի ուղեկցի դեր է կատարել, չնայած չի կարողացել դրությունը փրկել: Որ Միության ժողովուրդների փոխադարձ թշնամանքի ու արյունահեղության կազմակերպիչը կենտրոնն է՝ Գորբաչովի ղեկավարությամբ, երևում է իրադարձությունների կոնկրետ դրսևորումներից: Այդ ամենը ջրի պես պարզ է հայ-ադրբեջանական առճակատման օրինակում, որը տրաֆարետի պես կրկնվում է ամենուր:

«Վերակառուցման» ողջ ընթացքում հայ-ադրբեջանական հարաբերությունները խառնելուց ազգամիջյան կոնֆլիկտներ հրահրելը այն եզակի դեպքն է, երբ կարելի է ասել, որ Գորբաչովը իր դաիճությունը՝ ճիշտ կետից սկսեց: Բանն այն է, որ սկսած 1877-1878 թթ. ռուս-թուրքական պատերազմից՝ հայ ժողովրդին դարձրել են երկու հզոր տերությունների պետական հարաբերությունների կարգավորման առարկա, և մի ամբողջ հարյուրամյակ տարբեր ձևերով, բայց անընդմեջ շարունակվում է հայերի ցեղասպանությունը, որը հսկայական չոր վառող էր կուտակել նաև հայ-ազերական հարաբերությունների արանքում: Բավական էր մի փոքրիկ կայծ, որ վառողը պայթեր, իսկ Գորբաչովը կայծի փոխարեն կրակ մետեց վառողի վրա:

Քանի որ այդտեղից սկսեց Գորբաչովը՝ օգտագործելով ցարական վարչակարգի 1905-1906 թթ. փորձը, և շարունակեց գործել Էնվերի ու Թալեաթի մեթոդով, ներկայացնում ենք միայն իրադարձությունների սկիզբը ցուցադրելու համար կոմունիստական գործելակերպի մեխանիզմը, որն ընկած է բոլոր միջադեպերի հիմքում, մինչև Օշ, Տալլին, Ղյուսիսային և Չարավային Օսեթիաներ:

1987 թ. հունիսին հայ գրականության օրեր կազմակերպեցին Բաքվում, և այդ «բարեկամական» հանդիսությունների ժամանակ «Բակինսկի ռաբոչի» պաշտոնաթերթը երկու անգամ վերածեց ՉԽՄԳ պետական գերբը: Նույն օրերին հավաքեցին Ղարաբաղի հայության որսորդական հրացանները: Ձուգահեռաբար այդ օրերի Գորբաչովի մերձավոր օգնական Ադամբեկյանը միջազգային մամուլի միջոցով հայտարարեց, թե վերակառուցումը լուծելու է նաև Նախիջևանի ու Ղարաբաղի հարցը: Օ-

գոստոսին Շամխորի շրջկոմի քարտուղարը տասնյակ գեներալներ ու երկու մարշալ տված Չարդախլու հայկական գյուղից պահանջեց 500 հա հող տալ հարևան ադրբեջանական գյուղին: Առաջացավ հայտնի կոնֆլիկտը, ուր առաջին անգամ երևաց կենտրոնի խառնակիչ ձեռքը: «Իզվեստիայի» խմբագիրը չհավատաց Չարդախլու գործուղած իր աշխատակցին, անձամբ մեկնեց Բաքու և Շամխոր, առանց միջադեպի վայրը ներկայանալու վերադարձավ Մոսկվա և աշխատանքից ազատեց իր աշխատակցին: Վերջինիս հաջողվեց «Սելսկայա ժիզնում» տպագրել կոնֆլիկտի մասին իր հաղորդումը (1987, 24 դեկտեմբերի):

Կրեմլի պարագլուխների համար երկնքից ընկած մանանայի արժեք ստացավ Ղարաբաղյան շարժումը: Գորբաչովյան ճռճռան ֆրագոլոգիայով խաբված մի երկու դարաբաղցի անասնապահ, տրակտորիստ, այգեգործ, իրենց յոթանասունամյա ցավերը ներկայացրին Կրեմլին: Կրեմլը, որ իր դռները հեշտությամբ չէր բացում նույնիսկ հանրապետությունների ղեկավար պաշտոնատարների առաջ, անմիջապես ներս ձգեց այդ գյուղացիներին, հուսադրեց, թե ավորեց նրանց: Մի ամսվա մեջ Կրեմլը ընդունեց Ղարաբաղյան երեք պատվիրակություն, «կարմիր հույսերով» խաբեց նրանց՝ այդ ձևով հարկադրելով, որ Ղարաբաղցին դուրս գա հրապարակ: Արդյունքը փետրվարի 20-ի պատմական ակտն էր, որի պատասխանը Գորբաչովը շարտեց հայերի չորրորդ պատվիրակության երեսին. «Դուք իմ թիկունքին դանակ խրեցիք»:

1921 թվականից Ղարաբաղցին իր ցավը անընդմեջ լացել է բողոքագրերի ու հանրաքվեների միջոցով, որով Կրեմլի արխիվներում կուտակվել է հսկայական փաստաթուղթ: Կրեմլը Ղարաբաղցուն հարկադրեց, որ դուրս գա հրապարակ:

Ղարաբաղյան շարժմանը զուգահեռ Գորբաչովը շարժման մեջ դրեց ամենակույ պետական մեխանիզմը: Անմիջապես էմիսարներ ուղարկեց Չայաստան ու Ադրբեջան, որոնք ավելի բորբոքեցին առձակատունը հասցնելով այն սոււմգայիթյան ցեղասպանության: Չայաստան գործուղված էմիսարներ Լուկիանովն ու Դուլգինը այն օրերին Չայաստանի կոմկուսի ղեկավարությանը պատին սեղմած պահանջեցին ընդունել, թե հայ ժողովուրդը էքստրեմիստ է, նրա պահանջը՝ ազրեսիա: Ադրբեջան գործուղված էմիսարներ Ռազունովսկին, Դեմիչևը, Կատուսևը և ուրիշներ լեզալացրին յոթանասուն տարի իշխանության գլուխ կանգնած պանթուրքական ընդհատակը և համատեղ գործակցությամբ Անդրկովկասի ողջ տարածքից Սոււմգայիթ հասցրին ադրբեջանական ժողովրդի տակնաքին, նախօրոք պլանավորված ծրագրով իրականացրին 18 000 հայության ջարդն ու տեղահանությունը երկի

նրանց այն «մեղքի» համար, որ իրենք են կառուցել այդ քաղաքը այն ժամանակ դեռևս քոչվորական կյանքով ապրող ադրբեջանցիների համար:

Կրեմլյան էմիսարների ձեռքով ամեն ինչ նախապատրաստելուց հետո Գորբաչովը անձամբ տվեց ջարդի հրահանգը «անկանխատեսելի հետևանքներ» կանխատեսնող իր հայտնի նամակով, իսկ քաղաքում կանգնած զորքին վերապահեց լուռ ականատեսի դեր: Նա սուտ է ասում, թե զորքը երեք ժամով ուշացել է: Չորքը ջարդերի երեք օրն էլ կանգնած է եղել քաղաքում, և ինչպես պարզվեց արցախյան վերջին իրադարձություններից, զորքը կանգնած է եղել նրա համար, որ հայերի դիմադրության դեպքում միանա ջարդարարներին:

«Ղարաբա՞ղ եք ուզում, ի՞նչ եք մտածում Բաքվի 230 000 հայերի ճակատագրի մասին» դիրեկտիվով Գորբաչովը հայերից մաքրեց Բաքուն և Ադրբեջանի հայաշատ շրջանները, այդ թվում Ղարաբաղի մեծության հայկական մի տարածք ևս՝ պատմական Գարդմանը (Շամխորի, Դաշքեսանի, Խանլարի շրջանները): Կշեռքի թաթերը հավասարեցնելու պատրանք ստեղծելու համար Գորբաչովը գորքի միջոցով տեղափոխեց նաև Չայաստանաբնակ ադրբեջանցիներին: Մի կողմից գալիս էին տնային հագուստներով, ոտաբորիկ ու ջարդված զանգվածներ, մյուս կողմից տեղափոխում էին իրենց հետ տանելով սեփական հավերի ջրամանն անգամ:

Այս ամենի հեղինակն ու կազմակերպիչը Գորբաչովն է: Ղարձա՞լ ապացույց: Սոււմգայիթյան եղեռնի դատական կոմեդիան և նրան հաջորդած բոլոր իրադարձությունները, ընդհուպ մինչև պետականորեն Ադրբեջանին զինելը ժամանակակից գեներով ու բանակը նրան տրամադրելը, իսկ Ղարաբաղի հայությանը՝ ջարդ, թալան, ու դեպորտացիա՝ գեներ ու գրոհայիններ հայտնաբերելու պատրվակով:

Մարդկության դեմ կատարած հանցագործությունների համար Գորբաչովն ու նրա շրջապատը պետք է կանգնեն միջազգային դատարանի առաջ և պատասխան տան: Պետք է կանխել օրավուր անհազանցող չարիքը և մարդկությանը փրկել ավերումի շղթայական ռեակցիայից: Երբ գործողության մեջ են դրվում ջարդն ու ոչնչացումը, աշխարհը չի կարող փրկվել անզոր ժողովուրդների կործանումով: Մարդկությունը չպետք է բաժարարվի կործանվողների չեզոք ականատեսի դերով:

ԲԱՅ ՆԱՍԿ ՈՂ ՊԵՏԱԿԱՆ ՂՈՒՄԱՅԻՆ*

Երբ լրատվամիջոցները սկսեցին քննարկել «Դարի պայմանագիրը», չկարողացա չգրել այս նամակը՝ որպես երեկվա ու վաղվա միասնական պետության քաղաքացի: Բայց տեսնելով, որ ռուսական քաղաքական էլիտան հաղթական կեցվածքով զբաղված է Ռուսաստանը և ազգերի ռուսական համագործակցությունը քանդելով ու թալանելով, ավելորդ համարեցի հրապարակ հանել այն: Այժմ, երբ Ռուսաստանն արդեն փորձում է վերականգնել իրեն, չի կարելի լռել և թույլ տալ, որ մեր ժողովուրդների իրավունքը դարձնեն ամերիկյան «ազգային շահերի» առարկա, համարեն միայն մի ժողովրդի սեփականություն, որի ներդրումը այդ սեփականությունն ստեղծելու մեջ այնքանով է միայն, որքանով որ ինքն էլ է այդ տարածքում ապրել:

Մեծարգո՝ խորհրդարանականներ:

Մեզ հայտնի է ձեր պետական այրերի հակասական, մեկը մյուսի հետ չհամաձայնեցված կեցվածքը «Դարի պայմանագրի» նկատմամբ: Բայց առավել ցավալին այն է, որ այդ հակասական դիրքորոշման մեջ մոռացվում է մի կարևոր հանգամանք. Ռուսաստանը ոչ միայն իրավունքներ ունի երկրագնդի մեկ վեցերորդ մասում, այլև պարտք ու պարտավորություններ այդ լայնածավալ աշխարհատարածքում ապրող բոլոր ժողովուրդների նկատմամբ, անկախ այդ ժողովուրդների թվաքանակից և ուժից, ու պարտավոր է հարգել ու պաշտպանել նրանց ազգային շահերը, մինչև որ նրանք կարողանան կանգնել սեփական ոտքերի վրա:

Խոսքը, մասնավորապես, վերաբերում է Բաքվի և նրա հաստատությունների ազգային սեփականատիրական պատկանելությանը, որը Ռուսաստանի պետական այրերը մի հանցավոր թեթևությամբ դարձնում են միայն ադրբեջանական սեփականություն: Ինչքան էլ այսօր Արևմուտքը փորձում է ոտնատակ տալ պատմությունը՝ ելնելով աշխարհը տնտեսապես նվաճելու իր նկրտումներից, ինչքան էլ պատմությունը ձեռնտու չէ նրանց Անդրկովկասն ու Միջին Ասիան իրենց «ազգային շահերի» օբյեկտ դարձնելու տեսակետից, այնուամենայնիվ, Արևելքն իր պատմության շարունակությունն է, և հնարավոր չէ ցատկել այդ չավարտված պատմության վրայով:

* Առաջին անգամ տպագրվել է «10-րդ նահանգ» շաբաթաթերթում, 18. 03. 2000 թ.:

Սակայն անցյալը հանգիստ թողնելով, թեև սկսած այն հեռավոր ժամանակներից, երբ հնդեվրոպական մայր ժողովրդից տրոհվեցին հայերը, Արևելյան Անդրկովկասը, որ քաղաքական կեղծիքով այսօր կոչվում է Ադրբեջան, եղել է հայության հայրենիք, և հայերը անընդմեջ առկա են եղել Բաքվում, թեև պատմական բոլոր վկայությունները միաբերան հաստատում են, որ Բաքուն «ադրբեջանցի» կոչվող անվան հետ կապվեց միայն վերջերս, սկսեց 19-րդ դարից:

Երբ 1807 թ. Ռուսաստանը երկրորդ անգամ զրավեց Բաքուն, այն ուներ ընդամենը 500 ծուխ ազգաբնակչություն, որից 70 ծուխը հայեր էին, մեծամասնությունը՝ սահմեղական ժողովուրդներից, բայց ոչ երբեք ադրբեջանցիներից կազմված: Երկու տասնամյակ հետո Բաքվի ազգաբնակչությունը համարյա եռապատկվեց շրջակա գավառներից տեղափոխված բնակիչների հաշվին, որոնց մեջ էին նաև դեռևս Նադիր շահի կողմից Մուղանի դաշտ տեղափոխված թուրքալեզու այն ցեղերը, որոնց հիմքի վրա ձևավորվեցին այսօրվա ադրբեջանցիները: Այնպես որ, եթե հաշվենք նաև Պետրոս Առաջինի Կասպիական արշավանքը, ռուսները հարյուր տարով ավելի շուտ են ոտք դրել Բաքվում, քան ադրբեջանցիները: (Տե՛ս «Օրոգրենիե ռուսսկոյե վլադենիե գա Կովկազոմ», մաս 4, 1836 թ., էջ 39-40):

Բաքուն այլ հարթության վրա տեղափոխվեց Ռուսաստանի տիրապետության տակ անցնելուց հետո: Սկզբունքորեն որևէ նշանակություն չունի, թե ինչպիսի որակումով է ներկայացվում շուրջ 200-ամյա այդ տիրապետությունը՝ կայսերապետակա՞ն, գաղութատիրակա՞ն, թե՞ գերինտերնացիոնալ: Իրականությունն այն է, որ Բաքուն համաշխարհային հնչելության քաղաք դարձավ հայերի և ռուսների տևական ջանքերի շնորհիվ: Ադրբեջանցիները չեն կարող մատնացույց անել իրար վրա դրված 2 քար, որևէ արհեստանոց, էլ չենք խոսում արդյունաբերական լուրջ ձեռնարկությունների մասին, որ իրենց ձեռքի կամ ուղեղի գործը լինի: Իսկ այսօր, բախտի հեզմանքով, Բաքվի հարստությունը միջազգային շուկա է հանվում որպես զուտ ադրբեջանական սեփականություն: Դա պատմական իրականության հանցավոր անտեսման հետևանք է: Բաքուն հայերի, ռուսների և ադրբեջանցիների համատեղ սեփականությունն է՝ դրանից բխող իրավաբանական բոլոր հետևանքներով:

Մեզ համար անհասկանալի է մնում, թե ինչպես է Ռուսաստանի ներկա դեկավարությունը աղքատ ազգականի պես Բաքվի նավթային

ՏԱԳՆԱԴԻ ԿԱՆՉ ԱՐՑԱԽԻ ՊԱՆԴՈՒՄՏ ԶԱՎԱԿՆԵՐԻՆ

Հարազատ հայրենական օջախը կենաց ու մահու պայքարի մեջ է աղրբեջանական մարդակեր ոհմակների դեմ:

Աղրբեջանական ստրկացնող լծից սահմանադրական ճանապարհով ու քաղաքակիրթ միջոցներով ազատագրվելու արցախցիների ջանքերին կայսերապետությունը պատասխանեց իր բնավորությանը հարազատ ձևով: Կրեմլյան էմիսարներն ու նրանց գործակալները Անդրկովկասի ողջ տարածքից հավաքագրեցին աղրբեջանական ժողովրդի տականքին, նրանց ձեռքով կազմակերպեցին մասսայական ջարդեր ու գաղթական դաբձոցեցին ավելի քան 700 հազար հայերի՝ սկսած Բաքվից մինչև Ղազախ, Ժդանովից մինչև Նուխի: Ձուգահեռաբար Կրեմլը ձեռնամուխ եղավ զինվորական բիրտ ուժով Արցախական աշխարհի հայաթափման գործին. սադիստական հետևողականությամբ հայաթափեց Շամխորի, Գաշքեսանի, Խանլարի շրջանները, Շահումյանի, Շուշու, Հադրութի շրջաններից 24 գյուղ: Միայն Գետաշեն-Մարտունաշեն օպերացիայի ժամանակ, որը հայտնի է «Կոլցո» օպերացիա անունով, ռուսական բանակը գործողության մեջ է դրել 22- հազարանոց զորամիավորում՝ զինված ժամանակակից ոչնչացնող տեխնիկայով: Այսօր էլ այդ նույն բանակը գյուղական ինքնագործ ներկայացումների մակարդակով «զինաթափվում է» աղրբեջանական խուժանի ձեռքով այդ ձևով տուն վերադարձող ռուսական զորքերի զենքի ու զինամթերքի հսկայական պաշարները դնելով աղրբեջանցիների տրամադրության տակ:

Այս ահավոր անհավասար պայմաններում մեր հարազատ հայրենակիցները ոչ միայն չեն հուսալքվում ու ծնկի չեն գալիս, այլև զինվել են մի նոր վճռականությամբ՝ պաշտպանելու անփոխարինելի Հայրենիքը, հայրական օջախներն ու իրենց ֆիզիկական գոյության իրավունքը: Արցախի բնակչությունը Հայրենիքը հռչակել է ինքնուրույն, անկախ հանրապետություն, անհավասար պատերազմական իրադրության պայմաններում ձևավորում է պետական կառուցվածքներ: Հանրապետության գործկոմի որոշմամբ արդեն ստեղծվել է Ինքնապաշտպանության խորհուրդ, որի դրոշի տակ համաքվում են մեր լավագույն զավակները: «Այսօր խնդիրն այն է, - ազդարարում է ԼՂՀ-ի գործկոմը, - որ բոլորը, ովքեր կարող են զենք վերցնել, պետք է կանգնեն Հայրենիքի պաշտ-

հարստության 10 տոկոսի պահանջ ներկայացնում այն դեպքում, երբ այդ հարստության մեկ երրորդը պատկանում է ռուս ժողովրդին, հաշվի չառնելով նաև այն հանգամանքը, որ մարդակերությամբ ուղեկցված զենոցիդով Բաքվի շուրջ կես միլիոնանոց հայերից բռնազավթված անձնական ունեցվածքից մինչև ազգային հարստությունները հանգիստ մարտում են ջարդարարները: Խրախուսված անպատժելիությունից՝ այսօր էլ Բաքվի ռուսներին են հարկադրում բռնել դեպրտացիայի ուղին:

Մենք բողոքում ենք ռուսական իշխանությունների որդեգրած այդ քաղաքականության դեմ, նախ՝ որպես հանիրավի անտեսված, զենոցիդի զոհ դարձած և դրա հետևանքով իր սեփականությունից զրկված կողմ, ապա նաև Բաքվի հարցում ռուս ժողովրդի վաստակած սեփականատիրական իրավունքը ոտնատակ տալու համար: Մի մոռացեք, որ երկու դար եղել ենք միասնական պետության քաղաքացիներ: Մենք պահանջում ենք և իրավունք ունենք պահանջելու, որ Բաքվի նավթի շուրջ տարվող ամեն մի բանակցության հիմքում դրվի նրա եռակողմ պատկանելության հարցը՝ այն հաշվով, որ յուրաքանչյուր կողմ ունենա եկամտի իր վաստակած մասնաբաժինը: Այդ հարստության հայկական մասնաբաժնի օրինական ժառանգորդը ԼՂՀ-ն է, որովհետև, եթե նույնիսկ անտեսվի նախահեղափոխական Բաքվի նավթարդյունաբերության մեջ հայերի կատարած ներդրումը, որ ընդհանուրի կեսից ավելի է եղել, չի կարելի հաշվի չառնել, որ զինվորական զորակոչի խստությամբ մոբիլիզացված դարաբաղցի երիտասարդների ուժերով իրականացավ Բաքվի հետպատերազմյան վերակառուցումը: Բաքվից հասնող իր վաստակած մասնաբաժնով ԼՂՀ-ն պետք է իր հարկի տակ հավաքի աղրբեջանական ագրեսիայի զոհ, աշխարհով մեկ ցրված զավակներին: Իսկ այդ գործում մենք տերություն Ռուսաստանը պատմականորեն պարտավորված է սատար կանգնելու արդարության և իրավունքի վերականգնմանը:

Մենք բողոքում ենք և պահանջում...

պանության դրոշի տակ: ԼՂՀ-ի գործկոմի անունից կոչ ենք անում, որ պեսզի 18-ից 40 տարեկան արցախցիները զինվորագրվեն ինքնապաշտպանության բանակին»:

Ինչպես տեսնում եք, ազատագրական պայքարի վերջին չորս տարիների փորձից ելնելով, արցախաբնակ մեր հարազատները հույսը կտրել են դրանից, դրսի «սուտ ու պատիր խոստումներից»... և հենվում են սեփական փոքրաթիվ խմբերի վրա, այն էլ այն դեպքում, երբ բազմիցս զինաթափվել են ռուսական բանակի ձեռքով:

Հագարամյակների փորձություններին դիմացած, ամեն կարգի լենկեմուսներին ավերածություններից Հայրենիքը անխաթար պահած Արցախական աշխարհը այսօր գտնվում է օրհասական վիճակի մեջ: Ինչպես միշտ, այսօր էլ այս մեծ ողբերգության դիմաց խուլ, համր ու կույր են դարձել աշխարհի հզոր տիրակալները՝ թքելով իրենց իսկ ձեռքով ձևակերպված մարդու և ժողովուրդների գոյության իրավունքին վերաբերող հռչակագիրների ճակատին: Լինել թե չլինելու այս ճակատագրական ժամին ուրիշ էլ ո՞վ պետք է կանգնի Արցախի փրկության դրոշի տակ, եթե ոչ առաջին հերթին մենք՝ կայսրության բոլոր հորիզոնականներով ցրված մեկուկես միլիոնի հասնող արցախցիներս:

Որտե՞ղ ենք մենք՝ տարբեր ժամանակներում, տարբեր պատճառներով պանդխտության ճանապարհները ոտնատակ տված, Պետերբուրգից Վլադիվոստոկ, Սամարղանդից Տյումեն, Հայաստանից Մոսկվա ապաստան ու մի կտոր հաց ճարած արցախցիներս: Մի՞թե մենք վերջնականապես ու անդամալիորեն մեռել ենք մեր հարազատ ժողովրդի, հայրենիքի, հայրենական օջախների, մեր ծնողների համար: Ովքե՞ր պետք է թուրքական յաթաղանից փրկեն մեր այն գառամյալ ծնողներին, որոնց աշխարհի բերած գավակներս երկրի տարբեր անկյուններում ապահով կյանք ենք վարում, եթե ոչ մենք:

«Արցախ» հայրենակցական միությունն այս օրհասական պահին դիմում է ներքին սփյուռքի բոլոր արցախցիներին՝ մեզ ծնող Հայրենիքի գլխին մահացու վտանգ է կախվել, ոտքի ելեք ու կանգնեցեք հայրենիքի փրկության դրոշի տակ: Պատմությունը մեր առաջ հրամայական պահանջ է դրել. զենք կրելու ընդունակ բոլոր արցախցիներս անհապաղ պետք է վերադառնանք Հայրենիք. մնացած մեծագույն մասը պետք է կազմակերպված թիկունք դառնա և Հայրենիքի ազատամարտիկների համար ապահովի նրանց ամեն, ամեն ինչով:

Արթնացե՛ք անտարբերության թմբիրից, ի զեն և ի գործ, Արցախի պանդուխտ գավակներ:

«Արցախ» հայրենակցական միության նախագահության անունից

ԼԵՌՆԱՅԻՆ ՂԱՐԱՎՈՐԻ ՀԱՆՐԱՊԵՏՈՒԹՅԱՆ ՂԵԿԱՎԱՐՈՒԹՅԱՆԸ *

Հարազատներ,

Արցախյան հերոսամարտի վերջին դրվագները մի կրկին անգամ հաստատեցին հանրահայտ խոսքի ճշմարտությունը. «Ինքնապաշտպանությունը զինված ապստամբության մահն է»:

Մայր հայրենիքի հետ մի ավտոխնդրով միանալը, ինչքան էլ կենսական ու կարևոր, դեռևս Արցախի վերջնական փրկությունը չէ. այդ փրկությունը սկսվում է Արաքսի ափերից: Ինչքա՞ն պետք է մեր Արածանք

* Շուշի-Լաչին կենսական ճանապարհը բացելուց մի երկու օր հետո, երեկոյան ուշ ժամին, տուն է վերադառնում այդ գործողությունների մասնակից որդիս, Երեք թուրքական դրոշ փռում ոտքերիս տակ՝ ասելով. «Մտքոջ կյանքում պայքարել ես այս օրվա համար, երազանքդ կատարվել է, կործանվել է բանտը»: Եվ ցույց է տալիս Շուշու բանտի ներքին բանալիներից մեկը՝ որպես «բանտի» կործանման ապացույց:

Մի օր հետո իր երեք ազատամարտիկ ընկերոջ հետ ինձ էլ տանում են նորաբաց ճանապարհով: Ավելորդ է ասել, որ Շուշիում առաջինը հանդիպեցինք մեր օրերի օտյանական «որ մենք հերոս»-ներից մեկին, որը պարծանքով հայտնեց, թե Ղազանչեցոց եկեղեցուն մորթած մատաղացու գառան վզից ինքն է բռնած եղել: Երկրորդը հանդիպեց լրագրող Ղարիբ Հայրապետյանը, որն ինձ պես խանդավառված չի կարողացել հանգիստ նստել տանը:

Ստեփանակերտ հասնելով՝ անմիջապես բարձրացանք ԼՂՀ Գերագույն խորհրդի նախագահի պաշտոնակատար Գեորգի Պետրոսյանի մոտ: (Փակագծերում ասենք, որ դեռևս չէր ձևավորվել հետխորհրդային բյուրոկրատիան թիկնապահների ու դռնապահների իր ստվարածավալ բանակով: Ելունուտը ազատ էր, փոխհաղորդակցումը անկաշկանդ ու տնավարի): Ծանոթանալով վերոգրյալ երկտողին՝ պարոն Պետրոսյանը հայտնեց, որ իրենք էլ են այդ ուղղությամբ մտածում:

Հաջորդ օրը, մի ոհմակի գլուխ անցած, Ստեփանակերտում վայրէջք կատարեց Բ. Արարեցյանը՝ Ղարաբաղի ղեկավարությանը փոխելու առաջադրանքով (Ինչպե՞ս կարելի էր թույլ տալ, որ մարդիկ ապրեին իրենց աննախադեպ հաղթանակի բերկրանքը): Ճիշտ է, հրավիրված Գերագույն խորհրդի եռօրյա հակամարտությունների արդյունքում նրանք չկարողացան իրենց ցանկացած հաջողությանը հասնել, բայց բանդուբարափ արեցին ֆիդայական ջոկատների միասնությունն ու միակամությունը: Եթե այդ օրերի խոսակցության առանցքը Գետաշենի ազատագրումն էր, ապա դրան հաջորդեց Շահումյանի ու Մարտակերտի ողբերգությունը:

Ծանր, շատ ծանր էր Ղարաբաղին հասցրած նրանց հարվածը, բայց, այնուամենայնիվ, **իրենք** պարտվեցին իրենց իսկ ստեղծած այդ օրհասական օրերին անգամ: Նրանց չհաջողվեց Գ. Պետրոսյանին ու նրան հաջորդած ղեկավարությանը պարտադրել, որ Ղարաբաղին աննպաստ որևէ փաստաթղթի տակ ստորագրեն: Փառք ու պատիվ նման հայրորդիներին:

բնակավայրից, որ ցարը դարձրել էր Կարյազհնո, թուրքը՝ Ֆիզուլի, ավերածություններ սփռվեցին Հաղրուփի ու Մարտունու բնակավայրերի վրա: Չէ՞ որ մեր, միայն մեր ձեռքով է կառուցվել Մարտունի-Արածաճք-Խորաղիզ մայրուղին: Եվ Խորաղիզում աշխատանքները վերջնակետին հասցնելու ժամանակ ասած թե չասած մի արտահայտության համար գիշեցի Եփրեմ Գրիգորյանին տասը տարով աքսորեցին Սիբիր:

Ինչքա՞ն պետք է մեր Բայլականը՝ մեզ համար մնա Օրան դալա: Չէ՞ որ մեր հողում, մեր ձեռքով ստեղծվեց ժղանովի շրջան, ուր ոչ միայն հայությունը գոյատևեց մինչև 88 թվականը, այլև շրջանի գյուղատնտեսական աշխատանքների ծանրագույն բաժինն ընկած էր մեր աշխատավորության ու սովորողների ուսերին՝ որպես կոռային պարտականություն: Ի՞նչ անենք, որ շրջանը Արցախի հյուսիսային շրջանների պես (Շահունյան, Խանլար, Ղաչքեսան, Շամխոր), դուրս էին թողել մարզի վարչական տարածքից: Այդ ո՞ր նվաճողն է նվաճված երկրի վարչական բաժանումների ժամանակ հարգել ազգային տարածքի ամբողջականությունը:

Պետրոս ցարից խաբված արցախցիներին համար Եղիոր Շահի ու Մելիք Եզանի մահվանից հետո եկած ժամանակները ոչ մի անգամ մեր օգտին չեն գործել այնպես, ինչպես գործում է այսօր: Պատմությունը արցախցիներին չի ների, եթե այս բարեպատեհ հնարավորությունը ձեռքից բաց թողնենք:

Մեր վերջնական փրկության սկիզբն Արաքսի ափն է: Պետք է այնտեղ հասնենք մեր իսկ կառուցած ճանապարհներով՝ կանգնելու համար արցախական աշխարհի ազգային ու բնական սահմաններից գոնե մի կետում:

Արցախի վերջնական ազատագրման հույսով ապրող Արցախցի

Լրացավ Ղարաբաղյան ազատամարտի հերոսական էջերից մեկի՝ Քարինտակի ճակատամարտի երկրորդ տարին, մի ճակատամարտ, որտեղ, մասնակիցներից մեկի դիպուկ բնորոշմամբ, Ադրբեջանը պարտվեց: Ընդամենը 180 տնտեսություն ունեցող այդ փոքրիկ գյուղի համար մղված ճակատամարտում Ղարաբաղը հաղթեց Ադրբեջանին՝ չնայած դեռ առջևում էր դեպի վերջնական հաղթանակը ձգվող ուղին:

Քարինտակը Շուշի-Գորիս-Քարվաճառ եռանկյունու հարավարևելյան ծայրամասն է, մի մասնիկը Արցախ աշխարհի այն տարածքի, որը դարասկզբին վաստակել էր Ղարաբաղի Ձեյթուն անվանումը: Ռազմավարական խիստ կարևոր նշանակության մի տարածք, որի էթնիկական յուրացման սկիզբը դրվել է դեռևս պարսկական տիրակալության ժամանակներից՝ Արցախի և Սյունիքի արանքը սեպ խրելու հեռահար նկատառումով: Իրենց զավթողական նկրտումներն իրականացնելու համար ազերի թուրքերը որդեգրեցին այդ քաղաքականությունը և դարասկզբից ձեռնամուխ եղան հարցի վերջնական լուծմանը՝ հայերի ֆիզիկական ոչնչացման ճանապարհով: Ե՛վ 1905-1906 թթ. հայ-թուրքական ընդհարումների ժամանակ, և՛ 1918-21 թթ. պատերազմական տարիներին ազերի թուրքերը, ապահովելով մախ ցարիզմի, ալա թուրքական ու անգլիական զավթիչների, հետո բոլշևիկների գործուն աջակցությունը, հիմնականում հասան իրենց նպատակին՝ սկսած Շուշի մայրաքաղաքի ավերումից մինչև Մինքենդի ոչնչացումը: Անհավասար ու արյունածոր այդ գոտեմարտում փրկվել կարողացան միայն երկու հենակետեր՝ Բերդաձորն ու Քարինտակը՝ շարունակելու համար հետագա գոյամարտը:

Ահա թե ինչու Ղարաբաղյան այս վերջին ազատամարտի հենց սկզբից, դեռևս պայքարի «պառլամենտական» փուլում, համայն հայության կողմից խորապես ընկալվեց Բերդաձորի ու Քարինտակի ռազմավարական կարևոր նշանակությունը և դարձավ ընդհանուր մտահոգության առարկա: Չէ՞ որ այդ երկու հենակետերի կորուստով Ղարաբաղը մայր հայրենիքից արհեստականորեն բաժանող 4 կմ պետք է ձգվեր մինչև 70

* Առաջին անգամ տպագրվել է «Երկիր» օրաթերթում, 1994 թ., 27 հունվարի:

կմ: Ազերիների ճնշումների ու հետապնդումների պատճառով հայրենի օջախները թողած ու Միությունով մեկ ցրված դարաբաղցիներից առաջինը բերդածորցիներն ու քարինտակցիներն էին, որ բացեցին հայրենի օջախներ հետդարձի արահետը և կանգնեցին Ազատամարտի առաջին շարքերում: Ազատամարտի նախնական միամիտ-ռոմանտիկական փուլում, երբ դրված էր Արցախի տնտեսական վերականգնման ու զարգացման խնդիրը, առաջինը բերդածորն ու Քարինտակն էին, որ դարձան հոգացության առարկա: Մեր խիզախ ազատամարտիկներն անհրաժեշտության բերումով առաջին վայրէջքը կատարեցին բերդածորում ու Քարինտակում:

Սակն գորբաչովյան գորքերը հայաթափեցին նաև բերդածորը, և կանգուն մնաց միայն վերջին հենակետը՝ Քարինտակը: Բոլոր կողմերից շրջափակված, աշխարհից մեկուսացված Ղարաբաղում կրկնակի և ավելի դաժան շրջափակման մեջ հայտնված Քարինտակը մղելու էր իր վերջին հաղթական ճակատամարտը անարգ թշնամու դեմ:

Իսկ այդ ճակատամարտին նա նախապատրաստվել էր Ազատամարտի առաջին օրերից: Թուրքական դաժան շրջափակման և Շուշիից տեղացող գնդակոծությունների ու հրթիռակոծությունների տարափի տակ գյուղը կարողացավ 18 կմ-ոց կյանքի ու փրկության ճանապարհ բացել դեպի «մեծ աշխարհ», դեպի մոտակա հայկական գյուղերը, ինչն իրականացրեց գյուղին օգնության եկած ապարանցի տրակտորիստ Լյովան: «Արցախ» հայրենակցական միության գործուն աջակցությամբ երևանից հայրենի օջախ վերադարձած Միշա Պետրոսյանը գյուղի նախկին ջրաղացի տեղում կանգնեցրեց երկհարկանի ջրաղաց, ստեղծեց հացաթխման փուռ՝ բավարար հիմքերի վրա դնելով բնակչության կենսապահովումը: Տարագիր քարինտակցիների, առանձնապես «Արցախ» հայրենակցականի ջանքերով ճիշտ ժամանակին գյուղ էին հասցվել նաև ինքնապաշտպանության զինական միջոցներ, այն օրերին ինչքան հնարավոր էր, երբ կապը միայն օդային էր, երբ գորբաչովյան գորքերը Ղարաբաղում խաղաղ բնակիչներ էին որսում ու վաճառում թուրք մարդակերներին, իսկ կենտրոնական լրատվական բոլոր միջոցները մոլեգին թափ էին հաղորդել հակահայկական, հակաղարաբաղյան քարոզչությանը: Այդ ընթացքում երևանաբնակ քարինտակցի-

ները կարողացել էին գյուղ հասցնել 14 հոգուց կազմված ազատամարտիկների մի ջոկատ՝ հնարավոր զինված ինքնապաշտպանության համար:

Յերոսական քարինտակցիները ճակատագրականորեն դատապարտված էին վերջին հաղթական ճակատամարտը տալու ազերի զավթիչներին, և այն չուշացավ:

Խորապես ճշմարիտ էր Պարույր Սևակը, երբ նման իրավիճակների համար բանաձևում էր.

Թե հրաշք չկա՝,

Կա միայն կարիք.

Թե այնտեղ է լույս սխրանքն սկսվում,

Ուր վերջանում է ամեն մի հնար...

Գորբաչովյան գորքերով ու ծանր զինտեխնիկայով Գետաշենի ենթաշրջանը, Յադրուքի շրջանի մեծ մասն ու բերդածորը հայաթափած Ադրբեջանը, հղիացած չվաստակած հաղթանակներով, ենթարկվեց փոքրիկ Քարինտակը սեփական ուժերով զավթելու փորձությանը: Շուշիի ժայռերի բարձրությունից թափած քարաբեկորների ու վառվող անվաղողների հեղեղումների, ինչպես նաև գնդակոծումների ու հրթիռակոծումների քառամյա հոգեբանական պատերազմից հետո թուրք զավթիչները 1992 թ. հունվարի 26-ի գիշերը շրջապատման երկաթյա օղակի մեջ առան գյուղը և առավոտյան ժամը 6.30-ին սկսեցին գրոհը: Ռազմական գործողություններն անձամբ ղեկավարում էր պաշտպանության նախարար Մեհտիկը: Այդ գիշեր գյուղի պաշտպանական դիրքերում էին միայն 60-70 ազատամարտիկ՝ ինքնապաշտպանության հրամանատար Վաղարշակ Առուշանյանի զխավորությամբ: Գրոհն ուղեկցվում էր այնպիսի ահավոր գնդակոծությամբ, որ անհնար էր դարձել գյուղի մյուս պաշտպանների տեղաշարժը դեպի դիրքեր: Մի բուռ հայ քաջորդիներ թվաքանակով տասնապատիկ գերազանցող ու համեմատաբար լավ զինված թուրք ելուզակների դեմ շուրջ 12 ժամ տևող գոտեմարտում հաղթող դուրս եկան, և երեկոյան ժամը 7-ին ազերիները ստիպված էին մազապուրծ փախչել՝ մարտի դաշտում թողնելով 100-ից ավելի սպանված, բազմաթիվ վիրավորներ ու ռազմավար:

Քարինտակցիները «դատապարտված» էին հաղթանակի, և Քարին-

տակը հաղթեց Ադրբեջանին: Այդ հաղթանակի գոհասեղանին իրենց մատաղ կյանքը դրեցին խիզախ հայորդիներ և միացան անմահների զորաբանակին:

Վաղարշակ Առուշանյան, Ալյոշա Վարդանյան, Հենրիխ Ամիրջանյան, Ալբերտ Աբաղյան, Միշա Հովհաննիսյան, Արշավիր Մարգարյան՝ Վոլոդյա Համբարձումյան, Կարո Առուշանյան, Կարոյի երևանցի ընկերները՝ Անուշավան Հարությունյան, Նորայր Մանասյան, ինչպես նաև շրջակա գյուղերից օգնության հասածներից այն յոթ կտրիճները, որոնց անունները մեկ առ մեկ հիշատակել չկարողանալու համար ներողություն ենք հայցում:

Քարինտակյան հաղթական հերոսամարտի առաջին և ճշմարիտ գնահատականը տվեց Ադրբեջանի կառավարությունը, երբ քննարկեց պարտության պատճառները և ճակատամարտը տանուլ տալու համար դատեց Մեհտիսին: Նրանք Քարինտակը որակեցին «արյունոտ ձոր» թուրքերի համար: Խորապես սպառիչ գնահատական:

Հունվարի 26-ի հերոսական հաղթանակից հետո քարինտակցի կտրիճները զենքը ցած չդրեցին. նրանք դարձան ակտիվ մասնակիցը դարաբաղյան հետագա հերոսամարտերի՝ սկսած Շուշի-Լաչին տարածքի ազատագրումից, ուր անմահներին միացավ Աշոտ Գասպարյանը: Այսօր էլ քարինտակցիները երկու ջոկատով մասնակցում են հայրենի տարածքների վերջնական ազատագրման հերոսամարտին, և մի քանի օր առաջ Մարտակերտի պաշտպանության դիրքերում հաղթանակի գոհասեղանին բարձրացան Գառնիկ Առաքելյանը, Ջանիկ Առուշանյանը, Կարո Բաղդյանը:

Շարունակվում է դարաբաղյան հերոսամարտը, և հայ կտրիճների շարքերում բացճակատ ու հպարտ քայլում են նաև քարինտակցի Ազատամարտիկները: Իսկ թե ինչպես են պատերազմական այս թո՛ւր բո՛հի մեջ քարինտակցիները վերականգնում թուրքերի կողմից ավերված հայրենի գյուղը՝ առանձին խոսակցության նյութ է, առանձին գոյամարտ:

ՄԵՐ ԲԱՆԱԿԱՆ ԻՐԱՎՈՒՆՔՆ Է ՆԿԱՃՈՒՄԻՆ ՊԱՏԱՍԽԱՆԵՆ ԱՋԱՏԱԳՐՈՒՄՈՎ*

Որ Ղարաբաղն իր Լեռնային ու Դաշտային արևեստական բաժանումով մի միասնական հայրենիք է, հայ ժողովրդի մի հատվածի հազարամյակների բնօրրանը, խոստովանել են անգամ բոլոր նվաճողները՝ հնագույն ժամանակներից մինչև բոլշևիկները: Անդրկովկասը նվաճած Նիկոլայ ցարը ներգաղթեցրած պարսկահայերին բնակեցրեց հայոց երկու մայրաքաղաքների՝ Երևանի ու Պարտավի արանքում՝ գործնականորեն հաստատելով այդ ամբողջ տարածքի հայկականությունը: Լեռնից այդ իրողությունը խոստովանեց հայտնի այն քարտեզով, որ շրջանառության մեջ մտավ 1988 թվականին: Ուրիշ հարց է, որ բոլոր նվաճողներն էլ մեր ազգային իրավունքը վաճառքի են հանել իրենց պետական շահերից ելնելով, մի հանգամանք, որ այսօր էլ հավանական սպառնալիքի տեսքով կանգնած է մեր դիմաց:

Ցավով պետք է արձանագրել, որ այսօր, երբ դարաբաղյան հիմնահարցը վերաճել է Հայ Դատի կիզակետի, երբ մեր ժողովրդի լավագույն զավակներն իրենց կյանքն են զոհում հայրենիքի պաշտպանության համար մղվող մարտերում, մեր պատմաքաղաքական միտքը պատշաճ ուշադրություն չի դարձնում Արևելյան Անդրկովկասում կատարված ու կատարվող տեղաշարժերին, հանդես չի գալիս իրական ճշմարտությունների վերհանմամբ, որից օգտվելով՝ մեր հակառակորդները մեզ աշխարհով մեկ ներկայացնում են որպես ուրիշի հայրենիքը նվաճող ագրեսոր: Մինչդեռ Արևելյան Անդրկովկասից սկսվեց հայ ժողովրդի պետական մակարդակի բարձրացված ցեղասպանությունը՝ սկսած Պետրոս Առաջինի ժամանակներից:

Պատմական ճշմարտության վերհանումը ամենից վեր անհրաժեշտ է մեր հայրենիքի քաջամարտիկ պաշտպաններին՝ որպես նրանց պայքարի արդարացիությունը հաստատող գաղափարական զենք: Իսկ ո՞րն է պատմական ճշմարտությունը:

Լեռնախնձորյան ավերիչ արշավանքներից հետո Արևելյան Անդրկովկասի տափաստանային շրջանները, առանձնապես Քուռ-Արաքսի Մի-

* Առաջին անգամ տպագրվել է «Երկիր» օրաթերթում, 1994 թ., 22 ապրիլի:

ջագետքը, վերջնականապես վերածվեցին անմարդարնակ անապատի: Ֆիզիկական ապահովության բելադրանքով դաշտային տարածքների բնակիչները քաշվեցին լեռնային ապահով շրջաններ, բայց դրանով նրանք չկորցրեցին իրենց իրավունքը դաշտային հողերի նկատմամբ: Ուշագրավ է, որ Պետրոս Առաջինին գրած առաջին նամակը ստորագրող մելիքների մեջ առաջինը Պարտավի մելիք Եսային է, որն արդեն նստում էր Գյուլիստան գյուղում՝ պահպանելով իր սեփականատիրական իրավունքը մելիքության ողջ տարածքի նկատմամբ, իսկ երկրորդը՝ Գանձակի մելիք Յովսեփը՝ սեփականատիրական նույն իրավունքով: Պարսկական տիրապետությունը Անդրկովկասում իրականացվում էր քաղաքական իշխանությամբ՝ առանց խախտելու ֆեոդալական սեփականատիրության իրավունքը: Այնպես որ, լեռնային շրջաններում ապաստանած հայերը, Շամխորից մինչև Գյուլիստան ու Ղիզակ, և՛ պարսկական, և՛ ցարական տիրապետության ժամանակներում անարգել պահպանել էին և՛ Քուռի, և՛ Արաքսի մերձակա տարածքների նկատմամբ իրենց սեփականատիրական իրավունքը: Այդ տարածքներում հայերը ստեղծել էին բարձր զարգացման հասած այգեգործություն ու շերամապահություն: Այդ տեղերը հայաթափելուց հետո անգամ, Ադրբեջանի կառավարության պարտադրանքով, մերձքուռյան բթենիները մինչև 1988 թ. մարզի աշխատավորներն էին օգտագործում շերամապահության կարիքները հոգալու համար:

Իսկ այդ տարածքների քոչվոր ցեղերը, որոնց Պետրոս Առաջինի Կասպիական արշավանքից հետո պարսկական իշխանությունները մտցրեցին Արաքսից մինչև Թիֆլիսի մատույցները՝ հայ-վրացական գինական ուժերը ջլատելու քաղաքական նկատառումով, իրենց հոտերի հետ շրջում էին հայերի կողմից չմշակվող տարածքներում՝ առանց որոշակի սեփականատիրական իրավունքի, առանց որոշակի բնակավայրի: Երբ իշխանությունը անցավ բուլչևիկներին, ադրբեջանական նորաթուխ կառավարությունը ձեռնամուխ եղավ ադրբեջանական «սրբազան հայրենիք» ստեղծելու գործին:

Մի կրկին անգամ վկայակոչենք փաստեր, որոնց մասին արդեն խոսվել է նախորդ հոդվածներում: Դեռևս 1918թ. դեպի Անդրկովկաս թուրքական արշավանքի ժամանակ Քուռի ձախ ափին գտնվող Արեշի

զավազի 18 հայկական գյուղեր, ուր 1916թ. ցարական վիճակագրության համաձայն ապրում էր 19 հազարից ավելի հայություն, ավերեցին, իսկ բնակիչներին դարձրին փախստականներ: Այնուամենայնիվ, նույն տարածքում գտնվող գյուղերի մի մասը կարողացել էր գոյատևել մինչև դրանց տեղում Մինգեչաուրի ջրամբարի կառուցումը: Հայկական հողերում, հայկական գյուղերի ոչնչացմամբ և հայկական աշխատուժով ստեղծվեց Մինգեչաուրը և դարձավ ադրբեջանական «սրբազան հայրենիք»: Դրանով իսկ Ադրբեջանի կառավարությունը Մինգեչաուրի, Եվլախի, Պարտավի ու Գանձակի միջև գտնվող հայկական հսկայական հողատարածքը զրկեց հայկական էթնիկական տարածք լինելուց՝ այնպես էլ չկարողանալով այն բնակեցնել ադրբեջանցիներով՝ ադրբեջանական էթնիկական տարածք դարձնելու համար:

Որպես Լենին-Աթաթուրք գործարքի տրամաբանական ավարտ՝ Կավբյուրոն 1921թ. հուլիսի 5-ի որոշումով Արևելյան Անդրկովկասի հայկական մարզերը միացրեց նորաթուխ Ադրբեջանին՝ հայությանը տալով ինքնավարության իրավունք: Կավբյուրոյի որոշման 2-րդ կետով հայկական ինքնավարության սահմանների որոշումը վերապահվեց Ադրբեջանի ղեկավարությանը: Նրանք էլ հայկական տարածքների մի փոքրիկ հատվածում, Ղարաբաղի լեռնային շրջանների գյուղերի մոտով, սահմանագծեցին Ինքնավար մարզ՝ մարզի սահմաններից դուրս թողնելով ոչ միայն Քուռ-Արաքսի Միջագետքի հայկական հողատարածքները, այլև Շահումյանի, Խանլարի, Դաշքեսանի, Շամխորի հայկական շրջաններն ու գյուղերը: Ստեղծվեց Ադրբեջանի պետական քաղաքականության համար բնորոշ, բայց իրականում մի տարօրինակ վիճակ. մարզի և հայկական մյուս շրջանների վարելահողերի մեծ մասը հայտնվեց սահմաններից դուրս՝ չնայած դրանք դեռ շարունակում էին մշակել հայերը: Այդ դրությունը տևեց մինչև 1949թ., երբ մի կարգադրությամբ այդ հողերը խլվեցին հայերից: Այսպես, Պարտավի մոտ գտնվող Ղարբանդը, որ պատկանում էր Կարաչինարին, կամ Գերանը, որ պատկանում էր Գետաշենին, մի կարգադրությամբ դարձան ադրբեջանական:

Նույն հեռահար ռազմավարությամբ, ինչպես արդեն ասվել է, Ադրբեջանի կառավարությունը յուրացրեց արաքսամերձ տարածքները: Այսպիսով, պատմական մի կարճ ժամանակահատվածում Ադրբե-

ջանի կառավարությունը հնքնավար մարզը և հարակից հայկական շրջանները խցկնց լեռների մեջ, իսկ 50-ական թվականներից գործողության մեջ դրեց աղբբեջանցիների կազմակերպված ներհոսքը մարզ ու հարակից շրջաններ: Մինչդեռ նույն ժամանակ աշխատանք չլինելու պատճառով հայերը ստիպված էին արտագաղթել Միության տարրեր վայրեր: Այդ է պատճառը, որ մարզը, ստեղծվելուց մինչև վերացումը, հայ բնակչության աճ չգրանցեց, և մինչև 1988թ. տարբեր ժամանակներում արտագաղթած 1,5 միլիոն դարաբաղցի կա Ղարաբաղի սահմաններից դուրս:

Եվ եթե 1988թ. Ղարաբաղի բնակչությունը ոտքի է ելել իր հայրենիքը վերջնական կործանումից փրկելու համար, ապա այսօր պետք է լրջորեն մտածել կորցրածը ետ բերելու մասին:

Պետք է վճռական շրջադարձ կատարել դեպի ազգային շահերը և անխարդախ նվիրվածությամբ համայն հայության ներուժը ի սպաս դնել Ղարաբաղը հնարավոր ամբողջությամբ ազատագրելու գործին: Ղարաբաղի լիակատար ազատագրումով մենք կլուծենք այս աշխարհատարածքում մեր ժողովրդի գոյատևման ամենակենսական հարցերից շատերը. ազատագրված Ղարաբաղը իր ժողովրդին ոչ միայն կապահովի հացով, այլև ինչ-որ չափով հացի ավելցուկ կունենա: Էլ չենք խոսում այն բազում-բազում բարիքների մասին, որ կպարզևի Ղարաբաղը:

Սեփական հայրենիքում հայ ժողովրդի վաղվա գոյատևման հնարավորության հրամայականը թելադրում է տեր կանգնել մեր արդար իրավունքին, մեր հայրենիքին ու մեր հացին:

Աշխարհը ոչինչ չարեց, երբ Սունգայիթից սկսած մեր ժողովրդին բնավեր էին դարձնում Աղբբեջանի բոլոր անկյուններում: Աշխարհն իր հունից դուրս չեկավ, երբ մեր քաջորդիները ազատագրեցին Շուշին, Լաչինը և այլ տարածքներ: Աշխարհը ըմբռնումով կրնդունի նաև Ղարաբաղի լիակատար ազատագրման փաստը և այն չի որակի ագրեսիա, քանի որ 20-րդ դարի մեծագույն ագրեսիաներից մեկը հենց Աղբբեջանի հանրապետության գոյության փաստն է: Աշխարհը ըմբռնումով կընդունի, որ հազիվ 3-4 տասնամյակ առաջ նստակեցության անցած թափառական քոչվորները իրավունք չունեն տեր դառնալու ուրիշ ժողովուրդների հազարամյակների հայրենիքին: Մնում է աշխարհին հասցնել պատմական ճշմարտությունը:

Այսօրվա համաշխարհային թոհուրոհր և մեզ պարտադրված պատերազմը, որից չկարողացանք խուսափել, բնական իրավունք են տալիս մեզ՝ հարվածին հարվածով պատասխանելու, բռնագավթմանը՝ ազատագրումով: Չէ՛ որ Ղարաբաղը մեր բռնագավթված ինը տասնորդական հայրենիքի հատվածներից մեկն է, այսօրվա մնացորդաց կենսապահովման գրավականը՝ ընկած արյան ծովի մեջ: Մենք պետք է փրկենք մեր հայրենիքը, ուրիշ ճշմարտություն չկա:

ՔԱՐԻՆՏԱԿՑԻՆԵՐԸ ՉԳԵՆԱՅԱՆ ԳՅՈՒՂԻՑ...*

Մեկ էլ 10 տարի առաջ Արցախը նորից ոտքի կանգնեց՝ շարունակելու 300 տարի առաջ սկսած իր Ազատամարտը՝ օտարի լուծը թոթափելու, սեփական հայրենիքում ազատ ու անկաշկանդ ապրելու համար: «Քաղաքակիրթ» աշխարհում քաղաքակիրթ բոլոր միջոցները սպառելուց հետո, Արցախն ընդունեց իրեն պարտադրված պատերազմը և դուրս եկավ հաղթանակած: Ղա հայ ժողովրդի մեծագույն նվաճումներից մեկն է 20-րդ դարում, որի պայծառ էջերը միշտ էլ պետք է մնան սերունդների հիշողության մեջ: Այսօր հիշենք արցախյան հերոսամարտի դրվագներից մեկը, ազատամարտի մի պայծառ էջ, որն իր մեջ խտացնում է մեր հերոսական պայքարի ողջ էությունը: Խոսքը Քարինտակի հերոսամարտի մասին է:

Ինչպես եղավ, որ ընդամենը 700 բնակիչ ունեցող այդ փոքրիկ գյուղը փառավոր հաղթանակ տարավ մարտի դաշտում: Չէ՛ որ ուժերի հարաբերակցության, հակառակորդի զինվածության չափերի առումով նման հաղթանակը հավասարագոր էր հրաշքի: Ինչպե՞ս կատարվեց հրաշքը:

Ամենից առաջ շեշտենք, որ դա Ոգու հաղթանակն էր, անընկճելի այն Ոգու, որ սնունդ է առել հայրենի հող ու ջրից, անկոտրում դարձել շրջապատի լեռների պես:

* Առաջին անգամ տպագրվել է «Հայաստանի Հանրապետություն» օրաթերթում, 1998 թ., 4 փետրվարի:

Հավատարիմ իրենց նախնիների ավանդներին՝ քարինտակցիները շարժման հենց սկզբից որոշեցին, որ գյուղից հեռացող չպետք է լինի. և մինչև վերջ հավատարիմ մնացին իրենց որոշմանը: Շուտով արցախյան շարժման գործուն մասնակից, երևանաբնակ քարինտակցի Միշա Պետրոսյանը տեսավ, որ օպերայի հրապարակում բռնկեցք բարձրացնելուց ավելի օգտակար ու կարևոր գործ կարող է կատարել հայրենի գյուղում, համազյուղացիների հետ, և չսխալվեց: 1989 թ. գարնանը նա իր բազմամդամ ընտանիքով արդեն գյուղում էր, և նրա վերադարձը բարոյահոգեբանական որոշակի լիցք հաղորդեց բնակիչների վճռականությանը, մանավանդ նա դառնալու էր երևանն ու Քարինտակը կապող օղակ:

Անհրաժեշտ էր խելացի հետևողականությամբ հոգալ գյուղի ինքնապաշտպանության կարիքները: Իսկ դրանք շատ էին, բազմաբնույթ: Քարինտակը աշխարհի հետ կապվում էր միայն մեկ ճանապարհով, որն անցնում էր Շուշի քաղաքի անմիջական կողքով: Շարժման հենց սկզբից այդ ճանապարհը վտանգավոր էր դարձել, իսկ որոշ ժամանակ հետո օժոնականները փակել էին այն: Քարինտակը պետք է իր համար կյանքի ու փրկության ճանապարհ բացեր և հայրենի լեռների ու կիրճերի միջով բացեց 18 կմ-ոց ճանապարհ, կապվեց «մեծ աշխարհի», հարևան Շոշ գյուղի հետ:

Անհրաժեշտ էր մտածել բնակչության կենսապահովման մասին, և Միշա Պետրոսյանը ստեղծեց հացի փուռ, ժողովրդին ապահովեց հացով, իսկ մանկապարտեզին, տուժած ընտանիքներին, ծայրահեղ վիճակում հայտնվածներին՝ օգնում էր անվարձահատույց: Ազերիները կտրել էին էլեկտրաէներգիան, ալրաղացները չէին աշխատում: Միշա Պետրոսյանի ջանքերով վերակառուցվեց նախահեղափոխական տարիներին կառուցված, բայց վաղուց արդեն ավերված երկհարկանի ջրաղացը: Շուշիից տեղացող գնդակների տարափի տակ՝ գյուղացիները երկու օրվա ընթացքում վերաբացեցին 2 կմ-ոց ավերված առուն՝ ապահովելով ջրաղացի աշխատանքը: Հետագայում ջրաղացը նվիրվեց հերոսաբար զոհված ազատամարտիկ Ալյոշա Վարդանյանի ընտանիքին՝ նրա երեխաների ապրուստն ապահովելու համար:

Ձինաբախման նախորդած օրերին գյուղ էին տեղափոխվել մեծ քա-

նակությամբ շինարարական նյութեր՝ գյուղի հասարակական շենքերը՝ մանկապարտեզը, ակումբը, գյուղխորհրդի շենքը վերանորոգելու համար, 4 կմ ջրատար խողովակներ էին ստացել՝ գյուղի ջրամատակարարման հարցը լուծելու համար:

Հենց այս կարգի կենսականորեն կարևոր, ստեղծագործ աշխատանքն է լիցքավորում քարինտակցիներին, ամրապնդում հակամարտությունից հաղթանակով դուրս գալու համոզմունքը: Բարձր ու մարտական այդ ոգու դրսևորումներից էր նաև այն, որ 1990 թ. ամռանը Քարինտակն էր միակ այն գյուղը, որ կարողացավ իր անասնահոտերը բարձրացնել հարազատ ֆիդայիներով պաշտպանված Քիրսի լանջերը:

Այս ամբողջ «խաղաղ» աշխատանքին զուգընթաց գյուղը ոչ մի րուպե չի մոռացել օրավուր անխուսափելի դարձող զինված ընդհարումից պատվով դուրս գալու մասին: 1988 թ. սկսած՝ գյուղը գործում էր նաև ինքնապաշտպանության զինական միջոցների ստեղծման ուղղությամբ: Ստեղծվում է պաշտպանության շտաբ՝ Վաղարշակ Առուշանյանի գլխավորությամբ: Գյուղի պաշտպանությանն են զինվորագրվում ոչ միայն զենք կրելու ընդունակ տղամարդիկ:

1991 թ. գարնանը գորբաչովյան գորբերը ձեռնամուխ եղան Արցախ աշխարհի հայաթափմանը՝ սկսած Շամխորի շրջանից մինչև Հադրութի շրջան: Մի քանի տասնյակ հայկական գյուղեր բռնությամբ տեղահանվեցին իրենց դարավոր օջախներից: Մայիսի 15-ին նույն բախտին արժանացան նաև Բերդաձորի ենթաշրջանի հինգ հայկական գյուղեր: Այդ տագնապալի իրադարձության ազդեցության տակ գյուղի պաշտպանության շտաբի նախաձեռնությամբ հրավիրվեց ընդհանուր ժողով: Մի գիշերվա մեջ գյուղից դուրս բերեցին երեխաներին, աղջիկներին ու կանանց: Իսկ ինքնապաշտպանական ջոկատները դիրքեր գրավեցին շրջակա լեռներում:

Բերդաշենի ենթաշրջանում իրենց սև գործը վերջացնելուց հետո, խորհրդային զինվորներն ու աղբբեջանական օժոնը մայիսի 16-ին շրջափակեցին գյուղը, սակայն ցանկալի արդյունքի չհասան. պարզվեց, որ Քարինտակը դեռևս չէր մտել հայաթափման սաֆոնովյան ցուցակի մեջ: Այնուամենայնիվ, այդ օրը ձերբակալվեցին պաշտպանության

կազմակերպիչներ Յրանտ Ղարախանյանը, Գուրգեն Պողոսյանը, Միշա Պետրոսյանը, Ռազմիկ Թևոսյանը և տասնյակ այլ գյուղացիներ:

Աթուղորտը գնալով շիկանում էր. ճակատագրական բախումը՝ դառնում անխուսափելի:

Դեռևս 1989 թ. երիտասարդների 14-հոգիանոց մի ջոկատ անցել էր Քարինտակ՝ գյուղի ինքնապաշտպանությունը հոգալու համար: Սակայն ուրիշ էր 1991 թ.-ը: Արդեն հայաթափվել էին աղբբեջանի ողջ տարածքով մեկ ցրված հայկական դարավոր բնակավայրերը՝ Բաքվից մինչև Ղազախ, Վարդաշենից մինչև Ժղանովի շրջան: Հայաթափվել էին նաև մարզի բնական շարունակություն, բայց արհեստականորեն կտրված Շամխորի, Ղաչքեսանի, Խանլարի շրջանները, մարզի Հաղորթի շրջանի 13 գյուղ, Բերդաձորի 5 գյուղերը: Իրական սպառնալիք էր կախվել Արցախի յուրաքանչյուր բնակավայրի, յուրաքանչյուր թիզ հողի վրա:

1991 թ. ամռանը Միշա Պետրոսյանը համագյուղացիներից և դարաբաղցի երիտասարդներից կազմակերպում է 17-հոգիանոց մի գորաջուկատ, հայթայթում անհրաժեշտ զինամիջոցներ և տեղափոխում գյուղ: Այդ ջոկատը, միանալով տեղի ուժերին, վճռական դեր է կատարում հարթական ճակատամարտի օրը:

1992 թ. հունվարի 26-ի գիշերը թշնամիները շրջափակման օղակի մեջ առան գյուղը և առավոտյան 6.30-ին սկսեցին գրոհը: 1500 հոգուց կազմված աղբբեջանական զորագնդի գործողություններն անձամբ ղեկավարում էր պաշտպանության նախարար Սեփիկը: Ազերիներն ունեին զենքի համարյա բոլոր տեսակները, գրոհն ուղեկցվում էր այնպիսի ահավոր գնդակոծությամբ, որ պաշտպանական դիրքերում գտնվող 60-70 ազատամարտիկներին օգնության հասնելը դարձել էր անհնարին: Սակայն մի բուռ հայ քաջորդիներ թվաքանակով ու զինվածությամբ բազմապատիկ ուժեղ հակառակորդին 12 ժամ տևած մարտում այնպիսի քարոջ տվեցին, որ երեկոյան ժամը 19-ին նրանք մազապուրծ փախան դաշտից՝ թողնելով 100-ից ավելի սպանված, բազմաթիվ վիրավորներ և զինտեսխնիկա: Իրենց անոթալի պարտության վրեժն առան նրանով, որ 5 օր շարունակ թնդանոթային կրակ տեղացին գյուղի վրա, որպեսզի գյուղում կանգուն չենք չմնա, և ավերեցին բազմաթիվ տներ:

Բախտորոշ ու պատմական այս ճակատամարտում վճռորոշը ոչ թե հակառակորդ կողմերի թվական կազմն էր կամ զինվածության աստիճանը, հանգամանքներ, որոնք ուրիշ դեպքերում, իրոք, վճռորոշ են, այլ Ռզին, հավատը սեփական ուժերի նկատմամբ:

Այդ օրը Անմահների գորաբանակին միացան բազմաթիվ հայ քաջորդիներ:

Երբ բացվեց Արցախը մայր հայրենիքի հետ միացնող ճանապարհը, քարինտակցիները շարունակվող պայքարին զուգահեռ ձեռնամուխ եղան ավերված գյուղի վերականգնմանը: Միշա Պետրոսյանը հերթական անգամ տեղափոխվեց Երևան, Էրեբունու և Մյասնիկյանի շրջախորհուրդների գործուն օգնությամբ հայթայթեց պատկառելի չափերի հասնող շինանյութ (ցեմենտ, շիֆեր, մեխ և այլն): Նրա շնորհիվ 25-30 ավտո շարասյուն կազմած մտավ Քարինտակ:

ԱՐՑԱԽՆ Է ԼՈՒԾՈՒՄ ԻՐ ՀԻՄՆԱՅՎՈՅՑ Արցախյան ազատամարտի տասնամյակի առթիվ

Արդեն տասը տարի է, ինչ մեծ տիրությունների քաղաքական շրջանակներն իրենց համար զբաղմունքի առարկա են դարձրել դարաբաղյան հիմնահարցը և տասնամյա որոնումներով փորձում են «ինչ-որ արդարացի լուծում» գտնել, բայց «չեն կարողանում»: Եվ չեն էլ կարողանալու...

Այդ մասին է վկայում մեր ժողովրդի վերջին երեքհարյուրամյա ողբերգական պատմությունը, որի արդյունքում մեզ զրկեցին մեր հայրենիքի 9/10 մասից: Պատմությունը նման դատավճիռ է կայացնում այն ժողովուրդների նկատմամբ, որոնք չեն կարողանում իրենց գոյության իրավունքը սեփական ուժերով պաշտպանել և միամիտ հույսեր են կապում հզոր «բարեկամների» բարի կամեցողության հետ: Իսկ փոքր, թույլ, նվաճված և ճնշված այլ ժողովուրդներ, որոնք սեփական ճակատագրի հարցը վստահել են սեփական հնարավորություններին, հասել են իրենց նպատակին, նվաճել են երազած ազատությունը:

Երբ մի հետադարձ հայացք ենք ձգում մեր պատմության վերջին ե-

րեքհարյուրամյակի վրա, տեսնում ենք, որ մեր ազգային-ազատագրական պայքարի նախաքայլերից իսկ սկսած մեծ տերությունները, որոնց հետ ինչ-ինչ հույսեր ենք կապել, հետևողականորեն մեր պայքարը ծառայեցրել են իրենց աշխարհակալական նպատակներին՝ ամեն անգամ մեզ դնելով գոհասեղանին, ամեն անգամ պատճառ դառնալով կամ նպաստելով, որ մեզ գրկեն մեր հայրենիքից:

Այսօր էլ շարունակվում է մեծ տերությունների նույն մրցակցությունն ու հակամարտությունը, միայն այն նորությամբ, որ մեծերի ցուցակի մեջ որոշ տեղաշարժեր ու փոփոխություններ են կատարվել. ցուցակից դուրս են մնացել, ասենք, Ավստրո-Յունգարական կայսրությունը, տեղը բռնել ու առաջին պլանում է հայտնվել գերտերություն դարձած ԱՄՆ-ն:

Հիշենք, թե ԽՍՀՄ-ը կործանելու գորբաչովյան ծրագիրը՝ մշակված անդրօվկիանոսյան գիտական կենտրոններում, իրականացնելու համար ինչպե՞ն էին քարեքար գցում մեզ, ինչպիսի համաշխարհային աղմուկ էին սարքել դարաբաղյան պահանջատիրության պաշտպանությամբ, ինչպե՞ն էին իրենց պատվավոր քաղաքացիները դարձնում շարժման մեջ անուն հանածներին, ինչե՞ր էին խոստանում, ընդհուպ մինչև եվրոպոլիս, այն էլ, ո՛չ ավելի, ո՛չ պակաս, Նախիջևանի սահմանագլխին: (Բարեբախտաբար թե դժբախտաբար հայ ժողովուրդը չզնաց դրսից մատնացույց արված նախիջևանյան ճանապարհով, չնայած հազար տարի էլ անցնի, նա չի մոռանա իր Նախիջևանը):

Երբ մեզ համար նախասահմանված դերն արդեն կատարել էինք, երբ արդեն իրական փաստ էր դարձել ԽՍՀՄ փլուզումը, Արևմուտքն էլ բացեց իր ավանդական քաղաքականության երկրորդ էջը: Իրար կողք դրեք Տեքսերի ելույթները Չայաստանում և Բաքվում, և ամեն ինչ հասկանալի կլինի: Մեր այդ «անփոխարինելի» բարեկամները բերանները ջուր լցրեցին ու մի կողմ կանգնեցին, երբ թուրք ազերիները գորբաչովյան գործերի գործուն մասնակցությամբ ու «Կոլցո» օպերացիայով հայաթափում էին Ադրբեջան կեղծամուկով շրջանառության մեջ մտցված Արևելյան Անդրկովկասը, մի երկրատարածք, որ հայ ժողովրդի բնական հայրենիքն է: Իսկ երբ սեփական գոյատևման իրավունքը

պաշտպանելու բոլոր միջոցներն սպառած արցախցին իրեն պարտադրված պատերազմի ժամանակ ստիպված եղավ գեներ վերցնել և ոչ միայն կարողացավ չվաստակած հաղթանակներով լլկտիացած հակառակորդի հաղթարշավը կանգնեցնել, այլև որոշ փշրանքներ էլ ետ բերեց նախկինում իրենից բռնազավթվածներից, այդ նույն արևմտյան «բարեկամները» շաբաթը մի անգամ ՄԱԿ-ի Անվտանգության խորհրդի որոշումներով սպառնալիքներ էին տեղում արցախցիներին գլխին:

Է՛հ, աղքատ ու հպարտ Արցախը ինչո՞վ և ինչպե՞ս կարող էր բավարարել Արևմուտքի ախորժակը. երբ հարյուր տարուց ավել է, ինչ այն գրգռված է Բաքվի նավթի հոտից: Եվ ահա, ազգային-ազատագրական պայքարի փոխարեն մեջտեղ են ցցել պետության սահմանների անձեռնմխելիության նորօրյա խրտվիլակը, այն էլ մի պետության նկատմամբ, որը ձևավորվել է ոչ հեռավոր անցյալում երկրատարածք բերված քոչվոր ժողովրդի համար. Արևելյան Անդրկովկասի հինգ տեղաբնիկ ժողովուրդների՝ հայերի, լեզգիների, թալիշների, թաթերի և ուդիների հայրենիքների հաշվին:

Այսօր պարզից էլ պարզ է, որ Միսսկի խումբը իր համանախագահներով կամ միջազգային որևէ այլ ատյան, ուր խաչաձևվում են մեծ տերությունների արյունոտ կամ անարյուն շահերը, չի կարող լուծել դարաբաղյան հիմնահարցը. բացառվում է մի այնպիսի լուծում, որ ձեռնտու լինի բոլոր կողմերին: Մեծ տերությունների կամեցողությամբ դարաբաղյան հիմնահարցի լուծումը բացառվում է ամենից առաջ նաև հենց այն պատճառով, որ **դարաբաղցին արդեն լուծել է իր հիմնահարցը՝ ծանր ու անձնագորի պայքարում նվաճելով սեփական ազատությունն ու անկախությունը:** Այս անգամ ուրիշների բախտը որոշող հզորները փոքր-ինչ ուշացել են, և նրանց «մտահոգությունը» արդարության հաստատման գործում ժամանակավրեպ է:

Թիկունք ունենալով համայն հայության զորակցությունը՝ Արցախն այսօր հասել է արդեն մի այնպիսի ինքնահաստատման, որ նրա գլխին այլևս չեն կարող սարքել Բեռլինի վեհաժողով, Սևր ու Լոզան, Բրեստ ու Ղարս... Արցախը ձեռք է բերել իր ազատությունն ու անկախությունը և անցել սեփական պետականության վերականգնմանը՝ շարունակելով

իր առանձների, վաչագանձների, համամների հայրենաշեն ավանդները:

Արցախն իր նորաստեղծ իշխանությամբ այս անգամ էլ պատվով կպսակի ազատամարտի երկրորդ էտապը, չնայած մեծ տերություններն իրենց հակամարտ շահերի թելադրանքով փորձում են խլել նրա ծեռք-բերումները՝ քթները խոթելով մեր լեռների, կիրճերի ու անտառների խորքերը: Իսկ դրա համար իր շատ ու շատ անելիքների հետ միաժամանակ արցախցին պետք է հիշի իր երեկվա օրը, իր անցած ճանապարհը, նրանից անհրաժեշտ դասեր քաղի և աներեր հետևողականությամբ պաշտպանի իր ազգային-պետական շահերը: Արցախը փրկվել է և վերջնականապես փրկվելու է հայ ժողովրդի հավաքական ջանքերի շնորհիվ, նա մենակ չի եղել և մենակ չի մնա դեպի հավերժություն ընթացող իր երթուն:

1998թ. հունվար

ՓՈՒՏԻՋՈՒՄ

Ղարաբաղյան հիմնահարցի նկատմամբ «անհանգստության» նոր ալիքը գալիս է մի կրկին անգամ հաստատելու, որ աշխարհի հզորները իրենց աշխարհակալական շահերի թելադրանքով դարձյալ հետամուտ են մեզ գոհասեղան հանելու ավանդական քաղաքականությանը: Հարյուր տարի առաջ Գլադստոնի կրակոտ ելույթներով մեզ քարեքար էին զցում, որպեսզի Սուլզերիի բերանով հայտարարեն, թե անգլիական նավերը Սասունի լեռներ բարձրանալ չեն կարող: Հարյուր տարի հետո Բեռլինի պատի փլուզումը վերագրում են Ղարաբաղյան շարժման ալիքին, որպեսզի հետո դեմներս ցցեն «տերիտորիալ ամբողջականության» խրտվիլակը: Հարյուր տարի առաջ նրանց պետք էր մեր արյան և հայրենիքի հաշվին Թուրքիայից յուղալի կտորներ պոկելին, տեր դառնային թուրքական շուկային, հարյուր տարի հետո փոխարինելու է եկել Բաքվի նավթը:

Նայեցեք վերջին տասնամյա իրադարձությունների ընթացքին: Աղբբեջանի ողջ տարածքով մեկ իրականացրեցին հայերի ջարդերն ու բռնազաղթը: Բաքվի կեսմիլիոնանոց հայության ջարդի մոլուցքի մեջ հասան մինչև մարդակերության: Աշխարհի բախտը տնօրինող «արդա-

րամիտ, մարդու իրավունքների պաշտպան» գերտերությունները բռնել էին «անշահախնդիր» ակամատեսի դիրքը: Ավելին: Սուևգայիթի թուրքական բարաքների ցուցադրումով ու հակահայկական տևական քարոզարշավով ավելի բորբոքեցին հակառակորդի վայրենի բնագոյները, մեն ինչով. նույնիսկ պետական գորքերով հանրապետության ողջ տարածքով մեկ իրականացրեցին հայերի ջարդն ու բռնազաղթը: Եվ այդ ամենը գնահատվեց որպես բնական ու հասկանալի երևույթ: Բայց երբ պետք էր նույն ճակատագրին արժանանար նաև Ղարաբաղը, և դարաբաղցին իր գոյության բնական իրավունքով լռեցրեց հոջալուի թուրքական կրակակետը, նույն «արդարամիտ, մարդու իրավունքի պաշտպան» հզորները ՄԱԿ-ի Անվտանգության խորհրդի որոշումով ագրեսոր հռչակեցին դարաբաղցուն՝ հետագայում բազմապատկելով նման որոշումները մեր ամեն մի հաջողության առիթով: Ահա թե ինչու այսօր համազգային քաղաքական գերխնդիրն աշխարհի հզորների «արդարամտությանը» կուլ չգնալու մեջ է անփոփված:

Այսօր պարզից էլ պարզ է, որ Միևսկի խումբը իր համանախագահներով կամ միջազգային որևէ այլ ատյան, ուր խաչաձևվում են մեծ տերությունների արյունոտ կամ անարյուն շահերը, չի կարող լուծել դարաբաղյան հիմնահարցը: Քանի դեռ հզորության և ուժի համաշխարհային մրցակցությունը չի ավարտվել մեկի հաղթանակով, նման կառույցները հիշեցնելու են թուրքական բաղնիք, ուր ընկած օձառը վերցնելու ռիսկի չի դիմելու որևէ կողմ: Հենց դրա համար էլ, որպես ժամանակ շահելու միջոց, մեջտեղ են զցել Ալին-Քոչարյան հանդիպումները:

Հիմնահարցի լուծման գործընթացի քաշքշուկները ներքին ու արտաքին մի շարք պատճառներով այսօր մեզ ավելի ծանր կացության առաջ են կանգնեցրել, քան եղել ենք պատերազմի դաշտում: Ինչպես երեկ, այսօր ևս թե՛ քաղաքական, թե՛ դիվանագիտական, թե՛ ինքնապաշտպանական բնագավառում դատապարտված ենք մեր բոլոր հնարավորություններով դիմագրավելու առաջին հերթին տարածաշրջանով շահագրգիռ տերությունների պարտադրանքին, որից և սնվում է աղբբեջանական սպառնալիքը:

Մեր պայքարի այս երկրորդ, առավել ծանր էտապում, ամեն ինչից բացի, պետք է շրջանառության մեջ դնել նաև մեր իրավունքը փաստող երկու անշրջանցելի իրողություն: Առաջինն այն է, որ Աղբբեջան կեղծանունով շրջանառության մեջ մտած Արևելյան Անդրկովկասը հայ ժողովրդի բնօրրանն է եղել այն հեռավոր ժամանակներից սկսած, երբ ա-

ռանձնացել է հնդկավրոպական հանրությունից և ձևավորվել որպես ինքնուրույն էթնիկական միավոր: Այդ մասին են վկայում նախ լեզվական, ապա պատմական փաստերը՝ սկսած հինգհազարամյա հնություն ունեցող շումերական գրավոր հուշարձաններից: Երբ ձևավորվեց պատմությանը հայտնի առաջին հայկական միասնական պետությունը, Արևելյան Անդրկովկասը ևս կազմեց նրա մաս: Դա տեղի ունեցավ մ.թ.ա. 8-րդ դարի վերջերին: Գենց այդ ժամանակ էլ հիմնարկվել են Բագուն ու Մարդականը, տեղաճյուղներ, որոնք կազմված են հայոց լեզվի բառակազմական միջոցներով («բագ» բառարմատով վերջին անգամ նոր բառ է կազմվել մ.թ.ա. երկրորդ դարի սկզբին. Երվանդ Վերջինը կառուցեց Բագավանը):

Հագարամյակներ շարունակ այդ երկրատարածքը ինչպիսի նվաճումների էլ ենթարկվել, նվաճողները ինչպիսի վարչատերիտորիալ բաժանումներ էլ կատարել են այնտեղ, էթնիկական առումով այն բացառապես մնացել է հայ հայրենիք մինչև 18-րդ դարի առաջին կեսը: Բոլոր նվաճողներն էլ, սկսած Ալեքսանդր Մակեդոնացուց, երկրատարածքի էթնիկական նվաճման խնդիր չեն դրել և շատ թե քիչ էթնիկական, պատմամշակութային նստվածքներ չեն թողել: Եվ քանի անգամ էլ հնարավորություն է ստեղծվել օտարի տիրապետության թրթափման, տեղը կանգնել է հայկական իշխանություն՝ սկսած Վաչագան բարեպաշտից մինչև Բաքվի կոմունան 1918 թվականին՝ չնայած դեկավարության ինտերնացիոնալ կազմին ու առաջադրած ծրագրին: Իսրայել Օրու տվյալներով՝ ժամանակակից Ադրբեջանի համապատասխան տարածքի բնակչության 87%-ը հայեր են եղել, 13%-ը՝ մահմեդականներ, որոնց կազմում նաև թուրքեր:

Երկրորդ անշրջանցելի իրողությունն այն է, որ դարաբաղյան ներկա հակամարտությունն օրգանական շարունակությունն է ազատագրական այն պայքարի, որի ակունքում կանգնած է եղել Իսրայել Օրին, և ծրագրվում էր Արևելյան Հայաստանը ազատագրել պարսկական տիրապետությունից և վերականգնել կորցրած պետականությունը: Դա մի Արևելահայաստան էր, որի սահմանագլուխը Բաքուն էր, և որը պարսկական կառավարությունը բաժանել էր յոթ վարչատերիտորիալ մարզերի՝ խանությունների՝ Բաքվի, Շամախու, Նուխու, Գանձակի, Ղարաբաղի, Նախիջևանի ու Երևանի: 18-րդ դարում Ղարաբաղում ու Ջանգեզուրում ծավալված ազատագրական պայքարը բնավ էլ տեղական բնույթ կրող երևույթ չէր, այն հետապնդում էր համաանդրկովկասյան խնդիր-

ներ: Պատահական չէ, որ Ղարաբաղում ազատագրական պայքարը դեկավարում էին «Շամախու տղերքը», իսկ Ջանգեզուրում՝ Վրաստանից եկած զինվորականները:

Սկսված ազատագրական պայքարը և այն Ռուսաստանի շահերին ծառայեցնելու համար Պետրոս Առաջինի ձեռնարկած Կասպիական արշավանքը եկան հիմնովին փոխելու Անդրկովկասով շահագրգիռ Թուրքիայի ու Պարսկաստանի քաղաքականությունը: Պետական շահերով ու ադանդներով իրար թշնամի, փոխադարձաբար իրար ոչնչացնող Պարսկաստանն ու Թուրքիան, որ մինչ այդ հայերին խլում էին իրարից որպես իրենց կերակրող, երկիրը շենացնող աշխատավորական ուժի, պետական քաղաքականության մակարդակի բարձրացրեցին հայերին ոչնչացնելու և երկիրը մահմեդականացնելու ճանապարհով Ռուսաստանի դեմ պատնեշ ստեղծելու խնդիրը՝ սկիզբ դնելով երեքհարյուրամյա շարունակվող ցեղասպանությանը Արևելյան Անդրկովկասում:

Թուրքիայի հետ առճակատումից խուսափելով՝ Պետրոս Առաջինը Պարսկաստանին ենթակա Անդրկովկասը ճանաչեց որպես թուրքական սեփականություն: 1724 թ. Թուրքիան ռազմակալեց Անդրկովկասը և կոտորածներին զուգահեռ բռնի մահմեդականացրեց մեծազանգված հայերի: Միայն Նուխու խանությունում, Մակար եպ. Բարխուդարյանի ոչ սպառիչ տվյալներով, բռնի մահմեդականացված հայերի թիվը 19-րդ դարի վերջերին 15480 ծուխ ազգաբնակչություն էր կազմում: Իսկ բռնի մահմեդականացման գործողությունը ձգվել է մինչև Դերբենդի շրջակաները:

Տասը տարի հետո, 1734 թ., Իրանի տիրակալ Նադիրը ռազմակալեց Անդրկովկասը և Թիֆլիսից մինչև Կասպից ծովն ընկած տարածքից գերի տարավ 700000 բնակչի: Միայն Շամախի քաղաքը, որն ուներ տասը հազար ծուխ հայ բնակչություն, հիմնովին կործանվեց շահի հրամանով, և բնակիչները քշվեցին Պարսկաստան: Փոխարենը շահը Պարսկաստանի խորքերից ու Իրաքից Արևելյան Անդրկովկաս տեղափոխեց թրքախոս քոչվոր ցեղերի զանգվածներ՝ հիմք դնելով երկրատարածքի էթնիկական նվաճմանը: Այդ քաղաքականությունը հետագայում որդեգրեց ցարիզմը՝ իր կորցրած պետականության վերականգնման հույսը փայլափայլ հայության հնարավոր անջատողական տրամադրությունների դեմ քոչվորական վայրենի ուժը օգտագործելու հեռանկարով, և օգտագործեց 1905-07 թթ. հայ-թուրքական ընդհարումների տեպոզ: Ցարերի քաղաքականությունը շարունակեցին նաև բոլշևիկները՝ ոչ միայն

հայկական մարզերը դնելով նորաթուխ ադրբեջանական իշխանությունների տրամադրության տակ, այլև մինչև 1954 թ. թուրքախոս զանգվածների ներհույսը էին կազմակերպում այդ հանրապետության հարևան Իրանից:

Զնայած այս հետևողական, հայության համար ողբերգական քաղաքականությանը՝ Արևելյան Անդրկովկասը մինչև 1988 թ. հայրենիք էր մնացել հայության համար՝ սկսած Կովկասյան լեռների փեշից մինչև Արաքս, Բաքվից մինչև Ղազախ, այս դեպքում աղոթեն որպես ընդհանուր հայրենիք՝ թուրքական տարրի թվական գերակշռությամբ: Այո, դարերի մաքառումը ծանր ու շատ դեպքերում կորստաբեր է եղել, բայց ամեն անգամ, երբ միջամակալ դադարներ են եղել, երբ քարոզ ու գերեվարումին հաջորդել են խաղաղ ու ապահով ժամանակներ, հայ ժողովրդի փրկված բեկորները վերադարձել են իրենց բնօրրանը, վերաշինել իրենց քանդված օջախները: Միայն գորբաչովյան վարչակարգի հրահրած հակամարտության արդյունքում էր, որ նույն գորբաչովյան գործերի ակտիվ դերակատարմամբ ու «Կոլցո» օպերացիաներով հայ ժողովուրդը զրկվեց հազարամյակների իր հայրենական տարածքներից՝ կարողանալով փրկել միայն մի փոքրիկ բեկոր: Ի դեպ, Պարսկաստանը Ռուսաստանին է հանձնել 14 հազար քառակուսի կմ տարածք ունեցող մի Ղարաբաղ, որը բուշևիկները դարձրին 4 հազար:

Այս է պատմության ընթացքը, պատմական ճշմարտությունը, որը բնավ էլ պատմություն չէ իր ավանդական ընթրոմով, այլ երեքհարյուրամյա ընթացք ունեցող ու այժմ էլ շարունակվող մի ողբերգություն, որի ծայրը դեռևս չի երևում:

Փոխանակ այս նախադրյալներից ելնեն ներկա հակամարտության շուրջը ծավալված գործընթացներում, փոխանակ տարբեր իշխողների շահերի թելադրանքով երկու ժողովուրդների համար ընդհանուր տան վերածված մեր հայրենիքից իր օրինական բաժինը պահանջելու, փոխանակ փոխադարձ զիջումների սեղանին Բաքվի, Շամախու, Նուխու, Գանձակի հարցերը դնելու՝ մեր քաղաքական ղեկավարներն այսօր սակարկում են ոչ թե ազատագրված, այլ գրավյալ տարածքների շուրջը, զբաղվում «ինքնավարությունից բարձր, անկախությունից ցածր» լաբախաղացությամբ: Այո, պատերազմը վերջացնելու, երկու ժողովուրդների միջև խաղաղություն հաստատելու համար զիջումներ են պետք: Բայց այդ զիջումների համար պետք է ամեն ինչ դրվի կշեռքի մժարին, որ ինչքան էլ անհամարժեք ու անհավասար, այնուամենայնիվ, ինչ-որ հավասարակշռություն հաստատվի:

Փոխադարձ զիջումների սեղանին պետք է հարցը դնել հետևյալ կտրվածքով:

Անդրկովկասով շահագրգիռ տերությունների երեքհարյուրամյա հակամարտության արդյունքում հայ հայրենիքի հաշվին ադրբեջանցիների համար նոր հայրենիք է ստեղծվել: Երբ ազերթուրքերը դեռևս ոչխար էին արածեցնում, հայերը իրենց երեքհազարամյա հնությունից վերածնված Բաքուն հարյուրերեսուհամայն մի ժամանակահատվածում դարձրին համաշխարհային հնչեղության քաղաք, որը մնում է նրանց: Դրան հակակշիռ, կշեռքի մյուս մժարին է դրվում Լեռնային Ղարաբաղի Զանրապետությունը իր ներկա դրությամբ, և Բաքուն ճանաչում է նրա անկախությունը: Երկրամասի մյուս տարածքներից ԼՂՀ-ի մժարին են դրվում այն շրջանները միայն, որոնք վերջին երեքհարյուրամյակում թուրքերը զենքով նվաճել չեն կարողացել և բռնազավթվել են միայն գորբաչովյան գործերի դերակատարմամբ: Խոսքը Օսմանյան թուրքերին է վերաբերում, որը և՛ 1724, և՛ 1918 թթ. չկարողացավ նվաճել այդ շրջանները: Մի վերջին անգամ շեշտենք, որ ազերթուրքերի համար նոր հայրենիքի հիմքերը դրել են թուրքիան և Իրանը, իսկ վերջնական ավարտին է հասցրել Ռուսաստանը՝ ամեն մեկը ելնելով իր աշխարհաքաղաքական նկրտումներից:

ԼՂՀ-ին վերադարձվելիք այդ շրջաններն են՝ Շամխորը, Քարիատ-Դաշքեսանը, Գետաշենը, Շահումյանը: Դրանց գումարվում է նաև ժառանգվող ԼՂԻՄ-ի վարչական տարածքում, Ղարաբաղի ազգաբնակչության ձեռքով ստեղծված շրջանը, որը կամայականորեն կտրեցին մարզից և դարձրեցին հանրապետական ենթակայության շրջան:

Իրականում կայացած երկու պետությունների՝ Ադրբեջանական Զանրապետության և Լեռնային Ղարաբաղի Զանրապետության միջև շատ թե քիչ կայուն ու տևական խաղաղության ու փոխըմբռնման հաստատման համար ներկա պայմաններում փոխզիջումային առավել բանական ու տանելի տարբերակ մենք չենք տեսնում:

ՊԱՅՔԱՐԸ ՇԱՐՈՒՆԱԿՎՈՒՄ Է

Հողվածների այս շարքում փորձեցինք մեր ընկալումով պատասխանել արցախյան ազատամարտի հետ առնչվող ինչ-ինչ հարցերի, ներկայացնել հիմնահարցի ձևավորման պատմական ընթացքը՝ իմաստավորելու համար մեր ժողովրդի ձեռքբերումների արժեքը ազերթուրքերի հետ ունեցած հակամարտության արդյունքում: Բայց դա իրականության մի երեսն է միայն, երբ դրված էր մեր գոյության իրավունքի հաստատումը մեր հազարամյակների հայրենիքում, և անվերականգնելի զոհողությունների գնով հաստատեցինք այն:

Իրականության մյուս երեսը սպառնացող հարցականի տեսքով կանգնել է մեր դեմ և պատասխան է պահանջում. կկարողանա՞նք Հայրենիքի փրկված այդ հատվածում մեր գոյության հարատևումը ապահովել, կկարողանա՞նք ստեղծել մի այնպիսի առաջընթաց, մարդավայել կյանքի մի այնպիսի կայուն վիճակ, որ ժողովուրդը անուր կանգնի հայրենի հողին, որ հայրենի հողը մազմիսի պես դեպի իրեն ձգի իր պանդուխտ զավակներին:

Առաջիկային թողնելով մեր նկատառումներն այդ հարցերի մասին՝ ընթերցողի դատին ենք խանձնում որոշ ահազանգող իրողություններ:

Արցախյան առաջին ազատամարտի ժամանակ, 18-րդ դ. սկզբին, Արցախն ունեցել է 100 հազար ծուխ ազգաբնակչություն և տնտեսական այնպիսի ներուժ, որ խոստանում էր հոգալ ռուսական զորքի ծախսերը, եթե Պետրոս Առաջինը ձեռնարկի հարավային արշավանքը: Պատկերացնելու համար բնակչության թվակազնը՝ բերում ենք հետևյալ զուգահեռը՝ չնայած այն վերաբերում է արդեն կործանված նահապետականության ժամանակներին: Մակար Բարխուդարյանցի հաշվումներով՝ նախկին Շաքիի խանության բռնի մահմեդականացված հայերը 19-րդ դարի վերջին կազմում էին 15480 ծուխ: 1916 թ. ցարական վիճակագրությամբ նրանց թիվը 188000 էր: Այսինքն՝ ծուխը բաղկացած էր 10-ից ավելի անձից: Իսկ 1926 թ. մարդահամարով ԼՂՀՄ-ում կար ընդամենը 111000 հայ, որոնց թվակազնը 1970 թ. մադահամարի համաձայն հասել էր 121000-ի: Նույն ժամանակահատվածում ազերթուրքերը 1438977-ից հասան 3776778-ի:

Երկուհարյուրամյա դաժան փորձությունների հետևանքով, նույն Մ.

Բարխուդարյանցի հաշվումներով, Արցախում ավերվել են «երեք քաղաք, տասը գյուղաքաղաք, 360 գյուղ, որոնց բնակիչներն գաղթել են այլևայլ կողմեր»¹⁹: Չանց առնելով 1918-1921 թթ. ավերածությունները՝ միայն 1988-ով սկսված հակամարտության ժամանակ, գորբաչովյան զորքերի ակտիվ դերակատարմամբ, հայաթափեցին մարզի սահմաններից դուրս թողնված արցախյան 240, մարզի 12 գյուղ, ԳՀՇ-ակամները թուրքերին թողեցին Մարդակերտի շրջանի 9 գյուղ:

Թե ինչպիսին է վիճակն այսօր չդադարող արտագաղթի պայմաններում, բավարարվում ենք մեկ փաստով միայն: Հակամարտության ընթացքում ավերածությունից զերծ մնացած, նյութական կորուստ չտված, հարաբերականորեն կայուն վիճակ ունեցող Գիշի գյուղը 2001-ին տվել է միջնակարգի 37 շրջանավարտ: 2000թ. ունեցել է ընդամենը 18 ծնունդ...

Ահա թե ինչու արտաքին ամեն մի ճնշումի դիմագրավելուց առավել, Արցախի վերջնական փրկության համար անհրաժեշտ է համազգային մի նոր շարժում՝ ավերվածը վերականգնելու, կորցրածը ետ բերելու համար: Այլապես իրականության ներկա զարգացումները կարող են հանգեցնել մի կետի, երբ մի նոր Գորբաչով կհայտարարի, թե Արցախում բնակչություն չկա, այնտեղ կուտակված «էքստրեմիստ բոյեվիկների» դեմ պետք է կրկնել «Կոլցո» օպերացիան:

Մեր պատկերացումով՝ Արցախի վերականգնումը պետք է սկսել գյուղատնտեսությունից: Նախ՝ ելնելով այն իրողությունից, որ երկրամասը ազդարային է, ժողովուրդն այդ ուղղությամբ է մասնագիտացած: Ապա՝ գյուղատնտեսության մեջ քիչ ծախսերով և կարճ ժամանակամիջոցում շոշափելի արդյունք է ստացվում:

Գյուղատնտեսական Արցախը շատ բան ունի տալու աշխարհին, եթե տեր կանգնենք առկա հնարավորություններին:

Աղբեջանական իշխանությունների ծայրահեղ գաղութատիրական, Ղարաբաղի հայաթափմանը միտող քաղաքականության պայմաններում անգամ մարզը պետությանն էր հանձնում այնքան եկամուտ, որ այսօր երազել կարող են երկու հայկական պետությունները միասին վերցրած: Ի՞նչ ասեք, որ չի աճում Արցախում, սուրճից ու բամբակից բացի: Բավական է հիշել տնտեսության առաջատար ճյուղերից մի քանիսի որոշ տվյալներ. խաղող՝ 172000 տ., ցորեն՝ ավելի քան 100000 տ, միս՝

19 Մակար Եպս. Բարխուդարյանց, Աղվանից երկիր և դրացիք, Արցախ, Ե., 1996, էջ 13:

13000տ, կաթ՝ 65000 տ, բուրդ՝ 700 տ, ձու՝ 7,5 միլիոն հատ, բոժոժ՝ 250 տ, թթի օդի՝ 300000 ուլ: Էլ չենք խոսում զանազան պտղատու այգիների, բանջարաբոստանային մշակումների և այլնի մասին՝ ընդհուպ մինչև դեղաբույսերը:

Նշենք, որ վերոգրյալ ցուցանիշները բնավ էլ իրականության սպառնիչ պատկերը չեն ներկայացնում. դրանք պետությանը հանձնվածի ցուցանիշներն են միայն: Իրականում հողի աշխատավորից մինչև երկրի առաջին դեմքը գողանում էին բոլորին, բայց ոչ ոքի պատկանող բարիքները՝ ամեն մեկն իր հնարավորությունների չափով: Հիշենք Անտոն Զոչինյանի Բրլիյանտիչ դառնալը, նաև մի մասնավոր, բայց բնութագրական դեպք:

70-ական թթ. սկզբներին մի օր Գիշի գյուղի կուլտետության նախագահը գյուղի մի երկու մտավորականի մոտ իրավացիորեն պարծենում էր իր կատարած աշխատանքներով: Այդ պահին մոտենում է խաղողի գյուղամերձ այգիների պահակը, բողոքում, թե այսինչը հաճախակի խաղող է գողանում: Նախագահը պահակի ամբողջ ազգն ու տակը նախշելուց, նրանց «մունդառությունը» փնտվելուց հետո ավելացնում է.

- Շան տղա, թող մի 50 տոննա խաղող էլ գողանան, դրանով Գիշին աղքատանալու՞ է, ի՞նչ ես գահլա տանում:

Ավելորդ է ասել, որ ջարքայինը պայուսակով էր գողանում, ինքը բեռնատար մեքենայով, որ պատասխան տար նաև վերադասներին, այլապես կզրկվեր եկամտաբեր պաշտոնից:

Տնտեսական այն մեծ ներուժը, որ ունի գյուղատնտեսական Արցախը, լիարժեք գործողության մեջ դնելու դեպքում կլուծվեն շատ ու շատ հիմնախնդիրներ, և դուռ կբացվեն հարկադրաբար պանդխտության դիմածների վերադարձի համար: Արցախի վերջնական փրկության համար պետք է հասնել նրան, որ վերականգնվի Եսայի Հասան Ջալալյան կաթողիկոսի ժամանակի ազգաքանակը: Իսկ դրան կարելի է հասնել, եթե ազգը սատարի Արցախի տնտեսական վերակենդանացմանը:

Երկու խոսք 4

Ինչպես Արևելյան Անդրկովկասը դարձրին Ադրբեջանում

Ներածության փոխարեն 5
 Երեքհարյուրամյա շարունակվող ցեղասպանությունը
 Արևելյան Անդրկովկասում և նրա հետևանքները 7
 Լաչին-Գետաբեկի ադրբեջանականացման պատմությունից 26
 Ժղանովի անվան շրջանի ադրբեջանականացումը 31
 Ադրբեջանի լսադաղ գալթունների հետքերով 35

Երբ «կացնի կոթը» մեզանից է

Ջարդարության հերթական բռնկումը 42
 Իսկապես, ինչքան կարելի է վնասել ժողովրդին 51
 «Անկանխատեսելի» կանխատեսված իրականությունը 58
 Սատանան ասում է՝ խոսիր 63

Արցախյան ազատամարտի ակունքների մոտ

Ղարաբաղյան հիմնահարցը 69
 Ի՞նչ են ասում փաստերը 72
 Բաց նամակ Ս. Ա. Գորբաչովին 76
 Դարձյալ փաստերի ճնշման տակ 81
 Գորբաչովը պետք է դատվի 85
 Բաց նամակ ՌԴ պետական դումային 92

Արցախն է լուծում իր հիմնահարցը

Տագնապի կանչ Արցախի պանդուխտ գավակներին 95
 Լեռնային Ղարաբաղի Հանրապետության ղեկավարությանը 97
 Քարինտակ՝ «արյունոտ ծոր» թուրքերի համար 99
 Մեր բնական իրավունքն է բռնագալթումին
 պատասխանել ազատագրումով 103
 Քարինտակցիները չհեռացան գյուղից 107
 Արցախն է լուծում իր հիմնահարցը 111
 Փոխգիշում 114
 Պայքարը շարունակվում է 120

ԱՐՏԱՇԵՍ ՀԱԿՈՒԲՋԱՆՅԱՆ

ԱՐՑԱԽՅԱՆ ԱԶԱՏԱՄԱՐՏԻ ԱԿՈՒՆՔՆԵՐԻ ՄՈՏ

Տպագրության են պատրաստ հեղինակի հետևյալ աշխատությունները

1. Ղազարոս Աղայան, (Գրական ժառանգություններ), 14 մամուլ
2. Ղասական ավանդներին հավատարիմ (Գրականագիտական ուսումնասիրություններ և հոդվածներ), 12 մամուլ
3. Կորցրածը ետ բերելու ակնկալիքով (Մերօրյա մտորումներ), 2 մամուլ



«Ամարաս» տպարան

Երևան, Տերյան 44,